






21545/

2000

34827

G13-3



LECCIONES ESPIRITUALES

PARA

LAS TANDAS DE EJERCICIOS

DE S. IGNACIO,

DADAS A LOS INDIOS

en el idioma

MEXICANO.

Compuestas por un Sacerdote del Obispado de la
Puebla de los Angeles.

*Quien las dedica á la Luz increada, bajo el poderosísimo
amparo de la Madre Santísima de ella.*



PUEBLA.

Imprenta Antigua en el Portal de las flores.

.....
1841.

Et lux in tenebris lucet. *S. Joan. Cap. 1. v. 5.*

Exmo. e Illmo. Señor.

HEl repasado detenidamente las lecciones en lengua mexicana que V. E. I. se sirvió remitirme, y veo en ellas espuestas las materias principales que suelen tratarse en los ejercicios de S. Ignacio, no solo de un modo enteramente conforme á las doctrinas catòlicas, sino con tal claridad que están al alcance de cualquiera por rudo que sea.

Seria por lo mismo de desearse que á mas de servir para su objeto, se publicaran por la imprenta, á fin de que algunos ministros que no poseen el mexicano hasta el grado de predicar en èl, se sirvieran de su lectura en los dias festivos, para instruccion de los fieles que no entienden el español.

Este es mi juicio, salvo el superior y mas acertado de V. E. I. cuya importante vida guarda Dios muchos años.

Colegio del Espiritu Santo de Puebla,
12 de Noviembre de 1835.—Illmo. Sr.—
Luis Gutierrez Corral.—Illmo. Sr. Dr. D.
Francisco Pablo Vazquez, dignísimo Obispo de esta Diócesis.

Puebla Noviembre 14 de 1835.

Visto el informe de nuestro Cura del Santo Angel, damos nuestra licencia para que las lecciones en idioma mexicano que ha revisado, se les puedan leer para su aprovechamiento á los indígenas; y así mismo la concedemos para que se puedan imprimir, con tal de que antes de salir al público, se corrijan los errores que acaso tengan los impresos. Lo proveyó el Illmo. Sr. Obispo Dr. D. Francisco Pablo Vazquez.—M. El Obispo de la Puebla.—Por mandado de S. S. Illma. Dr. D. Luis de Mendizabal y Zubialdea, secretario.

PRÓLOGO.

La instruccion de los indios no solo es de justicia para sus Párrocos á quienes por derecho natural, divino y eclesiástico les obliga bajo la mas estrecha responsabilidad, sino tambien una de las obras de mayor caridad para todos los que de alguna manera puedan contribuir á ella; pues me parece que en esta obra se pueden ejercer las quince cualidades con que nos la describe San Pablo en la carta primera á los de Corinto, acomodadas á las circunstancias gravísimas en que se hallan estos pobres, quienes están pidiendo el pan, y es fuerza repartírseles. Por tanto, constándome por espe-

riencia lo mucho que se han empeñado algunas personas en que se les dén à estas gentes sus ejercicios espirituales, como en efecto se han dado; y careciend^o para este fin de los libros necesarios, he determinado formarles estas cortas lecciones para facilitárselos mas y cooperar con esto poco á tan santa obra. Aunque en ellas se habla directamente con los que toman los ejercicios, puede alguno usarlas fuera de ellos, acomodándolas segun le pareciere, á los padres de familias, que en lo privado quieran leerselas á sus hijos, ó algun otro que ejerza esta obra de misericordia; y si algun Sr. Cura le pareciere bien usarlas, porque ignore el idioma, varie ù omita las voces que le pareciere conveniente, para acomodarlas al lugar. El buen fin que en ello me propuse, dirigiéndolo á la mayor honra y gloria de Dios, hará que se disimulen sus

defectos, y de lo bueno que tuvierén se dé la alabanza á su Magestad.

Advierto, que si al principio no se entienden algunas proposiciones, quizá mas adelante se entenderán, ó en otra leccion: asimismo se notarán muchas repeticiones, y un estilo bastante simple, mas esto es por la rusticidad de las personas con quienes hablo; sin embargo, suplico á la que se comisione para su censura, que quitándole no solo lo substancial que deba, sino lo supérfluo para el mayor aprovechamiento, se digne cooperar por su parte á beneficio de estas pobres gentes, todo lo que penda de su arbitrio.

J. J. P.

9
LECCION

*para la primera mañana de los Santos
Ejercicios de S. Ignacio dados á los
indios.*

Tlenipampa nocnitzitzihua otic-
monechicohque itech nin tlateochi-
hual caltzintli? nozo ocachi quali ;tlei-
ca Dios otechmoqualiquili nican? inic
ticmixmachilizque in Yehuatzin, ihuan
timo ixmatizque in tehuan; tic tla-
pozque to ixtotolohua ihuan ti qui-
tazque quenami ti monehnemitiaya
ompa quiahuac, ihuan ica non ti ca-
zicamatizque quexquich tech mo tla-
zotilia in Dios, ipampa otech mopeh-
penili inic otihualazquia nican, tlen
amo oquimochihuili ica miec tocn-
hua ompa omocahque ipan mundo,
campa manel hueliz mo ixmatiz in
Dios; ac amo quenami nican, ipam-
pa nican techpalehuiz miec in teo-
tlahtol tlen momoztla ticaquizque, in
netlahtlautiliz nozo oracion achica
tic piazque; in quali exemplo timo
zepam macazque; in silencio nican

ticpiazque; quihtoznequi nican amo
 ticmocamanalhuizque, ca zemicac ti
 monehnemitizque ica tocamac tzacti-
 ca, ihuan to ixtololo ipan tlali: no
 ihuan tech palehuiz miec ti quilca-
 huazque zazemi itech nin chicuei to-
 nal nochi in tlachihual iaxca mundo,
 ihuan za ixquich in tlachihual iaxca
 to anima ticmotequipanilhuilizque: i-
 pampa on tinentlamatizque miec, miec,
 inic ti mo ixmatizque, ihuan ti mix-
 machilizque in totecuyú Dios: ma ni
 quihto ocachi chipahuac: ti cazica-
 matizque aquin in Dios, ihuan aquin
 in tehuan: Yehuatzin zenca quali, zen-
 ca mahuiztic, zenca chipahuac; aic
 queman omo pehualti, ihuan aic que-
 man mo tlamitiz; Teicnotanitatzin tech
 mo tlaocolilia tlen totechmonequi; zen-
 huelitini, tlen ica hueliz techmoma-
 quiliz nochi tlen ticmihtlanilizque, in
 tla quali ticmihtlanilia: ihuan tehuan
 ticnotlahtlacoanime, ti cuilinme, ti
 tlazol; amo tlen topati, amo tlen to
 hueli, amo tlen ticpia, itech tlali o-
 tiquizque, ihuan itech tlali timocue-
 pazque; ihuan ica nochi non noc-

nitzitzihua. ¿Quen amo moloniz to-
 yolo ica to ixayotl? ¿Quen amo
 timoyolcocoque huel miec ipam-
 pa otimoyolitlacialhuique nin Dios?
 ¿Quen amo ticuepazque to nemiliz,
 titelchihuazque to tlahtlacol, ihuan ti
 mozemiznahuatizque inic amo oczepa
 timotlahtlacialhuilizque? ¿Quen amo
 zemicac ticmotlazocamatilizque ipam-
 pa otech quiyohui miec xihuitl otic-
 motlahtlacialhuilizquiaya, ihuan ax-
 can otechinonechicolhuili nican inic
 ticmixmachilizque Yehuatzin, ihuan ti
 mo ixmatizque in tehuan, tlen ica tic-
 motilia aquin otimotlahtlacialhuilhque
 ihuan aquin oquimo tlahtlacialhuili?
 ¡Ah nocnitzitzihua! Amo nicmati que-
 nami miec tocnihua ohuitza nican i-
 huan amo oquizque quenami zequi
 Santos: azo ipampa niquita zan icaze
 teotlahtol zequi yolohua mo yemania,
 ihuan oczequin mo tlacuahua: quena-
 mi zan ica ze tonal cera yemania,
 ihuan zoquitl tlacuahua: macamo Dios
 qui monequiltiz zan noihqui mochi-
 huaz to nahuac; ihuan inic amo mo-
 chihuaz, monequi tic mihtlanilizque

Yehuatzin non gracia quimomaquilia
 aquin qui mopehpenilia inic yazque
 inahuactzinco; ac monequi tehuan tic-
 palehuizque nin gracia ica to quali
 tlachihual, auh ica non Yehuatzin qui
 motlamititzinoz tlen oqui mopehual-
 titzino ica igraciatzin; ihuan tlacamo
 ihqui ticchihua, ticpoloa nochi tlen
 nican ti tlanizque inic tic momaquix-
 tizque. Quenami netlahtlauhtiliz no-
 zo oracion; nocnitzitzihua, câ quena-
 mi ze llave tlen ica mo tlapoa ilhui-
 cac, ihuan nican mochiuaz achica;
 monequi ni quihtoz ome, yei tlahtol
 itechcacopa ye, inic hueliz anqui chi-
 huazque ica miec tlaquilo nozo fru-
 to, ihuan ihquac anquizazque an qui-
 matizque quenami anquichihuazque
 ompa itech nanmochan; tlen hueli-
 ca nan motechpohui, inic amo oc-
 zepa antlahtlacoque ica Dios igrac-
 iatzin.

Netlahtlauhtiliz nozo oracion hue-
 liz ticchihuazque, nozo ica to camac,
 nozo zan ica to yolo; intla ticchihua
 ica to camac, itoca netlahtlauhtiliz vo-
 cal: ipampa ica totlahtol ticmitlanilia

in Dios in tlen ticnequi; in tla tic-
chihua zan ica to yolo itoca netlah-
tlauhtilis mental; ipampa zan ica to
yolo ticmihtlanilia in Yehuatzin in
tlen ticnequi; momextintzitzin ticmo-
tequipanilhuilizque nican, ihuan ompa
tochan ihquac ti quizazque: ac ma
in netlahtlauhtiliz vocal, ma in netlah-
tlauhtiliz mental, quinequi nahui tla-
mantli inic Dios quimocaquititzinoz:
ze, ticchihuazque ica miec mahuizotl
nozo devocion: devocion qnihtozne-
qui: ihquac itla ticmihtlanilizque in
Dios, ti cazicamatizque ticate iyaca-
pantzinco, ihuan inahuactzinco ticmo
tlahtoltia, ac ica miec paquiliztli tic-
chihuazque nochi tlen quimotilia ima-
huizotzin: ocze tlamanli tlen monequi
inic Dios quimocaquititzinoz, câ ye
nin, ticchihuazque inic ticmomaquix-
tizque; non quihtoznequi ihquac itla
ticmihtlanilizque in Yehuatzin ticmol-
huilizque. No Teotziné, tla tlen axcan
ni mitzimihltlanilia no techpohui inic
nimomaquixtiz, nicnequi, ihuan tlaca-
mo, amo nicnequi. Ocze tlamanli
tlen quipiaz to netlahtlautiliz; yez ah-

chica, zemicac; amo queman timo-
nactizque, ca zemicac ticmotlahtlauh-
tilizque in Yehuatzin, manel amo ni-
man techmomaquiliz tlen ticmihtlani-
lia. Ihuan in ocze tlen quipiaz to
netlahtlauhtiliz câ inin: ticchihuazque
zezeahcan zezen tehuántin: ipampa
manel Totecuyu Dios miecpa techmo-
maquila tlen oczequintin qui mihtla-
nilia topampa; ac amo quimotemaqui-
li itlahtoltzi ihqui quimochíhuilitzinoz
zemicac, ihuan quema oquimotema-
quili itlahtoltzi intla tehuan ticmiht-
lanilia; auh tla miecpa amo techmo-
maquila in tlen ticmihtlanilia, non mo-
chihua, nozo ipampa amo quali tic-
mihtlanilia in tlen ticmihtlanilia, nozo
ipampa amo totechpohui in tlen tic-
mihtlanilia; amo ipampa Yehuatzin mo-
tlahtolcueptzinoa, quenami in tehuan;
ac Totecuyu Dios tlen zepa oquimi-
talhuitz no mochihuaz, mochihuaz ma-
nel nochí tlalticpac, mo quixcuepaz.

Monequi noihuan anquimatizque
nocniztitzihua, ca nican amo za izel
in netlahtlauhtiliz nozo oracion tic-

chihuazque, ca nohuan ticchihuaz-
 que meditacion; meditacion quih-
 toznequi; anquicazicamatizque yolic
 tlen oquimitalhuitzino in Tenquixti-
 catzin itech sermon, ihuan tlen an-
 mechpoihlizque itech libro: nochi
 non quenami Dios nanmechpalehuiz
 anqui cololozque, ihuan anqui zaloz-
 que; auh zatepan anquilnamictiazque
 zente'l tonal, ma itech nanmo yeyan-
 tli nozo cuarto, ma itech refectorio
 campa anmotlacualtitzinoa, ma ihquac
 an mo tecazque, ma ihquac an me-
 huazque; ihuan ocachi, ocachi ihquac
 an monechicoa itech Capilla ica nin
 tlamanli; auh ipampa on mo zehuia
 in candela, ihuan nochtin motempi-
 quia, tlen tlapalehuia miec inic an-
 quichihuazque nin meditacion: ihuan
 ipampa on mo tlahtlauhtilia miec amo
 aquin mo rezarhuiliz ihquac mochiht-
 tica, inic amo motlapololtizque in oc-
 zequintin. Zanoihqui monequi an qui-
 momachitizque, ca zan tlen anqui
 mocaquititzinozque zezeahcan ipan ze-
 zen tonal; za ye non an quilnamictiaz-
 que, auh ipampa on anmechpatlatiaz

in Sermon in motenquixticatzin; ihuan za noihqui quichihuaz in libro. Ze tonal namechilhuiz, tleica otechmochihuili in Dios: ocze tonal namechquilnamiquiliz to miquiliztempan, ocze in tlapoal nozo cuenta ticmomaquilizque in Dios, ocze in mihtlan, ocze in ilhuicac; ihuan ihcon mopatlatiaz in sermon, ihuan in amehuantzitzin noihuan an qui patlatiazque in meditacion.

Matitlamica nocnitztizihuan ica ze tlahtol nozo consejo nanmechmacati. ¿Catle ye? Nanmechtlahtlatilia huel miec an quimochihuilizque nican ze quali neyolhuiliztli ipampa ni mahui miec, azo amo quali an moyolhuitine-miaya ompa itech an mo altepetzi; auih ica non, tla ica tlen axcan an mechilhuiz, an quinmachilia itech nanmoyolo ihqui câ; xicchiuaca axcan ze huei neyolhuiliztli qui nahuatequiz nochi non amoquali neyolhuiliztli an quichitinemiaya zanenca.

Ma ticmotilica nocnitztizihua tlen monequi inic ze quali moyolhuitiz. Ma ticololoca nochi itech nin yei tlamantli: ticmoyolpehpenazque, ze, ticmoyolco-

cozque, ome, ihuan ticchihuazque in tlamazehualiz penitencia tlen techmomaquiliz to teyolhuicitatzin, yei. Axca matimotilica yolic, ihuan zezeahcan nin yey tlamantli. Ticmoyolpepenazque, quihtoznequi, quali tiquilnamiquizque quexquipa otitlahtlacohque, campa, aqui inahuac; ze tlahtol; itech itlanahuatiltzitzihuan in Dios, in Santa Iglesia, ihuan to necutil, to memel, nozo obligacion ticpia, ipan non timomelahuazque inic tic moyolpehpenazque, auh non yolic, inic tiquilnamiquizque quali quexquipa otitlapanque, nozo amo oticpixque zezeahcan cezen tlanahuatil in Dios, in Santa Iglesia, nozo in to memel, necutil, nozo obligacion ihuan amo ticyolhuitizque zan tlen tiquilnamiqui ihquac ye ticate ixitlantzinco to teyolhuicitatzin, quenami miecpa mochihua; auh ica non ixtlacahuia neyolhuitiliztli: noihuan ixtlacahuia neyolhuitiliztli, quac amo timoyolcocoa. Ome yolcoco, nozo neyoltequipachol unca, ze itoca contricion, ihuan ocze atricion: Quac ze moyol-

cocoa amo ipampa qui mahuilia in mihtlan, nozo ipampa quelehuia in ilhuicac, nozo ipampa oqui polo in gracia; ca zan ixquich moyolcocoa, ipampa oquimoyolitlacalhuili in Dios huelzenca quali, mahuiztic, ihuan tetlazo-tlani; quaquinon quipia neyoltequipachol contricion, auh aquin qui mopieliia nin huei tequipachol itoca contricion, manel ahuel moyolhuitiz, amo ipampa amo quinequi, ca zan ixquich ipampa amo catqui in teopixcatzintli, motlalia niman itech gracia. Neyoltequipachol atricion quimopieliia, aquin moyolcocoa ipampa quimahuilia in mihtlan, quelehuia ilhuicac, nozo ipampa oquipolo in gracia, auh aquin quimopieliia nin tequipachol atricion, ihuan ca icatemihiani tlahtlacoli, huelica monequi moyolhuitiz inic caziz in gracia. Ze exemplo: quenami izel tetl, nozo izel tepoztli izlavon, amo qui xotlaltia in yesca, ca monequi momextintzitzin; zanoihiqui, izel tequipachol atricion, nozo izel neyolhuitiliztli, amo tech tlapopolhuia in to tlahtlacol, ca monequi momextin inic

xotlaz to anima ica in gracia tlen
 techmomaquilia in Sacramento neyol-
 huitiliztli confesion. Nocnitzitzihua,
 xi tlapocan anno ixtololohua, ihuan
 xicmotilica cuix an moyolcocoque
 quali ihquac an moyolhuitiaya ye nepa,
 quenami Dios motlanahuatia, nozo
 zan ica costumbre an moyolhuitine-
 miaya, quenami quichihua tohuam-
 pohua miecpa, auh ipampa on amo
 anquicahque in tlahuanaliz, ahuilne-
 miliz, tlachtequiliz, ihuan oczequi
 tlahtlacol quenami ninque: axca amo
 nocnictzitzihua, axca amo, ca anquitel-
 chihuazque zazemi an mo tlahtlacol
 ica ze quali neyoltequipachol. Za icel
 nech poloa ni tlahtoz itechcopa in tla-
 mazehualiz penitencia: nin hueliz yez
 nozo sacramental, nozo medicinal: tla-
 mazehualiz penitencia sacramental qui-
 htoznequi, ihquac to teyolhuiticatzin
 za icel tech momaquilia inic ticyoloze-
 huizque in Dios ica in tlamazehualiz
 quenami ihquac techmonahuatilia tic-
 chihuazque rosarios, ticaquizque misas,
 tictlahpalozque in Santísimo Sacramen-

to, nozo oczequintin quenami ninque. Tlamazehualiz penitencia medicinal quihtoznequi, ihquac to teyolhuiticatzin techmomaquila inic tichuihuitlazque inelhuayo to tlahtlacol, auh ipampa on techmonahuatilia quexquipa oczepa ti ahuilnemiz, timozahuaz, quexquipa titlahuanaz, ti mohuitequiz, quexquipa oczepa ti tlahuihuicaltiz, ticchihuaz ze cruz ipan tlali ica mo nehnepil, ihuan oczequintin quenami ninque. Ximoilnamiquica quali nocnictzitzihua cuix ihqui an quichihque, nozo amo, ihuan ic ompa an quimatizque tlen neyolhuitiliztli anquichihque, cuix quali nozo amo quali, in tla quali an quichihque, xicmo tla-zocamatilica in Dios miec, ihuan tla amo quali, xi yancuitica axca nochtin.

LECCION SEGUNDA

PARA LA TARDE DEL PRIMER DIA.

Sobre el fin del hombre.

Nochi tlen Dios oquimochihuili, oquimomaquili itequiltzintli; atle, za-

nenea oquimochihuili, auh ipampa
 on ticmotilia quenami i tlachihual qui
 chihticate nochi tlen ica oquimochi-
 huilictzino: tonal zemicac tech tla-
 huia, ihuan aic queman polihui; metztli
 tech tlamachihua in yohual, ihuan in
 cahuitl; atl zemicac tech paca, ihuan
 tech zehuia to amiquiliz, tletl tech
 totonia, tech iczia to tlacual, ihuan
 quichihtica nochi in tequitl tlen Dios
 oquimomaquili; ehecatl zemicac tech-
 macatica to ihio, qui yectlalia in mix-
 tle inic quiahuiz; tlale zemicac qui-
 temacatica itlaquilo nozo fruto tlen
 ica timopanoltizque: yolcame, zequin
 tiquinqua, oczequin tech meme, ocze-
 quin tech cuitlahuia, ihuan oczequin
 techpalehuia; ihuan tla quemania, no-
 zo miecpa tiquita amo quichihua ite-
 quitl, non amo ipampa amo quitlaca-
 machitia in Dios; ca ipampa Yehuat-
 zin ica ze ichtaca tlanahuatil ihcon
 quimonequiltia inic tech motlatzacuil-
 tiz ica in yehuan, ipampa tehuan amo
 ti mo tlacamachitia in Yehuatzin. Ni
 ziahuizquia nocnitztizihua, tla namech
 ixpantilizquia quenami nochi itlachi-

huali i axcatzi Totecuyu Dios zezeahca
 qui motlacamachitia in Yehuatzin: za
 izel in Tlalticpactlacatl amo quinequi
 qui mochihuiliz tlen Dios qui mona-
 huatilia, ihuan inic quali ti cazicama-
 tizque tlen niquihto, ma ticmotilica
 achto tlen ipampa Dios oquimochi-
 huili in tlalticpactlaca, aui zatepan
 ti quitazque cuix quipia nozo amo, nin
 necutil nozo obligacion.

¿Tlen ipampa Dios oquimochi-
 huili in tlalticpactlacatl? Za izel inic
 quimotlazotiliz, ihuan quimo yectequi-
 panilhuiliz, ipan nochi in ixquich in
 quexquich tlachihuali: ipampa on no-
 chi in tlalticpactlachihual oqui mo tla-
 lili Yehuatzin icxitlantzinco in tlat-
 ticpactlacatl quenami quimitalhuitzi-
 noa in Santo Rey David *omnia sub-*
jecisti sub pedibus ejus, aui in tlaltic-
 pactlacatl, melahcayopan icxitlantzin-
 co in Dios, inic amo quipiazquiaya
 ocze tequitl tech tlalticpac, ca zan
 inic qui mo tlazotiliz in Dios ihuan
 qui moyectequipanilhuiliz, aui ipam-
 pa on oquimochihuili Dios in tlat-
 ticpactlacatl quenami ze ipxitlayotzin

nozo imágen i axcatzi Yehuatzin, ihuan oquimomaquili nochi tlen ica huelizquia quimotlazotiliz: ma tiemotlica yolic. Oquimomaquili in ixtlamachiliz tlen ica hueliz qui mixmachiliz in Dios, tlen amo oquimomaquili in yolcame: ica nin ixtlamachiliz quinoneltoquitiz nochi tlen itechpohui ze cristiano: no ihuan tlen ica quimopehpeniliz tlen ocachi quinamiqui in quali tlaehual, tlen itechpohui quichihuaz inic quimoyectequipanilhuiliz in Yehuatzin: ihuan tlen ica qui cazicamatiz in tlen itechpohui in Dios, quenami in ilhuicac, in gracia. in tequipachol qui momaquilia in Yehuatzin in tlahtlacol auh ozequintin quenami ninque :noihuan oqui momaquili quilnamiquiliz, inic zemiacac quilnamictinemiz in Dios; no quilnamiquiz quexquich gracias momozla, ihuan alchica quimochihuilia in Dios, auh ica non ocachi qui motlazotiliz in Yehuatzin: za noihqui oqui momaquili i yolo, tlen ica hueliz qui motlazotiliz ica nochi i anima, ca nochi iyolo, ica nochi i ixtlamachiliz, quenami qui mitalhuitzinoa i-

tech Santo Evangelio: ica nochi i anima inic cazicamatiz, ca ze ipxitlayotzin nozo imagen in Dios: ica nochi i ixtlamachiliz, inic quimomachitiz atle hueliz quimotlazotiliz itechcacopa nin tlalticpac; ca za izel in Yehuatzin, ihuan ica nochi i yolo, inic amo qui motlahcoxelhuiliz iyolo ica Yehuatzin, ihuan in tlalticpac. Unca anquippia nocnitzitzihua quenami in tlalticpactlacatl ca in ipxitlayotzin nozo imagen i axcatzin in Dios: ica i ixtlamachiliz ca ipxitlayotzin Dios Tetatzin: ica i quilnamiquiliz ca ipxitlayotzin Dios Ypiltzin, ihuan ica i tetlazotlaliztli, ica ipxitlayotzin Dios Espíritu Santo; ica nochi non quen amo ti quihtozque in tlalticpactlacatl cah quenami ze Santísima Trinidad tzitzi? Aquin quicazicamatiz nochi nin ihuan amo qui motlazotiliz in Dios, ca ze ixpopoyozi; ihuan tlacamo qui tlapoa ixtololohua axca, amo nicmati que mania qui tlapoz. Ma ti moyolpehenaca axca nocnitzitzihua cuix ticmotlazotilia in Dios quenami totechpohui, ihuan tiquitazque tlen huehca

ticate itechcacopa nin tetlazotlaliztli;
 auh ihquac tehuan tiquihtoaya ticmo-
 tlazotiliaya in Dios, ti moazi zan te-
 huan timonomatlazohtla ihuan in tlal-
 ticpac tlachihual; za ipan cah no-
 chi to ixtlamachiliz, to quilnamiquiliz,
 to yolo, to chicahualiz, ihuan nochí
 tlen ticpia. Zan ica tocamac noc-
 nitnizihua, tiquihtoa ticmotlazotilia
 in Dios; ac ica to tlachihual ticmo-
 tlahtolcuepa: tlacamo xi nechilica
 ;tleica ticmotilia tocnihua zemicac
 quinequi quichihuazque itlanequiliz?
 ;tleica ihquac ze mococoa, nozo itla
 oqui polo, nozo itla tecohcocayotl pa-
 noltica nentlamati huelmiec inic caziz
 tle i quitemoa; auh ipampa on ixquich
 Misas mochihua, ixquich candela xo-
 tla ixitlantzinco in Santohme, ixquich
 ixayotl mo tepehua ixitlantzinco in al-
 tar, ihuan oczequi tlachihual quenami
 nin? ;Ah nocnitzitzihua, tla ihqui otic-
 chihuazquia ihquac mococoa to anima,
 ipampa oticpolohque in gracia quac oti
 huetzihque ipan tlahtlacoli, nozo quac
 to anima panoltitica ocze tequipa-

chol quenami nin; quacon quema ni
 quihtozquia, nocnihua qui motlazoti-
 lia in Dios; ac ica desgracia amo mo-
 chihua ihqui. Ma ticmotilica axca
 quenami noihuan oquimomaquili in
 Dios in tlalticpactlacatl tlen ica qui-
 moyectequipanilhuliz ica i tlacayo.
 Oquimomaquili ixtotolohua tlen ica
 hueliz quipoaz in amame techmomach-
 tililia tlen itechpohui ze cristiano: i-
 huan tlacamo ticmati ticpoazque in
 amame, nochi tlalticpac cah quenami
 ze libro campa hueliz ticpoazque miec;
 zan ica tiquitazque in ilhuicac, in tzi-
 tlalinme, in tonal, in metztli, in xoc-
 chicual, in xochitl, in yolcame, ihuan
 nochi tlen unca itech tlalticpac, no-
 chi quihtohtica, unca zenhuelitini Dios
 oquimochihuili nochi nin, ihuan aquin
 tehuan totechpohui ticmotlazotilizque
 ihuan ticmoyectequipanilhulizque; za-
 noihqui ica i ixtololohua quita in tlal-
 ticpactlacatl tlen quali quichihua i ic-
 nihua, auh itech non ejemplo moma-
 chitia quenami noihuan yehuatl qui-
 chihuaz. Oquimomaquili inacatzitzi-
 hua, tlen ica quimocaquititzinoz in teo-

tlah'tol ihuan in consejos, ma in tlen
 mopoa itech libros, ma in tlen quimo-
 maquila i icnihua. Oquimomaquili
 in nehnepil tlen ica quimoyectenehui-
 liz in Dios, tlacuicaz i alabanzas, mo-
 yolcuitiz, ihuan tlen ica quihtlaniliz
 tlen quinequiz. Oquimomaquili i mat-
 zitzihua, tlen ica hueliz quichihuaz
 miec tlamanli ipampatzinco in Dios,
 quenami limosna, tlayectlaliz Teopan,
 tlapacaz, ihuan quihtzomas i mahuiz
 itlaquemitl; tlahcuiloze ze quali amatl,
 ihuan oczequin quenami nin: za no-
 ihqui oquimomaquili ixihua tlen ica
 hueliz yaz caquiti Misa, moyolcui-
 ti, tlazeliti, tlahpaloti cocoxque, ihuan
 oczequi quali tlamanli quenami ninque,
 auh ica non nocnitztitzihua totechpo-
 hui ticmotlazotilizque ihuan ticmoyec-
 tequipanilhuilizque in Dios, ica no-
 chi to yolia, ihuan to tlahnacayo, que-
 nami Yehuatzin quimonequiltia, auh
 ipampa on otechmochihuili: cuix tic-
 chihua nozo amo, inon techpoloa ti-
 quitazque.

Dios oquimoyecchihuili in tlaltic-
 pactlacatl ica i anima ihuan ica i tlah-

nacayo; i anima oquimoyecchihuili ica
 yei huelitiliztli nozo potencias, in ix-
 tlamachiliz, in quilnamiquiliz ihuan,
 in tetlazotlaliztli; auh i tlalnacayo o-
 qui moyecchihuili ica macuile machi-
 liz nozo sentidos; i tlachializ, i tlaca-
 quiliz, i camapaquiliz, i quihnecuiliz,
 ihuan i matoquiliz, auh ica nochi nin
 itechpohui ze tlalticpatlacatl quimo-
 yectequipanilhuiliz in Dios: ma ticmo-
 tilica yolic cuix ihqui ticmoyectequi-
 panilhuilia ;Ah nocnitzitzihua, amo
 nicnequizquia namech ixpantilizquia
 tlen mehuantitzin an quimomachitia;
 ac huelica notechpohui ni tlahtoz; i-
 huan inic amo ni mohuecahuitiz, xi
 nechilhuica. ;Tlen quichihua ze tlat-
 ticpatlacatl ica i ixtlamachiliz? ;Amo
 melahuac zan pensaroticatinemi que-
 nami quichihuaz in tlen amo quali?
 ;Quenami qui quahmimiloz in ocze-
 quintin? ;Quenami quitlaniz ocachi to-
 min? ;Quenami quin cahcayahuaz ic-
 nime? ;Amo melahuac, ihquac mo re-
 zarhuilihtica patlantinemi in ixtlama-
 chiliz icnica, icnepa; ihuan ihquac ye-
 huatl moilnanimiqui, yo tlan in quali-

tlapoal nozo rezo? ¡Auh ihcon hueliz tiquihtozque quimoyectequipanilhulia in Dios, ica i ixlamachiliz? Zanoihqui quichihua ica i quilmamiquiliz; ipampa ica ye zan quilnamictinemi tlen amo quali oquichihca, ihuan paqui; aquin oquimotlahtlacalhuili, inic quimotlaxtlahuiliz: zan quilnamictinemi ica nexicoliz, quenami oczequin quinpia miec tomin, ihuan yehuatl amo; auh ihcon quimotlahtlacalhuilia in Dios ica i quilmamiquiliz: Ihuan ocachi quimotlahtlacalhuilia in Dios ica itetlazotlaliztli; ipampa nochiiyolo ca ipan nin tlalticpac: tlacamo: ¡Tleica qualani huel miec ihquac quipoloa in tomin, in yolcame, in tlaquemitl, in tlale, in tlayol ihuan oczequin tlachihual quenami nin? ¡Amo melahuac inin tlahuel quihthica quenami in tlalticpactlacatl quipia nochiiyolo ipan nin tlalticpac? Tla quimotlazotilizquia quali in Dios; oquihthozquia quenami Santo Job: Dios onechmomaquili; Dios onech moquixtli; mayectenehualo itocatzin. (Ica i anima ye otimotilihque quenami amo

quimoyectequipanilhuia in Dios in tlal-
 ticpactlacatl; (zanoi hqui quichihua ica
 i machiliz nozo sentidos. ¿Tlen qui-
 chihua ica i tlachializ? Zan cuicati-
 nemi i cuitlapa i amo quali tetlazotlaca:
 zan tlen ica quita tlen amoquali, ihuan
 quelehuia; zan tlen ica quimotilia i-
 huan quintlahilita i toyahuan nozo
 enemigos; ihuan ihcon ica oczequi
 tlamantli. ¿Tlen quichihua ica i tla-
 caquiliz? Zan tlen ica qui caqui tlen
 amo quali; qui caqui quenami ocze-
 quin quintenehua icnime; ihuan ih-
 quac quinequi tlahtlaco ica i amo qua-
 li itetlazotlaca, qui caqui ica miec pa-
 quiliztli, tla qui nanquilia, quema, nozo
 qualani, tlacamo quinequi. Tlen quichi-
 hua ica icamac? Tlahuihuicaltia, te-
 pohpoa, temahuizoquixtia, ixtlacatia,
 tlahuana ihuan oczequin tlahtlacol.
 ¿Ihuan ica ima tlen quichihua? Tlach-
 tequi, quin tehuia, quinahuatequia a-
 quin amo itechpohui, aui oczequin
 tlahtlacol tlen amo nicnequi ni quih-
 toz, ihuan mehuantzitzin quali anquima-
 ti. ¿Tlen quichihua ica ixihua? Yahui
 icha i amo quali tetlazotlaca, yahui tla-

huanati, tlachtequiti, mitotiti itech fandang, ihuan miec tlahtlacol quitequipanoa ica ixihua. Ye oticmotilihque necnitztizihua quenami in tlalticpac tlaatl amo quimotlazotilia, ihuan amo quimoyectequipanilhaia in Dios quenami itechpohui aquin za ica non otechmochihuili: ¡Ihuan axca tlen tiquihtozque? Amo nicmati: za izel niquihtoa inic nitlamiz; in tla namehuantzitzin ihqui an quichihque, xi moyolcuepaca, xicuepaca non amocualinemiliz, xi mihtlanilica gracia in Dios, ihuan xicmozemixnahuatica inic amo oczepa an tlahtlacoque.

LECCION TERCERA

PARA LA MAÑANA DEL SEGUNDO DIA.

Sobre el castigo del pecado de Adan.

Inic hueliz itla tiquihtozque itechcacopa in tlahtlacol oquichihque totaluan Adan ihuan Eva, monequi achto tiquitazque tlen tlanahuatil oquinmomaquili in Dios, ihuan zatepan ti-

quitazque quenin oqui motlahtlacial-
 huilihque, ihuan quenin oquinmotlat-
 zacuilti. Chiquazentonal omo nacti
 in Totecuyo Dios inic oquimochihui-
 lizquia nin tlalticpac; amo ipampa Ye-
 huatzin mohuecahuitia itech tlen qui-
 mochihuilia, ca ipampa ihqui oquimo-
 nequilti: ipam macuile tonal oquimo-
 chihuili in ilhuicac, tlalticpac, tonal,
 metztli, zitlalime, yolcame, ihuan oc-
 zequin tlamantli, auh ipan in chiqua-
 zen tonal za izel intlalticpactlacatl
 oquimochihuili, inic cazizquiaya no-
 chi tlen itectzinco monequi, ihuan amo
 quihtozquiaya; nin, nozo non ocze
 nechpoloa: auh monequi anquimatiz-
 que, nochitlalticpac oquimotlalili in
 Dios ixtlantzinco Totatzin Adan, inic
 quimelahuazquia, auh ipampa on oqui-
 momaquili ze huei ixtlamachilitzin inic
 quimixmachilizquiaya nochí yolcame,
 in xihuitl ihuan nochí tlen unca itech
 tlalticpac; zanoihqui oquimomaguili
 miec gracia, inic quimixmachilizquia
 iteyocoxcatzin; ihuan ze quali itetlazo-
 tlalitzin, inic quimotlazotilizquia: ze
 tlahtol, oquizque totahuan Adan ihuan

Eva, quenami quiza nochi mahuiz itla-
 chihual i axcatzin in Dios, zenca qua-
 li, zenca mahuiztic, zenca chipahuac;
 Yehuatztzin amo motlacatihque que-
 nami in tehuan, ca melahcayopan Dios
 oquinmochihuili ihuan tehuan itech
 tiquizazque; auhipampa on cate huel-
 neli totahuan: achto oquimochihuili
 totatzin Adan, auh zatepan itech nin A-
 dan oquimoquixtili in tonantzi Eva
 ihuan ihquac ye ocatca in omextin-
 tzitzin quenami Dios oquimonequil-
 tiaya, oquin motlalili itech Paray-
 so; Parayso quihtoznequi, ze mah-
 uiztic ixtlahuac tenticatca quahqua-
 li xohchihqual; ihuan ihquacon o-
 quinmonahuatili: nochi in ixquich
 in quexquich xochiquame cate nican
 ximocualtica; za izel inon cá tla-
 tlahco amo anquimocualtizque, inic
 anquicazicamatizque, Nehuatzin ni
 Teotl, ni Zenhuelitini, anmo Teyo-
 coxcatzin; ihuan mehuan cate notlachi-
 hual, no teyocoxcahua, nopilhuan;
 auh ipampa on Nehuatzin no tech-
 pohui ni tlanahuatiz tlen nicmonequil-

tiz, ihuan mehuan an motechmo-
 nequi huel miec nechmotlacamachi-
 tizque, ihuan tla ihqui anquimochihui-
 lizque, ni mozemiznahuatia, anmech-
 momaquilia no mahuiz tlahtoltzi ca-
 nochtin anmopilhuantzitzihua motla-
 cachihuazque, ihuan motlacatizque
 ica nin gracia tlen axcan anmechmo-
 maquila, auh nin gracia itoca peu-
 hcayotl nozo original. Xiquitaca qua-
 li tlen anquichiua; ipampa tlacamo
 nechmotlacamachitia, anmechquixti-
 liz nochí in ixquich in quexquich
 gracias onamechmomaquili, ihuan ih-
 qui quipolozque an mopilhuantzi-
 tzihuan; ¡Auh tlen omochi nocniti-
 tzihua! aquin oquineltocazquia! Oqui-
 polohque totahuan Adan ihuan Eva
 inin gracia, tlen ica motlapoltihque
 yehuantzitzin, ihuan otechtlapololtih-
 que in tehuan. ¡Quenami oquinmo-
 tlahtlacalhuilique in Dios? inon mo-
 nequi tiquitazque. An quimomachi-
 tizque nocnitztzihua; ometzticatca
 to tahuan itech Parayso ica miec ma-
 huizotl, ihuan paquiliztli; ihuan ohua-
 la in moxicoani tlahuelilo, ihuan oqui-

motlahtlanili in to nantzin Eva ;tleica
 amo tiemocualtia non xohchihqual cat-
 qui itech tlatlahco Parayso? ihuan Ye-
 huatzin oquimonanquilili, ipampa Dios
 otechmonahuatili amo tiquazque; ih-
 uan tla ticuazque timiquizque; auh
 in moxicoani oquihto; amo an mi-
 quizque: ca Dios anmechmonahua-
 tili amo anquicuazque; ipampa qui-
 momachitia, in tlen tonal an quicuaz-
 que, anqui tlapozque an mo ixtololo-
 hua, anquimixmatizque in quali ih-
 uan in amoquali, ihuan an yezque que-
 nami Teome; tlen ica oquicahcaya
 in tonantzin Eva, ihuan quenami Ye-
 huatzin oquitac zenca quali, zenca
 huelic in xohchihqual, oqnimocualti,
 ihuan oquimomaquili i tlahuical Adan
 aquin noihqui oquimocualti, ihuan ih-
 con otlahtlacohque, ihuan oquipoloh-
 que in gracia; auh niman oquimachi-
 lihque in mahuiliztli, ihuan in pinah-
 uiliztli; auh ipampa on niman oquin-
 tlapachohque i tlahuacáyo, ihuan mo-
 tlahtihque. ;Ic campa huala notah-
 uan nin pinahualiztli, ihuan mahui-

liztli tlen achto amo anquiapiaya? ; Amo nan catca nacatime ihuan atle pinahualiztli anquimachiliaya? ; Amo achto an motlahtoltiaya ica Totecuyu Dios ica miec paquiliztli? ; Tleica axcan an quicholilia itlazomahuiz xayacatzin? ; Campa ca anmo ixtlamachiliz, an mo quilnamiquiliz, an mo teltlazotlaliztli? ; Campa cate noch i in ixquich, in quexquich gracias Dios anmechmomaquililica? ; Ah notahuan! ica an mo tlahtlacol noch i an quipolohque, ihuan ica namehuantzitzin in tehuan. Ma ticmotilica yolic tlen oquipolohque totahuan Adan ihuan Eva ica itlahtlacol, ihuan ica yehuantzitzin tehuan, inic ticazicamatizque tepitzin, quenin Dios oquinmotlatzacuilti i tlahtlacol. Achtotipan oquipolohque in gracia; auh ipampa on noch i in tehuan timotlacachihua, ihuan timotlacatia ica tlahtlacol auh nix tlahtlacol itoca peuhacayolt; ipampa itech nin to tahuan omopehualti. Omochihcolti i ixtlamachiliz; ipampa achto ocatca tlamelahqui ica totecuyu Dios; quali otlahuiliaya i anima

tztizhua, auh zatepan; nin tlanextli,
 omocueptzino ze yohual, ihuan ipam-
 pa on ticmachilia axca miec tlacua-
 tlamachiliz. Omotlapololti noihuan i
 quilnamiquiliz: achto za ye in Dios
 quilnamiquiaya, ihuan zatepan zan
 ipinahuiliztli, ihuan imahuiliztli: ipam-
 pa on telhuan zan in tlahtlacol ti quil-
 namiquia, ihuan nochi tlen amo quali.
 Za noihqui ihuan ocachi omo tlapolol-
 ti i tetlazotlaliztli; ipampa achto no-
 chi iyolo, nochi itlanequiliz, ihuan ite-
 tlazotlaliztli ocatca i axcatzin in Dios,
 auh zatepan ica i tlahtlacol oqui tlah-
 coxeloque i yolo. i tlanequiliz, ihuan
 i tetlazotlaliztli ica Yehuatzin, ihuan
 ica tlalticpac, auh ipampa yehuan-
 tztizin, noihqui ticchihuate in telhuan.
 Omotlapololti i tlachializ; i lacaquiliz,
 icamapaquiliz, i quihnequiliz, ihuan i-
 machiliz; ze tlahtol, nochi i anima ih-
 uan inacayo omotlapololti, ihuan omo-
 quixcuet, auh zanoihqui ticate in tel-
 huan; ihuan ipampa on Dios quimoma-
 chitia quexquich tequilticpia inic tic-
 melahuazque to animatzi, aquin zemi-
 eac quelehustica in amo quali. Dios

oqui motlalili to tlnacayo icxitlan-
 tzinco to animatzi, auh ipampa nin
 tlahtlacol peuhcayotl nochi omo-
 cuep: axca to tlnacayo huelica
 quinequi to animatzi yez icxitlan ye.
 Dios otlanhua in talticpac yez-
 quia icxitlantzinco in talticpactlacatl,
 ihuan ipampa nin tlahtlacol peuhca-
 yotl, nezi o obueichi, omo ahcoqui,
 ihuan quinequi tech nahuatiz; auh i-
 pampa on ticmotilihticate quenami in
 tonal techtlatla; metztli tech cocoa;
 mixtle tech titlania rayos, ihuan te-
 xihuil; yolcame zequin tech tlancua,
 ihuan oczequin tech tehuia, techte-
 licza, tech mayahua, ihuan amo qui-
 nequi techmotlacamachitizque: xicmo-
 tilica nocnitztizihua quexquich oqui-
 polo in talticpactlacatl ipampa nin
 tlahtlacol. ¿Ihuan nican tlamia nochi?
 amo: ¿ac tlen ocachi? Miquiliz noc-
 nitztizihua; miquiliz cá in tlaxtlahua-
 liz iaxca inin tlahtlacol, ihuan i ya-
 capa huala, cozoliztli, apiztli, micti-
 liztli nozo guerras, ihuan nochi in
 ixquich, in quexquich tecohcocayotl tic-
 machilihticate, nochi, nochi câ i tla-

tzacuilitiliz inin tlahtlacol, ihuan in
 tlahtlacol tlen axcan ticchihua ic um-
 pa quipia inelhuayotl. Ye anquimo-
 tilihque nocnitzitzihua quenin Dios
 oquimochihuili in tlalticpactlacatl zen-
 ca quali, zenca mahuiztic, ihuan zenca
 chipahua ica miec gracia, aui in tla
 ihqui omocahuani, to tahuan Adan i
 huán Eva, ihuan amo oquinpoloani
 nin gracia ica i tlahtlacol, noch-
 tin in tehuan ti ipilhuantzitzihuan o-
 timotlacachihuazquia, ihuan otimotla-
 catizquia ica nin gracia; ac quenami
 amo omocahque ihcon, omopolohque,
 ihuan otechpolohque: ye anquimotilih-
 que catle ye i tlahtlacol to Tahuan: zan-
 ze tlanahuatil oquinmomaquili, amo
 miec quenami axcan ticpia tehuan,
 ihuan nin ze tlanahuatil amo oquin-
 pixque? aquin quinelto Cazquia; ihuan
 amo huei, ca za izel ze xohchih-
 cual oquin nextili inic amo quincua-
 quiaya. Ihuan ipampa on hueliz tiquih-
 tozque; tla amo huei tlanahuatil, zano-
 ihqui amo huei tlahtlacol tlen oqui-
 chihque? Macamo Dios quimonequil-
 ti nin tontohyo panoz itech to ix-

tlamachiliz: huei, ihuan zenca huei
 tlahtlacol tlen oquichque totahuan;
 ihuan in tlatzacuiltiz quiltohtica que-
 nami ocatca huelzenca huei. ¿Tlen
 Dios oquinmoquixtilizquia in gracia,
 aui ica yehuantiztin in tehuan i-
 pampa ze tepiton tlahtlacol? Amo
 nocnitztizihua: ipampa ze huei tlah-
 tlacol oquinquixtili in gracia tecual-
 tiayatzin nozo santificante, ihuan oc-
 zequin gracias oquinmomaquiliaya,
 quenami in amo momiquilizquia, nochi
 in tlalticpac yezquia icxtilantzinco,
 ihuan oczequin quenami ninque. Itech
 nochi nin hueliz tepitzin ticazicamatiz-
 que quexquich tequipachol ticmomaqui-
 lia in Dios quac amo ticmopielia i tla-
 nahuatiltzitzihua. Ma ticlapoca to ix-
 tololohua ica nochi nin, ihuan ma-
 ticcyolozehuica in Dios ica ze huei
 neyoltequipachol quenami oquichib-
 que totahuan Adan, ihuan Eya.

LECCION CUARTA

PARA LA TARDE DEL SEGUNDO DIA.

Sobre el castigo que dió Dios á los ángeles rebeldes.

Quac tehuan itla ticchihua, quemania quiza quali, ihuan quemania, amo. Dios zemicac quimochihuilia in tlen quali, ica non oquimochihuili Angelozme ihuan oquizque quenami Yehuatzin oquimonequlti zenca quali, zenca mahuitzihque ihuan chipahque, auh oquin momaquili ocze i yeliz ihuan ocze i yoliliz; ipampa in Angelozme amo quinpia itlalnacayo quenami in tlalticpactlacatl, amo cate itech yehuantzitzin zihuame, ihuan oquichime quenami itech tehuan, auh ipampa on amo tlacatia quenami in tehuan, ihuan amo aquin yehuantzitzin momiquilia, ca zazemi oquinmochihuili Yehuatzin in nochtin inic qimo tlazotilizque, ihuan qui mo yectenehuilizque zemicac, auh quimotlacuicatiezque i

alabanzas, quenami tlacuicaticate Santo, Santo, Santo, tenticate ilhuicac ihuan tlalticpac mo zenecuiltoniliz nozo gloria. Auh nin Angelozme oquinmoxexelhuili itech chiquinahui coros: ze itoca Angeles, ocze itoca Arcángeles, ocze itoca Tronos, ocze Dominaciones, ocze Principados, ocze Potestades, ocze Virtudes, ocze Querubines, ihuan ocze Serafines: nochtin nin Angelosme quimopielia ocze itlacual, ocze itlaquemitl, ocze i nemiliz, ocze itlahtoltzi; ¿Catle ye? Ahuel niquihtoz melacayopan, ipampa yehuantzitzin cate ilhuicac campa ayamo tlen mota noibuan quinmopielia ocze i yeliz ihuan ocze i nemiliz, ica nonzan tlen tepitzin nicmati hueliz ni quih-toz; ¿Tlen tlacua Angelozme? Pantzi i axcatzi ilhuicac. ¿Tlen mo quentia? Tecualtiayatzin gracia ¿Quenami monehnemitia? Iczica, totoca, zan axca, zan quenami cate ilhuicac, ye cate tlalticpac, ye mota nica, ye mota nepa, ihuan aic queman mo ziahuitia: ipampa amo monehnemitia quenami intohuan: ocachi timohuehcachuitia inic

ti tlapozque ihuan tictzacuazque to ix-
 tololo, ihuan amo yehuantzitzin inic
 hualazque nican ihuan yazque ilhuicac.
 ¿Quenami tlahtoa? zan ica itlanequiliz
 mo zepan tlahtoltia, ipampa amo quin-
 mopiela i camactzi. ¿Tlen yeliz quin-
 pia? amo nicmati: za izel nicmati, amo
 mo yecchihua quenami in tehuan ica
 tlalnacayo; ipampa on calaqui itech
 atl ihuan amo mopaltitzinoa; calaqui
 itech tletl ihuan amo tlatla; calaqui
 itech tlali ihuan amo mopalanaltia:
 quenami tehuan hueliz ticchihuazque
 nochi non zan ica to ixtlamachiliz a-
 mo ica to tlalnacayo. ¿Tlen yoliliz
 quinpia? Za noihqui amo nicmati, za
 izel nicmati cate zan quenami ihquac
 câ izel to ixtlamachiliz; auh ipampa
 on mo tocayotitzinoa ixtlamachiltzit-
 zihua nozo inteligencias. Unca an
 quipia nocnitzitzihua catle ye in An-
 gelozme; ma ticmotilica axca catle ye
 itlahtlacol. Tlen tehuan ticchihua,
 quemanía quiza quali, auh quemanía
 amo, ipampa miecpa ihuan acchica
 ticmotlapololtia; ac totecuyu Dios no-

chi tlen quimochihuilia zemicae quiza
huel zencaquali; ipampa Yehuatzin,
aic, aic queman hueliz motlapoltiz;
auh ipampa on oquizque in Angeloz-
me itech inatzitzihua Yehuatzin ma-
huiztilique quenami ye otic motilique;
ihuan non zantepitzin anquimotilique.
;Tlen anquiltozquiaya intla an-
quimotilizquia nochi in tlen Yehu-
antzitzin quinmopielitzinoa? Hueliz
an motlapoltizquia, ihuan an quib-
tozquia ;Azo nin in Teotl? Auh To-
tecuyu Dios anmechnanquilizquiaya;
amotzin; tla non no tlachihual. ;Ihuan
nin Angelozme oquin motlahtlacal-
huilique in Dios? Quemacatzi; ;A-
quin quineltozquia in tlacamo tech-
momachtilizquia in neltoquilizli san-
ta fé? ;Ihuan nochtin omotlahtlacalhui-
que in Dios? Amotzin; ac quema miec,
miec oquin motlahtlacalhuilique in
Toteyocoxcatzin. ;Auh tlen tlahtlacol
oquichihque? Omohueichihque. Ma-
ticmotilica yolic quenami omochi nin
haei xolopihcayotl. Anquimomachitiz-
que nocnitzitzihua, ihquac Dios oquin-

mochiuili in Angelozme, amo niman
 oquinmomaquili in ilhuicac, ca oquin-
 momaquili zequi cahuitl inic quinmo-
 tlanilizquia, auh itech nin cahuitl ze-
 qui oquintlanihque in ilhuicac, ihuan
 oczequintin oquinpolohque. ¿Quena-
 mi oquinpolohque? Ihqu nin. Ze huei
 Angel itocaya Luzbel omomotac zen-
 ca tezahuicac nozo hermoso, ihu-
 an oquihto; ne niez quenami in Hueh-
 huehcapateotl nozo Altísimo, ihuan
 oquinyolec oczequin icnime inic quin-
 tepoztocazquia, auh nin in tlahtlacol
 in moxicoani, ihuan in oczequintin i tla-
 htlacoicnime nozo complices, aquiique
 Dios oquinmoquixtli inon gracia tlen
 oquinmomaquihca: auh ihquacon Se-
 ñor S. Miguel ica ze quali tlahuel oqui-
 mochiuili ze huei guerra ica nin tla-
 huel lo ihuan icnime, auh ica Dios ibue-
 litzi oquintepexihui itech mihtlan, cam-
 pa zemiac tlatlazque ihuan, aic que-
 man quizazque, xicmotilica nocnizit-
 zihua quenami Dios oquintlatzacuilti i-
 huan ihqui quimochihuiliz ica nochi
 aquin mohueichihuazque quin tepexi-
 huiz ompa mihtlan, ihuan aquin motzi-

tzichihuaz, Yehuatzin quimocahcoci-
 liz ipan i mahuiz i ahcol, ihuan qui ye-
 yantiz itech ilhuicac quenami oqui mo-
 chihuili ica Sr. S. Miguel, ihuan in
 oczequintin icnitztizihua Angelozme
 axca cate, ihuan zemiacac yezque om-
 pa ilhuicac; quenami cate, ihuan
 zemiacac yezque in tlahuelilohme om-
 pa mihtlan; ica non qui tlatzacuil-
 tia in Dios in temihtiani tlahtlacol:
 ihuan tla Yehuatzin amo quin tlapo-
 polhui in Angelozme, inin mahuiz i-
 tlachihual, zenca quali, zenca mahuiz-
 tic, zenca tezahuicac. ¿Tlen quimo-
 chibuiliz ica in tlalticpactlacatl; que-
 nami otiquihtozquia, ica nin cuilin, i-
 ca nin tlazol? Nezi ni caqui nechna-
 quilia zequi cristianos: in Angelozme
 amo oquinmomaquixtili in Totecuyu
 Jesucristo, quenami oquinmomaquixt li
 in tlalticpactlacatl ica itlazo zenquiz-
 ea miquilitzin: melahuac, ame niquih-
 toa amo. ¿Ihuan non tlen quihtozne-
 qui? ¿Quitemohuia azo to tlahtlacol?
 Amo nocnitztizihua; ocachi, ihuan o-
 cachi quitlehcoltia: quez quipa ti tlah-
 tla-
 cozque, ocachi timotlahtlacoltia ipam-

pa nin huei, ihuan huelzenca huei gra-
 cia otechmochihuili Totemaquixticat-
 zin Jesucristo, tlen amo oquimochi-
 huili ipampa in amoqualt n Angelozme,
 ihuan inic tepitzin anquicazicamatiz-
 que quexquich motequipachotzinoa
 Totecuyu Dios, ica intlahtlacolauh ica
 non an momohtizque ihuan anquima-
 huilizque; nicnequi niquihtoz ome, yei
 tlahtoltzi ixpantzinco in Dios ipampa
 nin amoquali Angelozme: matimopehu-
 altica. Noteotzin é: xicmotili nin Ange-
 lozme mozenca tezahuicac tlachibual,
 ihuan tlen achtotipan otiquinmochihui-
 litzino. ;Tlen azo ipampa on amo ti-
 quin motlapopolhuitzinoz? Amotzi: ma-
 quimatica Nehuatzin ni Teotl, ihuan ye-
 huan no tlachihual, auh ocachi ihuan
 huel ocachi ipati no mahuizotzi amo
 in yehuan. Noteotzinè: tla zan ze, no-
 zo ome yezquia xiqu nmotlatzacuilti;
 tla n n amo, tla cate miecque, miecque
 ;amo non quin palehuiz? Amotzi: ipam-
 pa Nehuatzin amo n cchihua quenami
 ompa tlalticpac in tlacame; in tla ze,
 nozo ome itla quichihua, mo tlatza-
 cuiltia, ihuan tla miec, motlapopol-

huia; ipampa in tlacame ica nochí momohtia; ac Nehuatzin amo aquin nechmohtia, ma ome, yei; ma nochí in ilhuicac ihuan in tlalticpac amo nicmahuilia; aub ica non, aquin nechtlactlactalhuiz nictlatzacuiltiz ma yez aquin yez. Noteotziné: zanze itlahtlacol amo miec quenami quichihua in tlacame. Manel: inon ze tlahtlacol nictlatzacuiltiz ica zemicac mihltan. Noteotziné: amo oczepa mitztlahtlactalhuilizque. Zan izel Nehuatzin nicmomachitia cuix amo oczepan nechmetlahtlactalhuilizquia; ihuan manel ihqui yezquia nin tlahtlacol amo niquintlapopolhuiliz; ca niquintlatzacuiltiz, ihuan zemicac. Noteotziné: xicmotili: in tla tiquintlapopolhuia, quintemozque huelmiec mo mahuitzotzi, acmo quintlapololtizque in tlacame. Amotlen quichihua nochí non, ocachi, ihuan huel ocachi ipati no mahuitzotzi; onechtlahtlactalhuilique, huelica nechtlaxtlahuilizque: zemicac niquin tlatzacuiltiz. Nocnitzitzihua, tlen anquihtoa ica nochí nin, xi calaquica an moma itech an mo helpan, ihuan xicmo-

tilica quexquich an quimotlahtlacal-
 huihque in Dios, auh ic unca hueliz an-
 quicazicamatizque quexquich anmech-
 tlatzacuiltiz in Yehuatzin. Nocrnitztzi-
 hua: axca unca pahlti; axca hueliz
 techtlapopolhuiz; axca hueliz timo-
 maquixtizque, zatepan amo: aquin ye
 ohuetz mihtlan, amo aquin quiquix-
 tiz. Ye oanquimotilihque nocnitztzi-
 hua aquihque in Angelozme; catle
 ye in tlahtlacol, ihuan quenin oquin-
 motlatzacuilti in Totecuyu Dios. Ma
 nitlami ica anmechyolehuaz hucl
 miec inic acmo oczepa anquimotlahtla-
 calhuilizque in Dios: xi moyolcococa
 huelmiec: xitzaculica nochi in tlen
 anmechtepexihuiz ipan tlahtlacol: a-
 mo xicpoloca in ilhuicac quenami
 oquipolo in Tlahuelilo, ihuan nochi
 i tlahtlacoicnime; auh ipampa on
 yehuan quinequi noihuan tehuan tic-
 polozque; macamo Dios quimonequil-
 tiz ihqui mochihuaz: ximotemachiaca
 itectzinco in Dios; itectzinco in ma-
 huiz yezotzi, i miquilitzin: noihuan-
 ticmopielia in to tlazozenquizca Nant-

zin M. Sma. aquin topan tlahtoz
 inahuactzinco i mahuiz i conetzi:
 ticmopielia in Santohme quimotlah-
 tlahtilizque topampa, auh ocachi
 in Sr. S. Miguel ica ixquich teohue-
 titiliztli Dios oquimomaquili ipan Tla-
 huelilohque; quimocuitlahuia in Sta.
 Iglesia, quinpalehuia in tlaneltocani-
 me: noihqui techmopalehuia in oc-
 zequintin Angelozme, ihuan ocachi
 non Angel tlen Dios otechmomaquili
 zezeahcan zezen tehuantin inic zemi-
 cac techmocuitlahuitinemiz: quimo-
 cuiquilia in Dios to netlahtlauhtiliz,
 ihuan techmoqualiquilia i palehuilocat-
 zin in Dios tlen ica tictelchihuazque
 in to tlahtlacol; ticuepazque tonemiliz;
 timozemiznahuatizque inic acmo oc-
 zepan titlahtlacoque; ticmotlazotiliz-
 que in Dios ipan nochi, inixquich
 in quexquich tlachihuali, ihuan in to-
 huampohuan quenami tehuan timono-
 matlazohtla: ma niquihto zazemi, ti ca-
 zizque in Ilhuicac tlahtocayotl, ihuan
 ma Dios quimonequilti ihqui mochi-
 huaz.

LECCION QUINTA

PARA LA MAÑANA DEL TERCER DIA.

Sobre la gravedad del pecado mortal.

Hueliz titlahtlacoque nozo ica to camac, nozo ica to tlachihual, nozo ica to tlamachiliz: ihquac itla amoquali tiquihto, titlahtlacoa ica to tlahtol; ihquac itla amoquali ticchihua, titlahtlacoa ica to tlachihual, ihuan ihquac itla amoquali tiquilnamiqui ihuan tiquelehuia titlahtlacoa ica to ixtlamachiliz. Axca monequi nocnitzitzihua anquimomachititzinozque, inic ze amoquali tlachihual yez temictianitlah-tlacol, monequi quipiaz nahui tlaman-tli, nozo [*condiciones*] achtotipa monequi yez ipan hueitlamantli itoca *materia grave*, zatepania yez ica nochi to tlanequiliz, itoca *perfecto consentimiento*, noihuan monequi ticmatizque quali tlen ticchihua tlen itoca *perfecto conocimiento*: ihuan ocze tlen monequi quipiaz to amoquali tlachihual

inic yez temictianitlahtlacol, câ inin:
 cuix hueliz ticchihuazque, nozo amo,
 anh non quihtoznequi *libertad*, quenami
 amo quimopielia nin *libertad*, aquin co-
 chi ihuan itla amoquali temiqui; aquin
 ayamo ixtlapoa, ihuan aquin ye ix-
 polo. Ye anquimotilihque nocnitzit-
 zihua nochi tlen monequi inic ze a-
 moquali tlachihual yez timictianitlah-
 tlahtlacol; axca monequi anquicazicama-
 tizque quexquich quimotlahtlacalhuilia
 in Dios nin tlahtlacol. Ye anquimo-
 machititzinoa nocnitzitzihua, moyez
 tica zan ze huelneli Teotl ica yei
 Tcotlacatzitzintin nozo *Personas* ihuan
 nochi nin yei *Personas* motlahtlacal-
 huilia, ihuan mopoluilia i teomahui-
 zotzin ica in temictianitlahtlacol: ma
 ticmotilica yolic quenami mochihua
 nin. Manel nochi in tlen quimopielia
 in Dios Tetatzin noihuan quimopielia
 in Dios Ipiltzin ihuan quimopielia in
 Dios Espíritu Santo: tehuan ipam-
 pa ahuel ticazicamatizque aquin nin
 Teotl, nezi ticmomaquilia zezeahcan
 in Teohuelitiliztli in Dios Tetatzin, in
 Teoixtlatamiliz *saber Divino*: ticmo-

maquila in Dios Ipiltzin; ihuan in Teotetlazotlaliztli in Dios Espíritu Santo. Axca maticmotilica quenami ticmotlahtlacalhuilia zezeahcan nin yei Teotlacatzitzintin ica in temictianitlahtlacol. Nochi tlen ticchihua quenami tlatatl, quimopielia yei tlamantli: huehtiliztli inic ticchihuazque: ticmatizque tlen ticchihua; ihuan ticnequizque ticchihuazque: axca quenami in tehuan atle hueliz ticchihuazque to zel, huelica monequi Dios Tetatzin techpalehuiz ica i Teohueliliztli inic titlahtlacoque; quenami Yehuatzin quimitalhuitzinoa ipan tlateochihual amatl itoca Santa Escritura: oticchi nimitzpalehuizquía ipan motlahtlacol: manel amo quimopalehuilicizinoa to chíhcol tlanequiliz itoca *malicia* tlen ticpia ihquac titlahtlacoa: non quema aic, aic hueliz quimopalehuiliz in Yehuatzin; ac queman quimopalehuilia in tlachihual zan quenami tlachihual; ¡Ihuan amo an momohitia nocnitzitzihua ica nin palehuilicatzin i axcatzin in Dios ipan to tlahtlacol? ¡Amo anquimahuilizque axca

huel miec in tlahtlacol; ipampa axca
 ye ancazicamati tlen achto amo an-
 quimomachititzinoaya? Nezi ni caqui
 anquimitalhuitzinoá itech an moyolo:
 quema no Tatzin: axcan quema icá
 Dios i graziatzin acmo, acmo oczepá
 titlah:lacozque: tla ihqui cá, ximoyole-
 huaca ocachi ica anquimotilizque que-
 nami quimopalehuilia to tlahtlacol in
 Persona Dios Ipiltzin. Yehuatzin qui-
 momachititzinoá nochí tlen ticchihúa
 manel zenca ichtaca yez, quenami cá
 zan tlen tiquelehuia ihuan manel zenca
 timotlahtizque, manel zenca tlayohua-
 tiez, zemicac quimomachititzinoá no-
 chí tlen tiquilnamiqui, tlen tiquelehuia
 ihuan tlen ticchihua: oczepa anmech-
 tlahtlanilia. ¿Amo ammohmotia, amo
 ammahui ica Dios huelica quimotiliz
 in tlahtlacol? ¿Ti pinahua miecpa
 ticchihuazque in tlahtlacol ixpan ze
 piltontle, ihuan amo timopinahtia inic
 ticchihuazque xpantzinco in Dios?
 Noznitzitzihua. ¿Tlen ye otiquilcah-
 que ticate tlaneltocaninme? ¿Tlen ye
 oticpolohque non neltoquiliztli Santa
 Fé tlen otimozelilihque ihquac otimó-

quatequihque? Nezi oczepa ni caqui:
 amo notatzin, amo oticpolohque; ca
 axca ica Dios i graziatzin ticyecchi-
 huazque, ticyancuitizque nin Teonel-
 toquiliztli ihuan ica i palehuilocatzin
 in Yehuatzin acmo, acmo oczepa ti
 tlahtlacoizque quenami itectzinco in
 Dios timotemachia. Matitlamica, i-
 huan ma ticmotilica quenami quimo-
 tlahtlactalhuilia in Dios Espiritu Santo
 in temictianitlahtlacol. Ihquac ze qui-
 chihua in temictiani tlahtlacol, nochi i
 yolo nochi i tlanequiliz, nochi i tetla-
 zotlaliztli tlen quimomaquila inon a-
 moquali tlachihual, quimoquixtilia in
 Dios Espiritu Santo: ipampa ahuel ti-
 tlahcoxeloizque to tetlazotlaliztli: no-
 zo nochi ticmomaquilizque in Dios
 quenami totechpohui; nozo nochi in
 moxicoani quenami momaca ica in
 temictianitlahtlacol: tlacamo xinech-
 molhuilica. ¿Tlen quihtoznequi tic-
 motlazotilizque in totecuyo Dios ipan
 nochi in ixquich, in quexquich tlachi-
 huali quenami totetzincopohui? ¿A-
 mo melahuac quihtoznequi: mapoli-
 hui tlaltiepac, ma polihui to yoliliz,

to tomin, ihuan nochí, inixquich, in
 quexquich unca, inic amo polihuiz i
 mahuizotzin in Dios quenami ticpoloa
 ica in temictianitlahtlacol? Axca que-
 nami in Teotetlazotlaliztli ticmoma-
 quilia in Dios Espíritu Santo, tictequi-
 huiltia in Yehuatzin inic techpalehuiz
 ihquac titlazotla in tlahtlacol, then Ye-
 huatzin huel zenca qui cocolia: ihuan
 tlehcoa nín tlahtlacol ihquac tiquilna-
 miqui, ca ticmotlahtlacalhuilia in Dios,
 ihquac ocachi techmotlazotilictzino in
 Yehuatzin; quenami ihquac techmo-
 maquilia to chicahualiz, to tomin, to
 paquiliz, quaquinon ocachi tlahtlacoa
 ze, quenami quichihua miehque; ih-
 quacon ocachi quimolcahuilia in Dios
 nin tlahtlacoaninme. Quilcahua nochí
 inixquich inquezquich gracias Ye-
 huatzin quinmochihuilia, auh zaizel
 ihquac mococoa, ihquac apizmiqui,
 itla oquipolo, nozo ocze tecohcoca-
 yotl quenami ninque quimachilia;
 quaquinon quema quilnamiquia in
 Dios: quaquinon quema quimonochi-
 lia, quimotemolia, quimo tlatlauh-
 tilia, mochoquilia xpantzinco, qui-

cahcoquia imahua ompa Ilhuicac,
 inic caziz tlen moztla, huipila oczepa
 quipoloz. Nocnitzi zihua nipaquiz-
 quia huel miec tla niquitazquia, toc-
 nihua quimochihuilizquia ipampa in
 gracia, in Ilhuicac, in ze quali nemiliz,
 ihuan nochi tlen totechpohui ticchi-
 huazque inic timomaquixtizque, quena-
 mi quimochihuilia inic mopolozque
 zemicac ompa mihtlan: nipaquizquia
 huel miec oczepa niquihtoa; tla na-
 mehuantzitzin ica nin teotlahtol an-
 moyolcueptzinoa, anmoyolcocoa huel
 miec, anquitelchihua an mo tlahtla-
 col, an moyolhuitia quali, anmozen-
 mixnahuatia inic acmo oczepan antlah-
 tlaçoque, auh huel ocachi nipaquiz-
 quia, tla ica Dios i graziatzin nitla-
 palehuia ica nin teotequiltzintli inic
 momaquixtizque: itectzinco in Dios ni-
 motemachia ihqui quimochihuilietz-
 noz. Amo xiquilcahuaca nocnitzitzi-
 hua nin Teotlahtoltzi, xiczaloca ipan
 anno animatzi; zemicac xicmopielica
 an mo ixpantzinco inic anmoyolchica-
 huazque huel miec iquac hualaz in te-
 neyeyecoltiztli *tentacion*, ihuan amo

anmoyoltemacazque ipan ye: ximoil-
 namiquica quali tlen anquichihuati ica
 in tlahtlacol; anquimomaquiliti huel
 huei tequipachol in Dios Tetatzin,
 ipampa quipalehuiti in anmo tlahtla-
 col quenami ye otimotilihque; noihuan
 motequipachohtzinoz in Dios Ipiltzin
 ipampa quimotilihtica nochi in ixquich
 inquexquich ticchihua, tiquihto, nozo
 tiquelehuia, ma in tlen quali, ma in
 tlen amoquali; ihuan nezi ocachi mo-
 tequipachotzinoa in Dios Espíritu
 Santo, ipampa inon huelzencahuei
 Teotetlazotlaliztli techmopielitzinoa,
 ticmotlaxtlahuilia ica non huel huei
 tequipachol ticmomaquilia ica in te-
 mictianitlahtlacol: macamo ticchihua-
 ca ihcon; ca ticyolzehuizque in
 Dios Tetatzin ica ze yancuic quali
 nemiliz tlen Yehuatzin ica miec teo-
 paquiliztli techmopalehuilictzinoz; no-
 ihuan ticyolzehuizque in Dios Ipiltzin,
 ica zemicac tiezque ixpantzinco ipan
 nochi in ixquich in quexquich ticmo-
 yectequipanilhulizque; ihuan ocachi
 ticmoyolzehuizque in Dios Espíritu
 Santo ica ticmotlazotilizque ipan no-

ehi in ixquich in quexquich tlachihuali,
 ihuan to huampohuan quenami tehuan
 timonomatlazohtla: ticmotlazocamati-
 lizque ixquich gracias techmochihui-
 lia momoztla ihuan achica; ihuan huel-
 zenca ocachi ipampa techmochialit-
 zinoa inic ticmoyolehuazque, ticchi-
 huazque in tlamazehualiz *penitencia*
 inic ticmomaquixtizque, quenami Ye-
 huatzin quimitalhuitzinoa: tlacamo an-
 quichihuazque in tlamazehualiz *peni-*
tencia, nochtin anpolihuizque: xicchi-
 huaca axca nocnitzi zihua nin *peniten-*
cia: axca hueliz an cazizque ica ze
 huelneli tequipachol, tlen ahuel caziz-
 que in mihtlanthane, manel zemicac
 moyolcocoque.

LECCION SEXTA

PARA LA TARDE DEL TERCER DIA.

Sobre la muerte de los pecadores.

Huelica nochtin timomiquilizque:
 momoztla ihuan achica polihticate
 nocnihua: yalhua ocatca to tatzin, to

nantzin, to zihua, to tlahuical, tococo-
 ne, tocnitzi, ihuan axca ye òmotlal-
 pachohque; acmonezi; ye oquilcahque:
 zanoihqui huelica mochiuaz ica ze-
 zen tehuantin; moztla nozo huiptla ti-
 miquizque; techtequilizque tlale; tech-
 quilcahuazque. ¿Auh ica nochí non a-
 mo ticnequi tiquilnamiquizque nin mi-
 quiliz? ¿Tlen an quichihua nocnitzt-
 zihua? ¿Tlen zemiac anyezque ipan
 nin tlalticpac? ¿Amo anquimoma-
 chitia quali quenami itech tlali otiquiz-
 que, ihuan itech tlali timocuepazque?
 ¿Amo anquimomachitia, to yoliliz ca
 quenami ehecatl? Achica tech moil-
 namiquilia Tonatzin Santa Iglesia quac
 quimochihuilia responso: quema noc-
 nitzitzihua; quenami pohtle polihui i-
 tech ehecatl, ihcon polihui to yoliliz;
 zan axca panoa to tonal; tlen tonal ye
 opano, acmo oczepa tiquitazque, ihuan
 zanoihqui ica ze semana, ze metztli,
 ze xihuitl: tlen opano, opano; ihuan tla
 otipolohque non tonal, non semana,
 non metztli nozo non xihuitl ica to
 tlahtlacol, ihqui mocahuaz; acmo qui-
 pia pahle: ¿ihuan tlen ticchihuazque

imic acmo ozepa ticpolozque? Tiquilnamiquizque to miquiliz quenami techmonahuatilia Dios Espíritu Santo, ihuan techmozemiznahuatia amo titlah-tlacoizque intla zemicac tiquilnamiquizque nin miquiliz, nin cuenta ticmomaquilizque tomiquiliztempa, nin mihtlan, nin Ilhuicac: ac monequi tiquilnamiquizque to miquiliz, amo in miquiliz in tohuampohuan; non achica molnamiquia ihqua momiquilia: amo noznitzit-zihua, amo xicmotlapololtica ica nin cahcayahualiz: to miquiliz, inon miquiliz tlen zezeahcan zezentehuantin ticpanozque moztla, nozo huiptla ihquac Dios techmonochiliz, inon zemicac tiquilnamiquizque, ihuan ihcon amo titlah-tlacoizque quenami qui mitalhuitzi-noa in Dios Espíritu Santo. Itechcaca nin miquiliz unca miec tlen tiquihtozque; ac ne nicnequi ticmotilizque nin yei camatl: quemania timiquizque, ze: campa timiquizque, ome: quenin timiquizque, yei. Quemania timiquizque, amo momati nocnitztizihua: amo quipia tonal; ihquac tehuan amo timoilaamiquia yehual ye

ohuala; ihquac tehuan tiquihtoaya oc
 ticyolizque ome yei, nahui, macuil,
 nozo ocachi xihuitl, ipampa ticmo-
 machilia chichahque, yehuatl tech can-
 tiquiza; momoztla ihuan achica ti-
 quita mochihtica ihcon: nin miquiliz
 amo aquin qui tlapopolhuilia, ma huei,
 ma tepitzin, ma in cocoxquime, ma in
 chichahque, ma aquin tlanahuatia, ma
 aquin tlacamachitia, ma ze Tlahtocat-
 zin, ma ze tlaquehual, ma ze Teopix,
 ma ze namic; amo aquin quinahuatia
 quemania hualaz inic qui mochializque;
 ca in tehuan totechpohui zemicac tic-
 mochializque, inic quac hualaz yectla-
 lihtica tech aziz; auh ipampa on ihquac
 ti mehuazque ti moyectlalizque zan
 quenami acmo oczepan timotecazquia,
 ihuan ihquac timotecazque zan quena-
 mi acmo oczepan ti tlanezizquia: ih-
 quac ticpehuazque in tequitl, zan que-
 nami acmo titlamizquia, auh ihquac ti
 tlamizque, zan quenami acmo oczepan
 ti tequipanozquia; ihuan ibqui ti quil-
 namictiazque nin miquiliz ipan nochi
 in ixquich inquexquich tlachihual timo-
 tequipanilluilizque; ihuan ocachi, oca-

ehi, ihquac ticmotazque itenco tlahtlacol; quaquinon niman, niman ximoilnamiquica, nozo xiquihtoca: tlanicchi-huaz nin tlahtlacol ihuan niman n mi-quiz ¿campa niaz? mihtlan; ¿auh ica nin paquiliztli tlen niman tlamiz nicnequi ni coaz in tecoco, tetolini tlen ahic, ahicqueman tlamiz? ¿ihuan ica ye nicpoloz in zemicac pahpaquiliztli Gloria? Ipampa on amo momati tlen tonal timiquizque, inic zemicac ticmochialilizque nin miquiliz, auh ihcon amo titlah-tlacoazque Tla ihquac amo quimati tlahtlacoanime quemania hualaz in mi-quiliz, tlahtlacoa quenami yehuan quin-nequi. ¿Quexquich tlahtlacol ocachi quinchihuazquia tlaquimatizquiaya tlen tonal momiquilizquiaya? Quemanía ze, nozo ocze quali tlatatl quimonahuatilia in Dios tlen tonal, momiquilizque; melahuac, amo niquintoa amo; ac non yehuantzitzin oquin tlanihque non gracia ica ze quali yoliliz oquipixque; ac in tlahtlacoanime tlen gracia hueliz quimochihuiliz totecuyu Dios tla achica quin macaticate tlahuel in Yehuatzin ica ixquich tlahtlacoli quinchihitinemi?

Quenami Dios otechpalehui ye otimo-
 tilihque quenin amo ticmati quemanía
 timomiquilizque; maticmotilica axca
 cuix hueliz momatiz campa timomiqui-
 lizque; za noilqui amo momati campa
 tech monochiliz Totecuyu Dios. Te-
 huan ticmati campa otimotlacatihque i-
 pampa techmopoihlia to tahuan; ac
 amo aquin hueliz techilhuiz cuix nican,
 nozo nepan timotlamitizque; non za
 izel Totecuyu Dios quimomachititzi-
 noa. Amo aquin hueliz quihtoz: nican
 nimochantiz; ipampa quali nimomati;
 amo can oczecan niaz; nican nimomi-
 quiliz itech nochan, ica nopilhuantzit-
 zihua, ica nocnitztitzihua; yehuan nech-
 mo cuitlahuizque; yehuan quac nimo-
 cocoz nechpahtizque, nechmonochiliz-
 que Teyolhuicitatzin inic nicmozeliliz
 in Santos Sacramentos, tlen ica quali
 nimomiquiliz manel ni tlahtlacoani;
 amo, amo nocnitztitzihua, amo aquin
 hueliz ihcon quihtoz: ipampa ihquac
 yehuatl amo molnamiquiz, ye Dios
 oquimocuiquili nican, nozo nepan cam-
 pa momiquiliti izel, izel, ihuan hueliz
 amo quimozeliliz in Santos Sacramen-

tos quenami yehuatl motemachiaya.
 ¿Amo ihcon miecpa mochihtica itech
 nin tlalticpac? Quenami Dios amo
 quimonequiltia ticmatizque tlen tonal
 timoniquilizque inic zemicac ticmo-
 chializque in miquiliz, auh ica non a-
 mo titlahtlacoizque, zanoihqui amo
 quimonequiltia ticmatizque campa ti-
 motlamitizque inic cuitlahuihticatin-
 mizque, amo mochihuaz techaziz in
 miquiliz ompa campa titlahtlacoti,
 quenami miecpa mochihua ica zequin
 tlahtlacoaninme. ¿Quexquipa yahui
 ze tlachtequiti techan, nozo itech oh-
 tli ihuan ompa eazi in miquiliz? ¿Quex-
 quipa yahui ze tlahuanati, ihuan ompa
 miqui? ¿Quexquipa yahui ze tlahtlacoti
 ica zihuatl, ihuan ompa quicazi i tla-
 huical ihuan quimictia? ¿Amo achica
 ticmati ihqui omochi? ¿Amo ihqui hue-
 liz mochihuaz ica zequin tehuantia?
 ¿Quaquinon tlen techpalehuiz santos
 ejercicios nican oticmozelihque? Noc-
 nitzitzihua quenami yez to yoliliz, ih-
 con yez to miquiliz, quenami quihtoa
 Temachtianime; auh ocachi mochica-

hua nin, itech tlahtoltzi Totemaquixtí-
 catzin Jesucristo: Yehuatzin quimital-
 huitzinoa: nech temozque, ihuan amo
 nechazizque; itech anmotlahtlacol an
 miquizque ¿Tlen anquihtoa tlahtlacoa-
 nime? xicmotilica tlen miquiliz an-
 mechmochialia, auh ocachi anquimoti-
 lizque itech non ocze camatl tech poloa.
 ¿Catle ye? Quenin momiquilia ze tlah-
 tlacoani, ihuan inic quali tiazque, ma-
 ticmotilica axca nin miquiliz, ihuan
 ocze tonal tla Dios techmocahuilia tic-
 motilizque quenin momiquilia ze quali-
 tlacatl. Nochi quipoloa in tlacatl ihquac
 momiquilia ipan temictiani tlahtlacol:
 quipoloa i anima, noquipoloa itlalnaca-
 yo: quipoloa i anima ipampa manel
 hueliz quimozeliliz in Sacramentos; ¿ac
 quenin quimozeliliz? ¿quali quenami
 Dios tlanahuatia? Hueliz quema noc-
 nitzitzihua; ac non amo mochihua a-
 chica, zan huehuehca ihuan huel zenca
 huehuehca mota: tlen achica mochihua,
 tlahtlacoanime momiquilia ipan itlah-
 tlacol; ipampa imiquiliztempa ahuel
 moyectlalizque quenami itechpohui i-
 nic quali momiquilizque ¿Quen hueliz

moyectlaliz aquin zemicac monehnemi-
 tiaya ipan tlahuanaliz, ahulnemiliz,
 tlachtequiliz, tlahuihuicaltiliz, nozo
 occequin tlahtlacoli quenami ninque?
 ¿Quen hueliz moyectlaliz aquin momoz-
 tla momihtinemiaya ica i namic, ica i
 icnime, ica ihuampohua? ¿Quen hue-
 liz moyectlaliz aquin momoztla qui-
 macaya *escándalo* ipilhuantzitzihua ica
 i amoquali nemiliz, auh ica non yehuan
 in cocone omozcaltihque quenami in
 tetame, ihuan ihqui quichihuazque ica
 ipilhuan ihquac quimpiazque, ihuan za-
 tepa nin ica oczequintin, ihuan ocze-
 quintin, ica oczequintin, ihuan aquin
 quimati campa tlamiti nin tlahtlacol?
 ¿Quipezque cahuitl *tiempo* nin tlahtla-
 coanime inic moyectlalizque, ihquac
 mocuehpaticate ipan petlatl ica coco-
 liztli? ¿Quenin hueliz moyolpehpenaz-
 que, moyolimachitizque, moyolnonot-
 zazque, quenami itechpohui, tla co-
 coliztli amo quincahua, ihuan miqui-
 liztli quin molitia huelzenca? ¿Quenin
 hueliz moyolcocoque, moyoltequipa-
 cheque, moyolcuepazque, tla ye o.

momatihque ica tlahtlacol; ihuan oca-
 chi ipampa itech non cahuitl tlahuelilo
 ocachi nentlamáti inic quin tlapololuz
 in tlahtlacoanime? Nezi ni caqui quih-
 toa in tlahuelilo ;Quenin nicpoloz tlen
 onictlani ica notequi, ica no nehtla-
 matiliz? ;Amo ye nin onechmotlacama-
 chiti ipan nochi inixquich inquexqui-
 ch onicnahuati? Amo ye nin onicma-
 cac paquiliztli ipan nochi tlen amoqua-
 li quinequiaya? ;Amo ye nin aquin
 miecpa onicpalebui inic quichihuaz-
 quiaya intlahtlacol? ;Quexquipa oni-
 tlahtolmacato, oniquinyolehuato no-
 chtin non aquin inahuac tlahtlacozaquia?
 ;Amo ye nin aquin ipampa miecpa
 onech pinahtihque Teopixcatzitzintin,
 nech tohtocahque, nech huihuicalti-
 que? ;Ihuan ica nochi non axca nic-
 poloz? Oc ninentlamatiz inic nicpo-
 loz: manel quizeliz in Sacramentos,
 amo nimotequipachoz: ne ni calicaya-
 huaz inic amo quineltocaz miquiz, i-
 huan moyolhuitiz quali quac oczepa
 mococoz: axca mamoyolhuiti inic a-
 moquihitozque icnime amoquali *cristia-*
no, amo ipampa yehuatl quinequiz ica

nochi i yolo quicahuaz i tlahtlacol.
 Nehual niquilhuiz ichtaca. ¿Tlen amo
 oczepa titlahuanaz? ¿Tlen quibtozque
 nochtin non aquinahuac titlahuantine-
 mia intla quimotilia ti mehua ihuan ac-
 mo oczepa timo calaquia inahuac? ¿A-
 mo mitzhpinahitizque huel miec; mitz-
 huehuetzquilizque; mitztlachichihuiliz-
 que; mitz tocayotizque ti santo? Auh
 ica non xiquilhui Teopixcatzintli zan i-
 ca mocamac, ticahuaz in tlahtlacol; ac
 amo xicahua ica nochi moyolo. Ne-
 huatl ni quiliz ¿Tlen acmo oczepa tiqui-
 taz none zihual (para mugeres, none
 tlacatl) aquin inahuac ixquich otitlah-
 tlaco? ¿Tlenquihtoz? ¿Amo mopampa
 oquicahtehua i namic, i tatzin, i nantzi,
 i icnime? ¿Amoticmotilia quenami mo-
 choquilihtica mopampa? Xitlatitlamili
 ichtaca ze tlahtol, macamo motequipa-
 chohtzino, amo ticahuaz, ihquac ti me-
 huaz niman oczepa tiaz tiquitati. Ne-
 huatl nitlaliz ipan itzonteco, ma qui
 tlati nontlahtlacol, ihuan tla ye nochtin
 quimati i tlahtlacol quenami miecpa
 mochihua, maqui yolhuiti, axcan ica
 icamac, amo ica nochi iyolo inic tla-

mehuaz hueliz niman quitati i tlahtla-
 coicni. Nochi non, ihuan ocachi,
 tlen nehuatl nicmati quihtoa tla-
 huelilo, nictlaliz ipan i tzonteco inic
 amo moyolhuitiz quali, ihuan quipoloz
 i anima; ihuan tla qui cazia ze quali
 Teopix qui yolehuaz miec inic moyol-
 huitiz quali, amotlen quichihua noquihtoa
 in tlahuelilo; nehuatl niquin yole-
 huaz occhicome nocnihua ihuan ocze-
 pa ticalaquizque ic campa otiquizque,
 auh ihquac cocoliztli tlehcoz, nozo o-
 cachi tlanahuiz, yehuatl mo tlahtoltza-
 cuaz; auh ihquacon ;Aquin quipale-
 huiz, tla ahuel quimonochiliz oczepa in
 Teopixcatzintli? Quaquinon nehuatl
 nitlaliliz ipan itzonteco miec teneye yec
 coltiliztli nozo *tentaciones*, ihuan ocze-
 pa nictepexihuiz ipan ye quenami
 miecpa onicchi ihquac chicahuac ocat-
 ca, auh ica non yez oczepa noaxca.
 Nocnitiztzihua ipampatzizco Dios xic-
 motilica quenami miqui ze tlahtlacoa-
 ni, xicmotilica quenami quipoloa i ani-
 ma; ihuan axca anquimotilizque que-
 nin quipoloa noihuan i tlalnacayo. Ze-
 quipoloa i tlalnacayo, ihquac acmo oc-

zepa quipiaz paquilztli inahuac; inon
 mochihuaz ica in tlalnacayo in aquih-
 que tlahtlacolpan miqui: acmo oczepan
 mopahpaquiltiz ica i yolia quenami
 quichihuaya ihquac yolticatca, ye mo-
 cahuaz izel itech miquitecochtli cam-
 pa quicuazque in cuilime: mocahua
 potonqui, palanqui, catzaqui: acmo oc-
 zepa tlacuaz, coniz, nehnemiz, tla-
 chiaz, tlaquiz, paquiz, huetzcaz, tla-
 cuicaz, ihuan in oczequintin i tlachi-
 hual. Nezi ni caqui nechilia in tlah-
 tlacoanime; tla non ihqui mochiua ica
 in tlalnacayo quahqualtinme: quema
 mochihua; ac non zan ome yei to-
 nal ma tiquibtoca ihcon; amo zemicac
 quenami mochihuaz ica in tlalnacayo
 tlahtlacoanime tlahtlacolpan omiquih-
 que. Quac itla ticpoloa ihuan niman
 oczepa nezi, hueliz tiquihtozque amo
 oticpolohque, ihuan ocachi intla acmo
 oczepa polihuiz: inon mochihua ica in
 tlalnacayo quahqualtinme; zan ome
 yei tonal quipoloa in tlalnacayo, ihuan
 niman neziz ipan tlatzontequililizil-
 huitl; ihuan neziz mahuiztic, chipa-
 huac, tezahuicac, amo quenami oqui-

cahque, potonqui, catzahqui; tlen amo mochiuaz ica in tlalnacayo tlah-tlacolpan omiquihque; non mozcaliz, quema; ac inic quihyohuiz zemicac in tecoco tetolini ompa mihtlan. Ye an-quimotilihque nocnitztizihua quenin miqui ze tlahtlacoani; quenin quipoloa i anima, i tlalnacayo, i paquiliztli, in ihuicac, ze tlahtol, quipoloa Totecuyu Dios, ihuan ica Yehuatzin nochí, nochí quipola,

LECCION SEPTIMA

PARA LA MAÑANA DEL CUARTO DIA.
Sobre la muerte de los justos.

In tlahtlacoanime ihquac momiquilia ipan temictianitlahtlacol nochí quipoloa, i anima, i nacayo, i yoliliz i paquiliztli tlen nican quimpiaya, ihuan oczequi tlamantli quenami ye oticmotilihque; matiemotilica axca quenami momiquilia in qualtinme tlaneltocanime. Za izel Totecuyu Dios quimomachititzinoa tleica miecpa ihuan ahchica intlahtlacoanime mopahpa-

quiltia miec itech nin tlalticpac: qui-
 mopielia miec tomin, miec chicahua-
 liz, miec tetlazotlaca: ihuan in qual-
 tinme zan mochoquilitinemi, tlayoco-
 ya, mayana, apizmiqui, mocohcotine-
 mi, ihuan panoticate miec tecohco-
 cayol; ni quihtoa miecpa mochihua
 nin, amo zemicac: ipampa Totecuyu
 Dios noihuan ihquac quimonequiltia
 quin tlatzacuiltia in tlahtlacoaninme i-
 ca miec tecohcocayotl inic moyolcue-
 pazque, quitelchihuazque in tlahtlacol,
 quiyolzehuizque in Yehuatzin ica in
 tlamazehualiz *penitencia* ihuan caziz-
 que non *gracia* oquinpolohca ica in
 temictianitlahtlacol, auh tlacamo ih-
 qui quinchihua, quimitalhuitzinoa in
 Santo *Evangelio* nican quin zelia i-
 tlaxtlahualiz; azo ipampatica ze nozo
 ome qualitlachihualtlen nican zantlai-
 lihuiz oquichihque, auh zatepan ze-
 micac quintlatzacuiltiz ompa mihtlan:
 zanoihqui Totecuyu Dios miecpa quin
 yolalia in qualtinme ica paquiliztli inic
 moyolehuazque ocachi ipan in quali-
 tlachihual, ihuan aicqueman quica-
 huazque; tlacamo, manel miec quali-

tlachihual quinmoyectequipanilhuiliz-
 que, tlacamo momiquilia ipan i graziat-
 zin, nochi quipoloa quenami in tlah-
 tlacoanime: ac tla momiquilia ipan nin
 tecualtiayatzin gracia, nochi cazia:
 maticmotilica quenin. Tla ipampati-
 ca Totecuyu Dios ze oquipolo i ani-
 ma; quihtoznequi ihquac ipampa Ye-
 huatzi oquicahua nochi in amoquali
 paquiliztli tlen ti quelehuia ica non
 chihcol tlanequiliz tlen nochtin ti-
 quimpia; quaquinon ompa caziz i
 animatzi ica ze yancuic teopaquiliztli
 tlen aicqueman quipoloz. Tla ipampa-
 tica Totecuyu Dios, oquipolo i yoliliz,
 ompa caziz ze yancuic teoyoliliz, cam-
 pa aicqueman momiquiliz: tla ipam-
 pa Yehuatzin oqui cahua in tomin;
 ompa acmo monequi tlen mocoaz, no-
 zo monamacaz, ipampa ticpiazque no-
 chi tlen quali ticnequizque: tla ipam-
 patica Dios, oquimocahuili i tatzin, i
 nantzin, i zoa, i tlahuical, i pilhuan, i
 icnime; quihtoznequi tla oquimotlazo-
 tili Totecuyu Dios ipan nochi ninque,
 ihuan amo oquimotlahtlacalhuili Ye-
 huatzin ipampatica yehuan quenami

miecpa mochihua; ompa caziz ze yan-
 cuic tetatzin, tenantzin icni, ihuan
 nochi tlen nican oquimocahuili ipampa
 Dios. Nocnitzitzihuan. ¿Quen amo
 momiquilizque ica miec paquiliztli in
 qualtinme tla nican pehua quimotilia
 tlen ichantzincó in Dios cazizque?
 ¿Ihuan nican tlami nochi tlen qui-
 piazque in qualtinme i miquiliztem-
 pan? Amotzin: xi mocaquititzino-
 ca tlen quimitálhuitzinoá in Dios
 Espíritu Santo: tlen mahuiztic ix-
 pantzincó in Dios in miquiliz i ax-
 catzin in Santohme; nozo quenami
 quimitalhuitzinoá oczecan: qualtin-
 me aquihque momiquilia itectzincó in
 Totecuyu Dios: *Beati qui in Dómino*
moriúntur: ¿Tlen quihtoznequi ze mo-
 miquiliz itectzincó in Dios? Quihtoz-
 nequi; momiquiliz ipan i graziatzin in
 Dios: quihtoznequi momiquiliz quena-
 mi momiquilia in Santohme: quihtoz-
 nequi calaquiz itectzincó in teopaqui-
 liztli: quihtoznequi tlamiz nochi in ix-
 quich in quexquich tecohcocayotl tlen
 nican mopanolitia i pilhuantzitzihua.
 Totecuyu Dios, ihuan mopehualtia.

non zemicac zencuiltonoliztli tlen
 Yehuatzin quinmomaquila aquin yec-
 tiliztica momiquilia. Xi moyolalica
 nocnitztizihuan inic ancazizque nin
 Teoyotica miquiliz i axcatzi in qualin
 tlaneltocanime huelneli momaquixtia
 tla yectiliztica momiquilia. Ximolna-
 miquica tlen quimitalhuitzinoa in Qual-
 tin Tetame itoca Santos Padres: que-
 nami yez to yoliliz, câ to miquiliz: *si-*
cut vita, fimis ita: ;Otimonehnemitih-
 que ipan i tlanahuatiltzitzihuan in Dios,
 in Santa Iglesia ihuan nochí in ixquich
 in quexquich totechpohui ticmoyec-
 tequipanilhuitizque in Yehuatzin? Que-
 ma: ac tla ihcon timotlamitia, yectilizti-
 ca timomiquilia: ipampa nican amo ti-
 cate inic timozehuitiezque, ca inic timo-
 tequipanilhuitiezque in Totecuyu Dios
 ipan nochí in ixquich inquexquich Ye-
 huatzin quimonequiltia ticmoyecte-
 quipanilhuitizque; auh tla ipampa on tiqui-
 hyohuia mtec tecohcocayotl, quenami
 momoztla ihuan achica quimopanoltia
 aquin quinequi quimoyectequipanilhui-
 liz in Yehuatzin, ocachi, ihuan huel
 zenca ocachi techmotlaxtlahuiliz Ye-

huatzin nican tomiquiliztempa, ipampa ye tlamiti nochi non tecohcocayotl, ihuan mopehualtiti in pahpaquiliztli gloria. Techmotlaxtlahuiliz nican, ipampa quimochihuiliz tic zelizque yectiliztica nochi in Teoyoticapahtle itoca Sacramentos: quimochihuiliz huamoihcatzinoz Teopixcatzintli ihuan techmoyolhuutiliz yolic ica miec paquiliztli, auh tla monequi techmoyolpehpenaz tla in cocoliztli amo techcahua tehuan ticchihuazque; techyolehuaz inic timozenmacatzinozque ica Yehuatzin, tiquihyohuizque in cocoliztli; timoneltoquitizque tlen Santa Iglesia techmomachtililia ticnelto-cazque; timotemachiazque itectzinco in Dios, ihuan ticmotlazotilizque huel miec, no timozetilizque ica Totemaquixticatzin J. C. imacopatzinco i tla zozenquizca Nacayotzin ihuan i tla zozenquizca Yezotzin ye timozelilihque itectzinco teoyotica Viático techmocualquili Teopixcatzintli. Ihcon, nocnitztizihua, quimochihuilia in Dios ica i pilhuantzizihua ihquac yectiliztica momiquilia. ¿Tlen ocachi? Quimo-

zeliliz Nemachiotiliztli tomiquiliztem-
 pan timachiotilozque yectiliztica. Nin
 teoyoticapahtle techtlapopolhuilia tlen
 otimotlahtlacialhuilhque Yehuatzin ica
 to ixtololohua, auh ipampa on techmo-
 teoyoticamachiotia in Teopixcatzintli,
 to ixtololohua: zanoihqui techmotlapo-
 polhuia in tlen otimotlahtlacialhuilhque
 ica to nacaz, to yacatzotl, to camac, to
 mahua, ihuan to ixihua. ;Tlen ocachi
 gracia techmomaquilia nin Teoyotica
 machiotl itoca Extremauncion tla yec-
 tiliztica ticmozelilia? Qui tzacuilia tla-
 huelilo inic amo techtlapololtiz to mi-
 quiliztempa; tech tlapopolhuia in tepi-
 ton tlahtlacol, techyolchicahua inic a-
 mo oczepa titlahtlacoque; quimopol-
 huilia in tlahtlacolmachiotl, nozo i cat-
 zahualiz oquicahtehque ipan to anima;
 tech yolalia inic ticzelizque in miqui-
 liz ica miec paquiliztli; ipampa ye oa-
 zi in tonal ticmotiliti Totemaquixticat-
 zin J. C. tipaqui huel miec ipampa
 ticahua nin tlalticpac, nin telpiloyan,
 nin choquizixtlahuaca, campa ixquich
 otimochoquilihque: ticahua nozo to
 zoa, nozo to tlahuical, nozo to tahtzin,

to nantzin, to pilhuán, to icnihua ix-
quich tequipachol ôtechmomaquilih-
que, manel axca mochoquilia ipampa
techmotilia ye ticmicticate; amo tlen
quichihua: in qualtinme mopabpaquil-
tia huelmiec i miquiliztempa ipampa
quin mitalhuitzinoa ica Sr. S. Pablo
nicnequi nimiquiz, ihuan niez ica No-
temaquizticatzin J. C. Nochi tlen
câ huelneli quali, huelneli mahuiztic,
huelneli chipahuac; noihuan huelneli
ticmotlazotilia: ihqui câ in miquiliz
iaxcatzi in qualtinme: metztica huel-
neli quali, ipampa huelneli quali quih-
toznequi non tlen Totecuyu Dios ih-
qui quimotenehuilia, amo tlen tlaltic-
pactlacatl qui tocayotia quali: ipampa
tehuan miecpa tictocayotia quali, in
amoquali, in tzopelic tictocayotia xo-
coc, in tlanextli, yohuatl auh ihcon no-
chi tiquinpatlatoca: Totecuyu Dios
aicqueman hueliz motlapololtitzinoz:
Yehuatzin quimotocayotilia in miqui-
liz i axca in qualtinme huelneli quali:
noihuan moyeztica in miquiliz iaxca
in qualtinme, zenca mahuiztic quena-
mi quimitalhuitzinoa Dios Espiritu

Santo *pretiosa in conspectu Domini*
mors sanctorum ejus: zanoihqui mo-
 yeztica huelneli chipahuac. ¿Quen
 amo yez huelneli chipahuac aquin ac-
 mo tlen catzahualiz quipia? ¿Amo me-
 lahuac in teoyoticachipahualiz i axca
 in gracia, ihuan in catzahualiz i axca
 tlahtlacol, mozepan cocolia, mozepan
 tlatelchihuilia, aicqueman hueliz moze-
 tilizque, ipampa campa metztica in te-
 qualtiyatzin gracia, ahuel yez in te-
 mictianitlahtlacol, auh campa yez nin,
 ahuel yez in gracia? ¿Amo melahuac
 ihcon ticneltoca quenami ti tlaneltoca-
 ninme nozo cristianos? Tla in qual-
 tinme momiquilia ica nin tequaltiyat-
 zin gracia, ¿quen amo yez i miquiliz
 huelneli chipahuac manel miecpa hue-
 liz neziz catzahuac ixpan tlalcanme,
 ipampa momiquilia ipan tlate, ipan zo-
 quitl, itech pohtle, izel, amo aquin
 quipalehuia i miquiliztempa, nochtin
 quincahua ipampa atle quipia; tla no-
 chi non amo quiquixtilia non teoyo-
 tica chipahualiz tlen Dios oquin mo-
 maquili imacopantzinco in teoyotica
 pahle itoca Sacramentos? ¿Tlen qui-

chihua non nocnitztizihua, tla i anima-
 tzin in qualtinme pepetlaca ixpantzin-
 co in Dios quenami pepetlaca in tzi-
 tlalinme ipan ilhuicac? ¡Tlen quichi-
 hua oczepa niquihto a yez i nacayo i-
 pan tlale, ipan zoquitl, ipan pohtle, tla
 i animatzi metztica itech imatztizihua
 Totecuyu Dios ye quimocuiquilia om-
 pa ilhuicac? Nochtin tiquelehui timo-
 miquilizque quenami momiquilia in
 qualtinme, ac amo ticnequi timonehne-
 mitizque quali quenami yehuantztzin:
 quinequi miec mopahpaquiltizque ni-
 can, auh zatepan momiquilizque que-
 nami in qualtinme ¡Tlen amo quilna-
 miqui in qualtinme ixquich omocho-
 quilihque, ixquich tequipachol omopa-
 noltihque inic quinmopielizquia i tla-
 nahuatiltztizihuan in Dios? Oqui me-
 meltihque i Cruz ipan i ahcol ipampa-
 tica Yehuatzin quenami techmolhuilia
 Santo Evangelio: ticcuicazque mo-
 moztla nin Cruz tlen Dios techmoti-
 tlanilia inic ticmoicnitizque ica Tote-
 maquixticatzin J. C. Cruz quihtoz-
 nequi nochi inixquich inquexquich

tecohcocayotl techmotitlanilia in Dies
 inic tiquihyohhuizque: quenami ihquac
 ze tlacatl quihyohuia i amoquali zoatl,
 nozo in zoatl quihyohuia i amoquali
 tlahuical: tepilhuan quihyohuia in te-
 tanme, in tetanme i pilhuan: in tlate-
 co quihyohuia i tequipanohca; in te-
 quipanohca i teco: huelica nocnitztzi-
 hua monequi ticmemezque to Cruz
 tlen ticahuazque to miquiliztempa: hue-
 lica niquihtoa oczepa tla ticnequi timo-
 maquixtizque, monequi tiquihyohhuiz-
 que ixquich tecohcocayotl ipampa Ye-
 huatzin; quenami Yehuatzin ocachi
 ihuan huelzenca ocachi oquimiho-
 nuictitzino topampatica ipan Santísi-
 ma Cruz campa omomiquili inic o-
 techmomaquixtilizquia. Ma nitlami
 ica i tlahtoltzi Totemaquixticatzin J.
 C. Yehuatzin quimitalhuitzino ipan
 Santo Evangelio: Tlalticpac mopah-
 paquiltiz, amehuantzitzin tlayocoyaz-
 que; ac nin motlayocoyaliz mocueptzi-
 noz paquiliztli: ihcon nocnitztzihua
 motlahtoltitzinoaya Yehuatzin ica i
 tlamachiltitzitzihua, nozo Discípulos,
 nozo Apóstoles, ihuan ica Yehuantzit-

zin, motlahtolitzinoa ica nochtin in
 qualtinme yectiliztica momiquilia. Ih-
 con tieneltoca, ihuan miecpa nezi
 ticmotilia ica to ixtololohua: miec-
 pa ticmotilia aquin yalhua mo pah-
 paquiltinemiaya ipan mitoliliz, tlacui-
 caliz, paxalotinemiaya; ihuan ocze-
 quin paquiliztli quenami ninque: axcan
 momiquilia zantlailihuiz, zan totoca;
 miecpa amo cazi ininque in Sacra-
 mentos, ihuan tla cazi amo quimati
 tlen quimozelilia; ihcon quin tlatza-
 cuiltia in Totecuyu Dios miecpa in
 amoqualtin inic oczequin mohmotiz-
 que, mahuique, ihuan moyolcuepaz-
 que: zanoihqui ticmotilia miecpa in
 qualtinme monehnemitia ipan tecohco-
 cayotl, atle paquiliztli quinmopielia
 non ome yei tonal tlen Dios quinmo-
 maquilia ipan nin tlalticpac, auh za-
 tepan i miquiliztempa nochi mopatla;
 tlen paquiliztli quinmopielia quaqui-
 non: tla quicahua ze nacayo palanqui,
 cocoxqui catzaqui: Dios quiyancuitiz
 nin nacayo inic acmo oczepa palaniz,
 mococo, mocatzahuaz: tla nican o-

quimachili in apiztli, ompa aicqueman
 oczepa mayanaz: tla nican omoneh-
 nemiti nacatil; ompa moquentiz ze
 teoyotica tlaquemitl aicqueman tzo-
 moniz, nozo palaniz: tla nican quin
 cocoliaya ipampa quinmotlazotiliaya
 in Totecuyu Dios; ompa nochtin, no-
 chtin quinmotlazotilizque: niziahuiz-
 quia nocnitzitzihua tla niquihtoquia
 nochi in paquiliztli tlen quinnopielia
 in qualtinme i miquiliztempa tla yecti-
 liztica momiquilia; zan ica niquihto
 quincahua nin tlalticpac, ihuan maxilia
 in ilhuicac, ye oniquihto nochi.

LECCION OCTAVA

PARA LA TARDE DEL DIA CUARTO.

Sobre el juicio particular.

Ticmahuilia miquiliz, ipampa ni-
 man ihquac timomiquilia timoixpantia
 inahuactzinco in Dios inic ticmoma-
 quilizque in tlapoal nozo cuenta; auh
 quenami amo ticmati quenami tiqui-
 zazque, ipampa on ixquich ticmahuilia
 in miquiliz: quenami ixpantzinco Ye-

huatzin atle motlapachoa, amo aquin
 ixtlacatia, amo aquin hueliz motlatiz
 quenami nican miecpa ibcon quichi-
 hua: ipampa on oczepa niquihtoa huel
 zenca techmohtia nin miquiliztempan.
 Yehuatzin oquimotilitzino nochi in
 tlen oticchique, manel zenca ichtaca
 oyezquia: nochi oquimocaquititzino
 tlen otiquihtohque; ihuan nochi to tla-
 chihual oquimomachititzino. ¿Quenin
 hueliz ticmocahcayahuilizque, quena-
 mi nican miecpa ihuan achica tiquin-
 cahcayahua tocnihua; ipampa ahuel
 quimatizque tlen panoa toyoloihtic?
 ¿Ac Totecuyu Dios quenin hueliz tic-
 mocahcayahuilizque tla quimotilihtica
 nochi inixquich inquexquich panohti-
 ca itech to yolohua? Amo ximotlapol-
 tica nocnitzitzihua ica nochi tlen hue-
 liz amechtlaliz ipan amotzonteco in
 tlahuelilo inic amo anquilnamiquiz-
 que nin cuenta tlen huelica nochtin tic-
 momaquilizque in Yehuatzin zaniman
 ihquac to anima qui cahuaz in to tla-
 nacayo: quaquinon a uel ticyecchi-
 huazque tlen amoquali oticchihque; ye
 opapo non tonal tlen Yehuatzin otech-

momaquili inic ticmoyectlalizque nican: tlen amo quali oticchihque ihquac ocatca to anima zetilihtica ica to nacayo ahuel ticchihuazque ihquac ye omoxelohque; ihuan inic quali tiazque maticmotilica ica Dios i graziatzin quenami mochihuaz nin tlapoal, nin tlatzontequiliz nozo cuenta ticmomaquilizque in Yehuatzin zezeahcan zezen tehuantin itechcacopa nochi tlen quali, ihuan tlen amoquali oticchihque, auh tlen amo oticchihque quali ipampa to tlatzihuiliz. Manel nin cuenta huel zenca ichtaca mochihuaz, unca aquin techtelhuiz, ihuan ahuel ticnanquilizque amo oticchihque tla oticchihque, nozo amo oticahque tla oticahque. ¿Ihuan aquin ye nin techtelhuiz? To yolo nocnitzitzihua: to yolo techtelhuiz: yehuatl oquichi tlen oquichi: yehuatl oquicauh tlen oquicnec: itech to yolo nozo to tlanequiliz motlamitia in to qualitlachihual, nozo in tlahtlacol, nozo tlen oticahque ipampa to tlatzihuiliz, ihuan huelica to techpohuaya inon tlachihual. Quema nocnitzitzihua, to yolo techtelhuiz ipan nin tlapoal, tlat-

zontequiliz nozo cuenta ticmomaquil-
 lizque in Dios ihquac timomiquiliz-
 que. ¿Ihuan quenin techtelhuitiaz?
 Yolic, nezencahualiztica, ihuan yec-
 tiliztica. Yolic quihtoznequi: amo zan
 totoca, amo zan tlaihlihuiz quenami
 miecpa nican mochihua ihquac azo a-
 ca tictelhuia: ze tlahtoa nin, ocze
 tlahtoa tlen ye quinequi: miecpa noch-
 tin tlahtoa ihuan amo aquin tlacaqui.
 ¿Tlen hueliz quichihua ze Tequihua
 nozo Juez campa zan tzatziticate i-
 huan amo tlen mocaquia? Ihquac ti-
 momiquilizque amo ihcon mochihuaz,
 ca yolic timotelhuitiazque ixpantzinco
 in Dios zan quenami Yehuatzin no o-
 quimotilitzino, ihuan oquimocauititzi-
 no, nochi in tlen otiquihtohque, otic-
 chihque nozo tiquelehuique: amo aquin
 topan tlahtoz inic techpalehuiz; amo
 aquin techmemeltiz tlen amo oticchih-
 que: ahuel tictlatizque tlen oticchihque.
 To ixtlamachiliz, to quilnamiquiliz, to
 tetlazotlaliz, nochtin tech telhuizque,
 yolic, ihuan zezeahcan: to ixtlamachi-
 liz quihtoz: ixquich oninentlamati oni-
 yolehuazquia no tlanequiliz inic mo-

yoltemacazquia ipan tlahtlacoli: ix-
 quich oniemolhuili inic amo momoh-
 tizquia ica in tlahtlacol: oniquilhui, non
 amo tlahtlacol: ihuan manel tlahtlacol,
 amo ximahui, amo xipinahua, unca
 timoyolhuitiz ipan tlayohuilizcahuatl
 (cuaresma) nozo ihquac aziz moniqui-
 liztempan: miec, miec quichihua non
 tlahtlacol, ihuan paqui huel miec: ih-
 con, ihuan ocachi yolic tech telhuiz
 to ixtlamachiliz ipan nochi in ixquich
 in quexquich otlapalehui ipan tlahtla-
 col: zanoihsqui techtelhuiz to quilnami-
 quiliz yolic ipan tlen yehuatl otlapale-
 hui. Quihtoz to quilnamiquiliz: ne-
 huatl miecpa ni quilnamiquitinemiaya
 in tlahtlacol inic oczepa mochihuaz-
 quia, quenami miecpa omochihca; ne-
 hual ipan qualitlachihual quenami ne-
 tlahtlauhtiliz, Misa, rosario ihuan oc-
 zequin quenami ninque, niman niquil-
 namiquiaya tlen amoquali inic nochi
 in qualitlachihual ixtlacahuizquia: ac
 tlen ocachi techtelhuiz, to tlanequiliz:
 quema nocnitztizihua, to tlanequiliz oc-
 cachi techtelhuiz; ipampa itech ye o-
 motlamiti in tlahtlacol; tla yehuatl a-

mo moyoltemacazquia ipan tlahtlacol,
manel zenca buelhuei yezquia in tene-
yehcoltiliztli, atle tlahtlacol oyezquia.
In tlahuelilo, in to huampohuan, ihuan
to nacayo hueliz techyolehuazque huel
miec inic titlahtlacoque; ac ahuel te-
chtequihuiltizque to flanequiliz: non
quema amo nocnitzitzihua: aquin tlah-
tlacoa, tlahtlacoa ipampa quinequi:
auh ipampa on oczepa ni quihtoa, to
flanequiliz huel ocachi techtelhuiz ipan
nin tlapoal, nin tetlatzontequiliz, nin
cuenta ticmomaquilizque in Dios to
miquiliztempan. To ixtololohua mo-
telhuizque ipan nochi tlen amoqua-
li oquitahque; to nacazhua, ipan no-
chi tlen amoquali oquicaquihque, to
camac ipan nochi tlen amoquali o-
quihto; to mahua, ipan nochi tlen
amoquali oquimatocahque, auh nochtin
quin memeltizque in tlahtlacol in to
flanequiliz, nochtin quihtozque ihquac
motelhuizque: quema Noteotzine oti
tlapalehuihque ipan tlahtlacol: amo
tiquihtoa amo oticchihihque: ac nin tla-
nequiliz quipia nochi in tlahtlacol; tla
yehuatl otechtohtocazquia, manel te-

huan otiqualanizquia; tla yehuatl amo moyoltemacazquia ipan tlen tehuan otiyolehque; axca yehuatl, ihuan tehuan tiezquia zenquali mo ixpantzinco: no ihqui quihtoz tlahuelilo, ihuan to nacayo: manel otiyolehque inic tlahtlacozquia, tla yehuatl amo moyoltemacazquia ipan tlahtlacol, tehuan ahuel otitequihuiltizquia: nochtin, nochtin quimemeltizque in tlahtlacol to tlanequiliz. Tectelhuiz noihuan in tlahuelilo ipan nochi in ixquich in quexquich tenehyeyecoltiliztli otechyolec, ihuan otimoyoltemacahque. Non Angel techmocuitlahuia, techtelhuiz ipan nochi inixquich, inquexquich oquimochihuiltizino inic amo tihuetzizquia ipan tlahtlacol: miecpa ica ze ichtacatlahtoltzin otechmolhuili amo xicchi-hua non tlahtlacol; timopolo, hueliz timiquiz ihuan amo ti caziz in neyolhuiltiliztli; ihuan tehuan amo otimocacquitictzinohque i palehuillocatzin.

Tla nin tlapoal nozo cuenta tlen ticmomaquilizque in Dios tomiquiliztempan, yez yolic, quenami ye otimotilihque; noihuan yez chipahualiztica:

non quihtoznequi: amo motlapachoz
 ica ixtlacayotl quenami nican miecpa
 mochihua: amo nocnitztizihua: nin
 cuenta mochihuaz ixpantzinco in Dios
 aquin amo aquin hueliz quimocahca-
 yahuiliz, ipampa huelzenca itectzinco
 quimopielitzino in melahualiztli; a-
 huel Ychuatzin techmocabayahuiliz,
 ipampa huel zencaquali; ica non noc-
 nitztizihua nin cuenta, nin tlapoal quí-
 zaz huelzenca chipahualiztica, ihuan
 huelzenca nezencahualiztica: non quiht-
 toznequi, atle mocaluaz manel zenca
 ichtaca yezquia in tlahtlacol, manel o-
 tiquilcahque ihquac otimoyolhuitihque,
 manel zenca tepitzin yez quenami
 ze tlahtol zanenca otiquihtohque. ¿Auh
 tlen ocachi techmochtiz ipan non tla-
 poal nozo cuenta? In ichtaca tlahtlacol;
 non tlahtlacol tlen oticchihque ipampa
 amo oticmatihque tlen oticchihque,
 ihuan totechpohuiaya oticmatizquia,
 auh ica totlatzihuiliz amo oticmatih-
 que: nochi nin ichtaca tlahtlacol ompa
 ticmotilizque: noihuan non tlahtlacol
 tlen oczequintin oquichihque topampa-
 tica. Tetanme ompa anquimotilizque

quexquich tlahtlacol oquichihque an
 mopilluantzitzihuan, ipampa mehuan
 amo anquimomaquilihque ze quali ne-
 miliz, ze quali nomachtiliz, amoquali
 anquizcaltihque; amo anquitlatzacuil-
 tihque ihquac motlapololtiaya: antla-
 huanaya ixpan, antlahuibuicaltiya: an-
 momimictinemiaya ixpan, ihuan ocze-
 quintlahtlacol tlen mehuantzitzin an-
 quimomachitia oanquichihque ixpan
 anmopilluantzitzihua, tlen ica yehuan,
 ihuan ocachi in amehuan motlapololti-
 que. Ompa quitazque in Tequihuahca-
 hua, ixquich tlahtlacol oquichihque in
 altepenme ipampa amo oquimocuitla-
 huihque quenami Dios tlanahuatia, i-
 huan ocachi tla yehuantzitzin oquiye-
 canque ipan amoqualitlachihual quena-
 mi miecpa mochibua. Ompa quitazque
 quenami miecpa oquintlapopolhuique
 aquin itechpohuiaya quintlatzacuiltiz-
 quia; ihuan miecpa oquintlatzacuilti-
 que aquin amo tlen tehuiguliaya. Noc-
 nitzitzihua nican miecpa, miecpa i-
 huan achica nochí motlapachoa; om-
 pa nochí neziz yolic, chipahualiztica,
 ihuan nezencahualiztica; nozo azitica.

Nicnequi ni tlamiz ica non tlapoal nozo cuenta tlen Dios techmotlahtlaniliz itechcopa nochi tlen otechmomaquili inic ticmotlazotilizquia, ticmoyectequipanilizquia: ¿Tlen oticchi ica non ixtlamachiliz onimitzmaca tlen ica tinechmoixmatizquia, ihuan otimoixmatizquia tehuatl? ¿Campa câ non quilnamiquiliz onimitzmaca tlen ica zemicac tinechquilnamiquizquia, ihuan nochi in ixquich in quexquich gracias onimitzchihuili? ¿Aquin oticmaca non tetlazotlaliztli tlen ica oniyectlali mo anima inic zan Nehuatzin otinechmotlazotilizquia? ¿Tlen oquitaque mo ixtololohua tlen onimitzmaca zan ica timotilizquia tlen quali, ihuan tehuatl ixquich amoquali otiquitac ihuan otiquelehui? Xinechmomaquili cuenta tlen oticchi ica monacazhua, mo camac, mo mahua, mo ixihua: ¿Quenin otinechmoyectequipanilhuili ica nochi mo nacayo? Nochi oticpolo. ¿Tlen ticmonanquililizque nocnitztizihua quac ihcon techmihtlaniliz in cuenta? Timotempiquizque, timotentzacuazque, ticmonanquililizque, a-

tle hueliz tiquihtozque. Noihuan techmihtlaniliz cuenta itechcacopa ixquich gracias oquimochihuili in to animatzin. ;Tlen oticchihque ica ixquich teotlahtol otimocaquititzinohque; miecpa otimoyolhuitihque, otitlazelihque, ihuan oczequin gracias otechmochihuiltzino inic timomaquixtitziquia? Nocrnitztizihua: axca hueliz ticmomaquilizque cuenta in Yehuatzin ica ze quali neyolhuutiliztli, ihuan tech tlapopolhuiz manel zenca huelhuei yezqui, zatepan ihquac ze ye omomiquili, amo tlen motlapopolhuiz; zan quenami techaziz in miquiliz, ihcon zemicac timocahuazque: tla ze quali oquiz, zemicac yez itech ilhuicac, manel mopanoliz zequi tonal Tlechipahualoyan Purgatorio, ihuan tla amozquali oquiz zemicac yez mihtlan: macamo Dios quimonequiltiz ihqui mochihuaz; ca timolahtlautilizque huelmiec: ma nican ticmomaquilica in tlapoal nozo cuenta, ihuan ma techmomaquili in tequaltiayatzin gracia ipan timomiquilizque, inic zemicac tiezqui ica Yehuatzin ompa ilhuicac.

LECCION NOVENA

PARA LA MAÑANA DEL DIA QUINTO.

Sobre el juicio universal.

Quenami buelica ticmomaquilizque cuenta in Totecuyu Dios zezeahcan zezen tebuantin ihquac ticmomiquilizque; zanoi hqui monequi ticmomaquilizque oczepa inixpan nochi in zentel zemanahuac tlalticpac, inic Dios qui teixpantilitzinoz quenami Yehuatzin nochi quali oquimochihuili: oquintlatzacuiti in tlahtlacoanime itech mihtlan, ihuan oquimomaquili Ilhuicac in quahqualtinme. Quenami axca nochi ca ichtaca: auh ipampa on amo momati tleica miecpa tiquinmita in tlahtlacoanime mopahpaquiltia, quimpia tomin, quipia chicalhualiztli, ihuan mopanolticate quali; auh in quahqualtinme mochoquilihticatinemi, mococoa, miecpa quinploa tlen tlacuzque, tlen moquentizque, tlen ica mopahtizque ihuan oczequin tecohcocayotl quenami nin quihyohuihticate: za noihqui miec-

pa tiquinmita miec tocnihua nezi amoquali, ihuan ixpantzinco Dios metz-
 ticate quali; ihuan oczequin neziaya quahqualtinme, ihuan ixpantzinco Dios
 cate amoquali: za noihqui miecpa ti-
 quita aquin itechpohui nin, nozo non
 ocze tequitl, qui quixtilia, ihuan mo-
 maca ze xolopihqui tlacatl; auh ihqui
 ti quixticate miec tlamanlti quenami
 nin mochihua itech nin tlalticpac, i-
 huan amo ticazicamati quenin mochi-
 hua; auh ica non monequi yez ze to-
 nal huei itech timonechicozque ihuan
 mo tlapoz quali to yolohua, auh timo-
 zepan quitazque nochi to tlachihual,
 ma in tlen quali, ma in tlen amoquali,
 ma in tlen ichtaca, ~~ma~~ in tlen teixpan
 oticchihque, ma in tlen tozel, ma in
 tlen ica oczequin oticchihque; nin to-
 nal itoca tetlatzontequililizilhuitl, nozo
dia del Juicio. Ica Dios igraciatzin
 ti quitazque yei tlamanlti itechcacopa
 nin huel tonal: tlen mochihuaz achto,
 ze; tlen ipan non tonal, ome; ihuan
 tlen mochihuaz zatepan, yei. Que-
 mania hualmoicatzinoz Totemaquixti-
 catzin Jesucristo, nozo quemania aziz

nin huei tetlatzontequililizilhuitl amo
 aquin quimomachitia, za izel Totecu-
 yu Dios quimomachititzinoa; tehuan
 za ixquich in tlen mochihuaz achto
 hueliz ticmatizque quenami techmona-
 huatilihuehua Totemaquizticatzin Je-
 sucristo ipan Santo Evangelio. Ye-
 huatzin techmomachtililia; ihquac tlat-
 tiepac amo quilnamiquiz, ihquac oca-
 chi quilcahuaz, ihquac ocachi tlahtla-
 cozque in tlahtlacoanime, ihquac oca-
 chi zezeyaz inteotetlazotlaliztli, qua-
 quinon hualmoihcatzinoz. Zanoihqui
 techmomachtililia ipan Santo Evan-
 gelio, in huei mahuiliztli tlen quiyeca-
 naz nin tetlatzontequililizilhuitl: miec
 cocoliztli, amo quenami zequi ye oti-
 panohque; câ nin yez zenca huei: miec
 apiztli, noihqui zencahuei: miec mic-
 tiliztli nozo *guerras*; momictizque in
 altepeme, ze ica ocze: ze tlahtoca-
 yotl, ica ocze tlahtocayotl: quiahuiz
 tletl: in metztle moquentiz quenami
 ica yeztle; tlatoliniz miec, qui tla-
 poz miec i camac in tlale inic qui-
 nequiz qui toloz in tlahtlacoanime:

neziz itech tlalticpac ze huelzenca x-
 lopihqui tlacatl itoca Anticristo; ipan-
 pa quinequiz quicahcayahuaz nocu-
 ihuan qui neltocazque yehuatl cá in Je-
 sucristo; auh coliniz nochí tlalticpac,
 ihuan miec, miec quitepoztozque
 ihuan quin tlapololtiz, ihuan quin cal-
 cayahuaz: tlapoz in ohtle matiquilitoca
 ihcon, inic tlahtlacozque quenin qui-
 nequizque: macamo quineltocaca in
 Evangelio: amo melahuac tlen quih-
 toa; huel zenca yetec i tlanahuatiltzit-
 zihua: macamo quineltocaca unca
 mihtlan, unca Ilhuicac; nochí non ix-
 tlacayotl, ihuan oczequi amoquali
 tlahtol quenami nin quih-toz nin xolo-
 pihqui tlacatl itoca Anticristo, tlen ica
 quitlapololtiz in tlalticpac; ihuan que-
 nami ipan nochí non, quih-toz, ma no-
 chtin tlahtlacoca zan quen quinequiz-
 que; icanon miec, miec quitepoztozque,
 ihuan motlapololtizque, quenami
 ye pehua motlapololtia: acmo cate tla-
 neltocanime quenami ocatca ihquac
 omopehualtitzino Santa Iglesia; zenca
 quahqualtinme; zan ze i yolo, zan ze
 itlanequiliz: nochtin mozepantlazo-

tlaya, mozepan yecquitaya, mozepan
 palehuiaya: axca acmo mota non:
 axca tlen mota, miec mozepan coco-
 lia, mozepan telchihua, mozepan hui-
 huicaltia: tla itla quali quiachihua, ni-
 man qui neloá ica tlen amoquali; que-
 nami mochihua ica ze ilhuitl, ica ze
 nenamictiliztli, ica ze piltzintli ihquac
 momiquilia, niman, niman mochihua
 mitotiliz, nozo *fandango*, niman in tla-
 huanaliz, ihuan oczequi tlahtlacol que-
 nami nin, ipampa ye pehua itlachihual
 nin xolopihqui tlatatl itoca Anticristo;
 tla ihcon quichihua axca quac ayamo
 moteixpantia ;tlen quichihuaz ihquac
 mo teixpantiz, ihquac quinextiz ixa-
 yac? ¡Santa Iglesia: amo aquin miz-
 tepoztocaz, nochi nozo miec, miec
 mitzcacahuazque quenami ye quichi-
 ticate! ¡No Temaquixticatzin Jesu-
 cristo, miec, miec aquin Tehuatzin
 otimocoili ica mo tlazozenquizca ye-
 zotzi, aquin otiquizcaltl ica mo tla-
 zozenquizca Sacramentos ihuan mo-
 mahuíz tlahtoltzi, mitzquilcahuazque,
 mitzcuepilizque i xayac, ihuan quin

minhcahuizque, quin tepoztocazque
nin huel xolopihqui tlacatl Anticristo!
Nocnitzitzihua xicmotilica tlen anqui-
chihua, amo quichihua itech to tonal
neziz nin amo quali tlacatl Anticris-
to, ihuan ocachi anmotlapololtizque;
ipampa tla axca amo anquipia chica-
hualiz inic anquitelchihuazque i amo-
quali tlachihual, ¿tlen chicahualiz an-
quipiazque in tla neziz moztla no-
zo huiptla? Ipampa on xiquilnami-
quica quali tlen axca anquimocaquitit-
zinoa, inic hueliz ica Dios i graciatzin
anmopalehuizque, ihuan ihquac ye oa-
zic in tonal hualmoicatzinoz to Tema-
quixticatzin Jesucristo amechaziz ma-
huiztihque quenami Yehuatzin quimo-
nequiltia. Maticmotilica tlen mochi-
huaz ihquac ye oazic in tonal hualmoi-
catzinoz Totemaquixticatzin Jesucris-
to. Achtotipa nochtin timozcalizque
ica Dios i huelitzi, manel ye opa-
lan to tlalnacayo ompa campá tocticat-
ca ihuan mozciliz to tlalnacayo huel
ye tlen nican otipixque, ihuan mozetiliz
ica to yolia, ma yez itech mihtlan, ma
itech Limbo campá cate non pipilt-

zitzintin amo moquatequihque, ma itech
 Tlechipahualoyan Purgatorio, ma itech
 Ilhuicac; nochtin, nochtin timozcaliz-
 que inic timoixpantilizque in Yehuat-
 zin, ihuan quimochihuiliz in tlapoal
 nozo in juicio ixpan nochí zentel ze-
 manahuac tlalticpac. Nezi ni quita ye
 hualmoicatzinoa Totemaquixticatzin
 Jesucristo itech ze mahuiztic tezahui-
 cac mixtle ica i mahuiz Nantzin María
 Santísima, in Angelozme, ihuan ocze-
 quintin ilhuicacchanehque, ihuan in
 quahqualtinme quinamiquiti ipan ohtle
 ica miec paquiliztli, ihuan ihquac ye
 omonechicohque nochtin, moyeyantiz
 Yehuatzin tlatlahco, inic mopehual-
 titzinoz nin huei tlapoal nozo juicio,
 auh quinmoxexelhuiliz, inic in qualtin
 moyeyantizque i yecmatzin in Yehua-
 tzin, auh in amoqualtin i pochma-
 tzin: quaquinon motlapoz in amatl
 campa tlahcuilotiez i tlachihual i ax-
 ca zezén tehuantín, auh ica non no-
 chtin timozepan matizque tlen otic-
 chihque, ma in tlen quali, ma in tlen a-
 moquali: quenami axca ica nin ixtolo-
 lohua tiepia itech to xayac timozepan

quita, zanoihqui nezi niquita itech non
 huei tonal techmomaquiliz Yehuatzin
 zequi ixtololohua itech to anima tlen
 ica tiquitazque nochi tlen oquichihque
 in oczequintin manel huel zenca ichta-
 ca yez, aub ica non in quahqualtinme
 mopahpaquiltizque: ipampa tlalticpac
 quimatiz quenami quali oquinmoyec-
 tequipanilhuihque in Dios, manel ni-
 can oquin huehuetzquilihque in amo-
 qualtin, ihuan quihtozque nin tlah-
 toltzi: tehuan ica to tontohyo tiquih-
 toaya amoquali yoliliz quiapiaya, i-
 pampa amo mcpahpaquiltiaya que-
 nami in tehuan: xi quitaca axca que-
 nami cate itech i pilhuantzitzihuan
 in Dios, ihuan itech Santos mopoa.
 In amoqualtin mopinahtizque ica nin
 tlapoal nozo juicio; ipampa nochi
 tlalticpac quimatiz nochi tlen amoqua-
 li oquichihque: ompa quimatizque in
 tetanme tlen quichihuaya in pillhuan, i-
 huan intepilhuan quimatizque tlen qui-
 chihuaya in itahuan: tlacame quimatiz-
 que tlen quichihuaya in zihuame, In zi-
 huanie quimatizque tlen quichihuaya in
 oquichme: tequihuaahcaua quimatizque

tlen quichihuaya in altepenme, ihuan altepenme quimatizque tlen quichihuaya in tequihuabcahua: ze tlah-tol; zezeahcan zezen tehuantin ticmatizque tlen oczequin oquichihque, ihuan oczequintin quimatizque tlen zezen tehuantin oticchihque, manel huelzenca ichtaca oyezquiaya nican, ma in tlen oticchihque, ma in tlen zan otiquelehuihque. Tla axca quac ome yei quimati tlen amoquali oticchihque huelzenca tipinahua tla ticpia tepitzin mahuizotl, quexquich pinahualiz quipiazque in amoqualtin quac amo ome yei quimatizque i xolopihcayol, ca nochtin, nochtin quimatizque tlen oquichihque, campa oquichihque, ihuan aquin inahuac oquihchihque? Ihuan quaquinon ahuel quitlatizque quenami axca quitlatia, ihuan quemania quimotlapictenehuilia i tocatzin in Dios ica ixtlacayotl inic ocachi quitlatizque i xolopihcayotl, nozo quitlaxtlahuilia in testigos inic quitlatizque, quenami miecpa mochihua axca itech nin tlalticpac; quaquinon amo aquin hueliz quitlatiz, ipampa Dios amo aquin hue-

liz quimocancayahuiliz. ¿Tlen pina-
 hualiz quipiaz ze neziaya nican tlat-
 tiepac ocatca ze quali tlatcatl, auh om-
 pa neziti ze xolopihqui? Ipampa manel
 teixpan quichihuaya tlen quali, ichtaca
 quichihtinemiaya miec amoquali; ica-
 non neziaya ze Santo, ihuan ocatca ze
 ichtaca tlhuelilo; ihuan maquinequi-
 can, macamoquinequican in amo qual-
 tin, huelica quinpiazque miec pinahua-
 liz; ihuan tla axca yehuan quinploa
 nin pinahualiz inic tlahtlacoque;
 Dios quincuepiliz miec itech non ton-
 nal, inic ocachi mopinahtizque: axca
 amo quinequi quineltozque: axca
 quipia inacazhua, ihuan amo tlacaqui,
 quipia ixtololohua, ihuan amo tlachia,
 itech non tonal, nochi quitazque, ihuan
 nochi quicaquizque. ¿Tlen quihtoz-
 que ihquac Dios quinmonochiliz in
 quahqualtinme ihquin: xihualaca nican
 no pilhuantzitzihua; oniapizmiqui, i-
 huan onechtlacualtihtique; oniciamiqui,
 ihuan onechatlitihtique; onimococoa-
 ya, ihuan onechpahtique; onicatca tel-
 piloyan, ihuan onechtlahpalohque? auh
 in quahqualtinme quihtozque ¿que-

mania Noteotziné otimitzmotili que a-
 pizmictoc, amictoc, cocoxqui, ihuan i-
 tech telpiloyan? Ihuan Yehuatzin quin-
 monánquililiz: quexquipa nochi non o-
 anquichihque ica anmohuanpohua, zan
 quenami anquichihuazquia ica Nehua-
 tzin; ihcon namechtlazocamatilia, i-
 huan namechtlaxtlahuiliz ica zemiacac
 Ilhuicac: zatepan mocueptzinoz ixpan
 in amoqualtin ica ze huei teoyotica-
 tlhuel ihuan quin cahûaz ihquin: xia-
 ca *malditos* ompa mihtlan tlen onicchi-
 inic nictlatzacuiltiz in tlhuelilo, ihuan
 nochi i icnime: oni apizmiqui, ihuan a-
 mo nechtlacualtihque; oniciamiqui, i-
 huan amo nechatlitihque; onimoco-
 co, ihuan amo nechpahtihque; oni mo-
 ta itech telpiloyan, ihuan amo nech-
 tlahpalohque: zanihqui quihtozque i-
 ninque, ¿quemanía Noteotziné otimi-
 tzmotili que apizmictoc, amictoc, co-
 coxqui, nozo itech telpiloyan? Quex-
 quipa mehuan ipampa an mo tlatzihui-
 liz, ipampa an mo tlahtlacol, amo an-
 quichihque non ica nanmohuampo-
 huan, zan quenami amo anquichihuaz-
 quia ica Nehuatzin, auh ica non hue-

lica anyazque mihtlan, ipampa one-
 chpolohque no mahuizotzi ica nin, i-
 huan oczequin an mo tlahtlaccol: xiaca,
 xiaca mihtlan *malditos* ¿tlen quihtoz-
 que in tlahtlacoanime quaquinon? ¿Qui
 motzatzililizque in Santohme inic quin
 palehuizque? Acmo hueliti, acmo a-
 quin quincagua. ¿Quinmonochiliz-
 que in María Santísima? Acmo cahuitl,
 acmo tonal, acmo *hora*: ihquac Yeh-
 uatzin quin motzatzililiaya, yehuan
 amo oquinehque; axca yehuan qui-
 nequi, ihuan María Santísima amo
 quimonequiltia. ¿Quinmo tlahtlauh-
 tilizque in Totemaquixticatzin Jesu-
 cristo ma ipampa i tlazozenquizca ye-
 zotzi quin tlapopolhuiz? Acmo quin-
 mixmachilia. ¿Ihuan quenin quipiaz-
 que i xayac inic quimotlahtlauhtiliz-
 que ipampa i mahuiz yezotzi, ihquac
 yehuan otlahzahque ipan i tlazozen-
 quizca yezotzi, oquitelchihque, oqui
 huehuetzquilihque, ihquac Yehuatzin
 quinmomaquiliaya ica i omextin i
 matzitzihua inic momaquixtizquiaya,
 ihuan amo oquinnehque? Ica non
 nocnitztizihua amo quipia in amo-

qualtin campa cuepazque i ixtololohua;
 nochi tlaltiepac, nochi Ilhuicac tza-
 ticac; za izel in mihtlan tlapohtica
 inic yazque ompa. Nezi ni quita
 ye tlamia in tlapoal nozo juicio; ye
 Dios oquinhuihuicalti in tlahtlacoa-
 nime; ye quinnahuatia in tlahueliloh-
 que maquincucaca ompa mihtlan, i-
 huan quimitalhuitzinoz: xiacan, mal-
 ditos, xiacan, malditos, acamoque-
 man nechmotilizque, zemicac an tla-
 tzacuiltiezque itech tletl. Ye pehua
 tlahuelilohque, ze quiquizquia nican,
 ocze quiquizquia nepa; ze quihui-
 lana nican, ocze quihuilana nepa; ni-
 can cantiquiza ze, nepa cantiquiza
 ocze: nochi mo zepan huihuicaltia,
 tlacame, zihuame, tlahuelilohque: te-
 mohti nocnitzitzihua nochi tlen pa-
 noz itech non huei tonal tlatzonte-
 quililizilhuitl, ihuan ne ahuel niquih-
 toz. Ye mocueptzinoa Totemaquix-
 ticatzin Jesucristo ompa Ilhuicac ica
 in Maria Santísima. Angelozme, i-
 huan in oczequin Ilhuicacchaneque
 inic zemicac mopahpaquiltiezque om-
 pa; quenami zenucac quihyohuizque

in mihtlanchane ompa mihtlan in tecoco tetolini, ihuan zatepan ihquac ye otlan inin tlapoal, nozo juicio, ¿tlen mochiuaz? Za izel mocahuaz in zemiacac mihtlan, ihuan zemiacac Ilhuicac, aui ica non tlamiz in Tlechipahualeyan Purgatorio. Yehuatzin quimitalhuitzinoa ipan tlateochihual amatl itoca Santa Escritura: quimochihuiliz ze yancuic Ilhuicac, ze yancuic tlaticpac, ihuan non axcate polihuizque, ihuan in huei atl itoca Mar acmo neziz; quenin mochiuaz nin, Yehuatzin quimomachitia; tehuan totechpohui ticneltocazque, ihuan ti motempiquizque. Yenanqui motilihque nocnitzitzihua quenami Dios onechpalehui, tlen quimoyecaniliz nin huei tonal; miec tecohcocayotl, apiztli, cocoliztli, mictiliztli, ixtlacayotl, ihuan oczequin tlen onamechilhui; zanoihqui in tlen mochiuaz ipan non tonal, in huei tlapoal nozo juicio; ica miec paquiliz in qualtin, ihuan ica miec pinahualiz in amo qualtin; ihuan ihquac tlamiz mocahuaz in zemiacac mihtlan, ihuan in zemiacac Ilhui-

cac, campa ma Dios quimonequilti timotazque.

LECCION DECIMA

PARA LA TARDE DEL DIA QUINTO.

Sobre el Infierno.

Ma tiaca axca mihtlan ica to ixtlamachiliz, ipampa axca hueliz tiquizazque, inic amo tiazque zatepan quac acmo hueliti quizazque quenami quimitalhuitzino in Dios Espiritu Santo. ¿Quenami hueliz tiazque axca ompa mihtlan ica to ixtlamachiliz? Inon nic-nequi namechixpantiliz quenami Dios nechpalehuiz. Tiazque axca ompa mihtlan ica to ixtlamachiliz quihtoznequi, ticazicamatizque momoztla, ihuan achica tlen tecoco, tetolini quipanol-ticate in mihtlanchane ompa, auh ica non ticmahuilizque, ihuan tinentlamatizque miec inic amo tiazque ompa ihquac ye otimomiquilibque; quaquinon amo aquin hueliz quizaz. Ma ticmotilica tlen quiyohuiz ze

mihtlanchane: quipoloe nochi tlen itechpohui i anima, ihuan nochi tlen itechpohui inacayo, ihuan quimachilizque zemicac in tecoco tetolini: maticmotilica zezeahcan nin yei tlamanthi. Quipoloe nochi tlen itechpohui i anima: ipampa quipoloe in Dios: aicqueman quimotilizque; inon itoca *pena de daño*; ihuan inin ocachi quin cocoa. Zezen mihtlanchane quihyohuizquia nochi tlen quihyohuia in oczequi icnime, in tla quimotilizquia in Dios; ac amo hueliti, manel quichihuazque tlen quichihuazque: quelehuizque, ihuan mocahuazque ica i quelehuiliz: motequipachozque huelmiec, ihuan zemicac mocahuazque ica i tequipachol: moqualanaltizque huelmiec ipampa aicqueman quimotilizque in Totecuyu Dios, ihuan zemicac mocahuazque ica i tlhuel. Quipoloe in gracia; ipampa acmo uuca Sacramentos tlen ica yehuan cazizquia inin gracia oquipolohque ihquac Dios oquinmomaquiliaya nican: ahuel moyolcocoque, tlen ica hueliz cazizquia in gracia: ahuel itla tlama-

zehualiz quichihuazque tlen ica huela-
 liz moyolzehuizquia Totecuyu Dios:
 atle Santo hueliz ipampa tlahtoz ma-
 nel calaquiz itech Yehuantzitzin in to
 tlazoenquizecanantzin María Santísi-
 ma. Noihuan itechpohui i anima, i-
 non yei huelitiliztli itoca *potencias*; in
 quilnamiquiliz, in ixtlamachiliz, ihuan
 in tetlazotlaliz; nochi nin hueliz ti-
 quihtozque quipoloo; ipampa acmo
 hueliz mozepan palehuilizque inic ca-
 zizque in gracia; ca tequipanozque i-
 nic ocachi, ihuan ocachi quimachiliz
 i anima quen oquipolohque in Dios
 aquin aic, aicqueman qui motilizque:
 auh ica non i quilnamiquiliz in mih-
 tlanchane zemicac quilnamictiez quex-
 quich quali tlachihual oquicahca i-
 ca i tlatzihuiliz, tlen ica tla oquichi-
 huani, axcan quinmotilizquia in Tote-
 cuyu Dios: zanoihqui zemicac quilna-
 miquiz quexquich teotlahtol oquicah,
 in tla oquinpieliani, amo yezquia
 itech mihtlan ihuan axcan quimoti-
 lizqujaya in Totecuyu Dios: za noih-
 qui quilnamiquizque quexquich ichta-
 eatlahtoltzi itoca *auxilios*, Yehuatzin

oquinmomaquili nican, ihuan ye oquitzacuili inic amo moyolcuepazquia, ihuan tla omopalehuiani ica yehuantzitzin, axcan quinmotilizquia in Dios. Quilnamictiez zemicac, quenami aquin yehutl oquihuehuetzquili nican, axca quinmotilihticate in Dios, ihuan inin mexicoliz zemicac quicuatiez i yolo; ipampa yehuatl aicqueman quinmotiliz in Yehuatzin. Miec quenami nin, zemicac quilnamictiez inic ocachi quimatiz tlen quihtoznequi non mihltan campa catqui. In tla i quilnamiquiliz quimachiliz nin tecoco, tetolini; ocachi quimachiliz in ixtlamachiliz; ipampa cazicamatiz aquin nin Zenhuelitini Dios, zenca quali, zenca mahuiztic, zenca tetlazotlani oquipolo; ihuan tlen ipampa oquipolo; ipampa ze paquiliztli o cuicac in ehecatli: cazicamatiz quenami Tote maquixticatzin Jesucristo in quich oquimochihuili ipampa yehuatl, ihuan nochi oquipolo: cazicamatiz tlen quihtoznequi gracia: quenami ica nin gracia mozetilia in tlatlapactlacatl ica Totecuyu Dios, ihuan Totecuyu Dios

mozetilia ica in tlalticpactlacatl; quenami mozetilia in tletl ica in tepoztli ihquac ye xotlatica: cazicamatizque quenami ica nin gracia mochantia itech to animatzin in Teoyeutiliztli in Santísima Trinidad: Dios Tetatzin quimomaquilia chicahualiz inic amo oczepa tlahtlaco; Dios Ipiltzin qui tlahuia miec inic quali quimotiliztlen quichihuaz, ihuan amo motlapololtiz: Dios Espíritu Santo quimomaquilia ze quali i tlanequiliz, inic quelehuiz in tlen huelneli quali: noquimomaquilia ze quali iyolo, tlen ica quimotlazotiliz in Totecuyu Dios ipan nochi inixquich inquexquich tlachihuali: ze tlahtol: techmomaquilia chicome teomahuizotl tictocayotia dones i axcatzi Dios Espíritu Santo, ihuan mahtlatlamome teopaquiliztli tictocayotia frutos noihqui i axcatzi Yehuatzin. Nochi nin ihuan ocachi cazicamatiz in mihtlanchane quenami oquipolo ipampa i tlahtlacol; auh ica non momiquizelehuiz ica tlahuel; ac amo hueliti miquiz manel zemicac quinequiz: ipampa ompa mih-

tlan, nocnitzitzihua, zemicac, miquiz-
 que in mihtlanchane ica ixquich teco-
 co tetolini unca ompa, ihuan zemicac
 yolizque, inic quimachilizque: ipampa
 intla tlamizquia inon tecoco tetolini,
 acmo yezquia mihtlan. Nin zemicac,
 nin zemicac quitzopinihtica i ixtlama-
 chiliz in mihtlanchane. Noihqui ca-
 zicamatiz tlen quihtoznequi temihtia-
 nitlahtlacol, tlen nican quitoloaya que-
 nami atl; ipampa amo onentlamati ni-
 can quenin oquicazicamatizquia; ac
 ompa quitaz quenami ica ye, polihui
 in gracia; quenami ica ye, miqui i
 yolia, ihuan nochi inixquich inquexqui-
 ch quali tlachihual oquimochihuiliaya:
 quenami ica ye oquipolo in Ilhui-
 cac: zanoihqui cazicamatiz quena-
 mi zan ica tepitzin quali tlachihual,
 in tla oquinchihuani, axcan quinmoti-
 lizquia i mahuiz ixayactzi in Totecuyu
 Dios: zan ica tepitzin oquin tlapanaz-
 quia i tlanequiliz ihquac ocatca ni-
 can, amo quitlapanazquia axca zemi-
 cac itech mihtlan quenami quitlapanti-
 ca; auh ipampa on zemicac motzatzi-
 lihtica: onihueli, ihuan amo onicnec;

nicnequi, ihuan amo nihueliti: noihuan
 cazicamatiz quenami ica tepitzin huel-
 neli tlamazehualiz in tla oquichihua-
 ni nican, ome, yei tonal matiquih-
 toca ihcon, amo quichihuazquia ax-
 can zemicac itech mihtlan: cazica-
 matiz quenami Dios amo quimotilia
 inic tetlatzacuiltiz, cuix huei, nozo te-
 pitzin aquin oquichi in tlahtlacol: cuix
 tlatequihua, nozo tlaquehual; cuix tla-
 nahuatiaya, nozo tlacamachitiaya; cuix
 quipiaya miec tomin, nozo icnotlacatl;
 auh ica non quitaz quen amo tlen
 oquipalehui i tomin, i tlanahuatil, i chi-
 cahualiz, ihuan nochi inixquich inquex-
 quich oquipiaya; ca quimotiliz que-
 nin aquin itla qui huiquilia in Dios qui
 tlaxtlahuilia ma yez aquin yez; nochi
 nin, ihuan ocachi cazicamatiz in mih-
 tlanchane tlen ne ahuel niquibtoz, i-
 pampa amo nicmati quexquich Dios
 quitlatzacuiltia zezeahcan zezen mih-
 tlanchane. Noihqui quihyohuiz miec
 tecoco tetolini itech i tetlazotlaliz, i-
 huan tla niquihto ocachi quimachi-
 liz itech nin huelitiliztli, nozo *potencia*

hueliz amo ni ixtlacatiz: ipampa Dios
 oquimochihuili i yolo, i tlanequiliz, i
 tetlazotlaliz, inic nochi quimomaqui-
 liz in Yehuatzini, ihuan ihquac Tote-
 maquixticatzin Jesucristo techmona-
 huatilia ticmotlazotilizque Totecuyu
 Dios ica nochi to yolo, ica nochi to a-
 nima, ihuan ica nochi to ixtlamachiliz,
 nezi itech nin huelitiliztli nozo *potencia*
 oquimonechicoilhuili nochi tlen ticmo-
 yectequipanilhuilizque in Yehuatzin;
 auh ipampa on niquihtoa itech nin hue-
 litiliztli ocachi, ihuan ocachi quihyo-
 huiz in tecoco tetolini in mihtlancha-
 ne; ipampa itech nin huehtiliztli nezi
 monechicoa nochi in tlen ocome quih-
 yohuia; in tlacamo, xinechilica noc-
 nitzitzihua, ihquac tehuan tictlazohtla
 ze to huampo ipampa huel quali, huel
 mahuitic, huel chipahuac, ihuan tech-
 mochiuilia miec quali tlachual cam-
 pa ticmachilia in tequipachol ihquac
 ticpoloa? itech to yolo: ipampa itech to
 yolo monechicoa nochi tequipachol
 quenami itech ichan. In tla tiquilna-
 miqui in tlen quali oticpolohque, to yo-
 lo qui tlaxtlahua, in tla ti cazicamatia

in tlen quali oticpolohque; to yolo to-
 nehua, to yolo quimachilia nochi in
 tequipachol: auh ipampa on niquihtoa
 itech iyolo quihyohuia in mihtlancha-
 ne ocachi in tecoco tetolini. ¿Tlen
 quimachiliz iyolo inin ihquac quilna-
 miquiz tlen oquipolo, ihuan ocachi
 ihquac cazicamatiz quali, aquin nin
 Dios oquipolo, zenca quali, zenca
 mahuiztic, zenca tetlazotlani; ihuan
 huel zenca ocachi, ihquac quitaz acmo
 hueliti quimotlazotiliz manel quine-
 quiz; ca zemicac quitlahuelitaz, qui-
 huihuicaltiz, quitelchihuaz? ¿Ah noc-
 nitzitzihua! nican quiza no ixayotl
 ihquac ni quilnamiqui, huelica qui-
 cocoliz in Dios in mihtlanchane:
 macamo titlahtlacoa oczepa nocnit-
 zitzihua, inic amo tiazque ompa i-
 tech non temohti telpiloyan. ¿Quen
 quihyohuizque quicocolizque, telchi-
 huazque, ihuan huihuicaltizque, aquin
 ixquich tech motlazotilia, ixquich tech
 motemôilia quenami tiezquia itla quali;
 ixquich tech motiochihuilia? Amo
 Noteotziné: amo, ihuan amo No-
 mahuiztatzin Dios; amo Notetlaocoli-

liztatzin: amo, ihuan amo tiazque ompa: nican xitechtequi, nican xitechtlati; nican amo xitechtlapopolhui inic ti techmotlapopolhuiliz ompa, inic amo tiazque mihtlan.

Ye otimotilihque tlen tecoco tetolini qui machilia in mihtlanchane itech i anima, manel amo nochí; ac quenami Dios onechpalehuili anquimotilihque tepitzin: xicmotilica axca ica Dios i palehuilocatzin tlen tecoco tetolini quinmachilizque itech i tlalnacayo ihquac mozcalizque: ipampa axcan ayamo câ itlalnacayo ompa. To tlalnacayo moyecchihua ica macuil machiliztli nozo *sentidos*: to tlachializ, ze, to tlacaquiliz, ome, to quihnecuiliz, yei, to camacpaquiliz, nahui, ihuan to tlamatoquiliz i axca nochí to nacayo macuil: matiemotilica zezeahcan tlen tecoco tetolini quihyohuizque zezen machiliz nozo *sentido*: matimopehualtica ica in tlachializ. ¿Tlen quimotiliz in mihtlanchane? in tlahuelilohque, in tlacatecolome, zenca quinmohtizque, zenca quinmahuilizque; ihuan nochtin in mihtlanchane mozepan mohtizque,

ihuan mozepan mahuizque, inic atle
yolzehuiliz quipiazque: ihuan tla axca
ihquac tiquita ze ipzitlayo nozo imágen
i axca ze tlhuelilo, nozo mihtlancha-
ne, timomohtia, ticmahuilia, za izel i-
pampa ica tlalalilia tletl, qui-
tlaquentia ica yolcame quenami coatl,
colotl, topitzi, nozo oczequin quenami
nin. ¿Tlen mahuiliz, tlen momohti-
liz quipiazque in mihtlanchane ihquac
amo ipzitlayo, amo intlapal, câ in huel-
neli tletl quitazque ihuan quimachiliz-
que? Ica i ixtololohua oquimotlahtla-
calhuique in Dios ipampa ixquich amo
quali oquitahque; ompa xotlazque, om-
pa tlatlazque; ihuan tla axca amo qui-
xicoa i ixtololohua ze xale, ze tlazol-
tzintli, ¿quenin quixicoz inon huel huei
tletl? I nacazhua in mihtlanchane no-
ihqui quihyohuizque i tecoco, i tetolini.
¿Tlen quicaquizque? Miec tlauhui-
caltiliz, miec amo quali tlahtol: quine-
quizque quitzacuazque i nacazhua, i-
huan ahuel quichihuazque: ompa ca-
quizque quenami mozepan tenehua te-
tame, tename, cocone, icnime; ze ica
ocze, ze ica nochtin, nochtin ica ze: qui-

caquizque quenami mo zepan memeltia
 in tlahtlacol; in tetame, qui memeltiz-
 que i pilhuan, i pilhuan, qui memeltiz-
 que in tetame; tlacame, qui melmeltiz-
 que i zihuame, ihuan ininque, quime-
 meltizque i tlacame: in altepeme, qui-
 memeltizque i tlahtlacol in tequihuah-
 cahua, ininque, quinmemeltizque in al-
 tepeme: auh ica non mozepan cocoliz-
 que, mozepan telchihuazque, mozepan
 mihtitiezque, mozepan huihuicaltizque,
 ihuan inon qui caquizque i nacazhua
 in mihtlanchane; auh ipan nochi non,
 xotlazque, tlatlazque inacazhua quena-
 mi i ixtololohua Tlen quiyohuizque
 itech i camacpaquiliz inon tiquitaz-
 que axcan. Ica icamac otlahuanque,
 oquitlapanque in nezahualiz, otema-
 huizoquixtihque, otlahuihuicaltihque,
 otenamiquihque, ihuan in oczequin
 tlahtlacol tlen oquichihque icaye: qua-
 quinon conizque tletl, tlacuazque tletl;
 i nehnepil mocuepaz tletl, i tlan mo-
 cuepaz tletl, nochi icamac tletl: axcan
 amo quixicoa ze tlancocoliz, ¿quen
 quixicozque quaquinon nochi nin te-
 coco tetolini? Iquihnecuiliz noihqui

quihyohuiz tlen itechpohui: axcan amo
 quixicoa i yacatzol ze potoniliz tlen
 niman panoa. ¿Quen quihyohuizque
 in potoniliz huel zenca huei unca mih-
 tlan, ihuan aicqueman tlamiz? Tech-
 poloa tlen quihyohuiz i tlamatoquiliz
 nozo *tactō*: non amo nicpia tlahtol tlen
 ica niquihtoz quexquich tecoco tetoli-
 ni quihyohuiz; quenami ica non oca-
 chi omōpalpaquiltihque nican ihquac
 ahuiñnemiaya, huelica ocachi ica ye
 quihyohuizque in tletl; auh ica non, za
 izel niquihtoa, zentel i tlalnacayo chi-
 chilehuaz ica tletl, quenami axcan chi-
 chilehua ze tepozthi ihquac xotlatica:
 ¿ihuan quexquich xihuitl quihyohuiz-
 que nin tecoco, tetolini? Zemicac, ze-
 micac, zemicac. ¿Ihuan tlen quihtoz-
 nequi zemicac? amo nicmati: ne tlen
 nicmati, in zemicac aicqueman tlamiz,
 quenami tlamia in tonal, tlamia sema-
 na, tlamia xihuitl manel yez macuil poal
 nozo ze mil, nozo ome yei mil, ihuan
 quexquich mil anquinequizque, tlamiz-
 que ihuan tlamizque, auh in zemicac
 yancuic, yancuic, manel panozque no-

chi in ixquich inquexquich xihuitl an-
quinequizque.

Ye nanquimotilihque nocnitzitzi-
hua tlen quihtoznequi mihtlan: ze huei
telpiloyan campa Dios quimotlatzacu-
tia aquin oquimotlahtlacalhuili: ompa
aic motaz Yehuatzin, acmo unca gra-
cia tlen ica mochipahuazque: acmo un-
ca Sacramentos: acmo unca netlah-
tlauhtiliz: zemicac quilnamiquizque
tlen oquinpolohque, zemicac cazicama-
tizque quen oquipatlahque in Ilhuicac
ipampa in mihtlan: zemicac quitazque,
caquizque, quihnecuiizque, yeyehcoz-
que, ihuan tlamatocazque in tecoco,
in tetolini, in tletl: ye otiahque miht-
lan ica to ixtlamachiliz; matiaca a-
chican ihcon, inic amo tiazque zemi-
cac ompa ipampa to tlahtlacol.

LECCION UNDECIMA

PARA LA MAÑANA DEL SEXTO DIA.

*Sobre la buena confesion, en lugar de la
del pecado venial.*

No techpohuiaya nocnitzitzihua ni

tlahtozquia axcan itechcacopa in tlah-
 tlacol tepiton nozo pecado venial: non
 tlahtlacol amo techquixtilia in gracia,
 auh ipampa on itoca tepiton nozo ve-
 nial, amo ipampa amo huelneli tlahtla-
 col; quenami ihquac mo tlapana i tla-
 nahualtitzitzihuan in Dios, in Tonan-
 tzin Santa Iglesia, nozo tomemel, to
 necutil, amo ica huei tlamantli; câ
 huelneli tlahtlacol, manel amo temih-
 tiani; auh ipampa on amo polihui in
 gracia ica ye; acquema yemania; ihuan
 tla amo ti tzacuilia, in tlahtlacol tepi-
 ton, yehuatl totoca techcuicaz inic ti-
 huetzizque ipan huei temihtiani tlah-
 tlacol: ma zan tlen ica axcan niquihtoa,
 ximahuilica, xicholhuilica, xitelchihua-
 ca inin tepiton tlahtlacol, inic amo an
 huetzizque ipan huehuei; ihuan ma-
 ticmotilica quenami ze quali moyolhui-
 tiz inic mocahuaz i anima zenca chi-
 pahuac, zenca mahuiztic, zenca iztac
 quenami ze amatl, manel zenca oqui-
 motlahtlactalhuilihca in Dios; ipampa
 Yehuatzin ica ze quali neyolhuitiliz,
 techcuepilia non gracia tlen oticpoloh-
 que ica in temihtiani tlahtlacol manel

zenca huel huei yez: auh quenami ica non otihualahque nican; ipampa on nicnequi ni tlahtoz itechcacopa ze quali neyolhuitiliz: auh inic hueliz ancazicamatizque, ihuan anquizalozque; ica tlen quimitalhuitzinoa in teotlahtol ni mo yecanaz. Ihquac tech motlahtlanilia tlen ticchihuazque inic quali timoyolhuitizque ;tlen ticmonanquililia? Ticmoyolpehpenazque, tiquilnamiquizque quali in to tlahtlacol, auh in temihtiani tlahtlacol ticyolhuitizque neyoltequipacholiztica, ne zencahualiztica, inic amo oczepa chihualoz: nozo ocachi quali quenami quimitalhuitzinoa in Sto. Concilio de Trento: ticmoyolhuitizque ica to camac, ticmoyolcccozque ica to yolo, ihuan tictlaxtlahuazque ica tlamazehualiz penitencia. Ma ticmotilica quenami mochihuaz nin neyolhuitiliz, nin yolcoz, ihuan nin tlamazehualiz penitencia. Inic hueliz anquixpantilizque in teyolhuiticatzin in anno tlahtlacol quenami anmotechpohui ihuan quali quicazicamatiz noch i in quixeh inquexquich in anno tlahtlacol, ihuan hueliz

anmechpahtiz in amo anima, ihuan an-
 mechmomaquiliz inon tlamazehualiz
 penitencia tlen anmotechpohui; mone-
 qui achto an quipehpenazque quali i-
 huan yolic; no monequi anquixpanti-
 lizque quexquipa, campa, cuix teixpan,
 nozo ichtaca; cuix itech teopan, nozo
 anmochan; aquin inahuac anquichih-
 que: cuix ica anmo huampo, nozo ica
 ze anmocni; (amo anmonequi anquih-
 tozque tlen itoca quenami miec quin-
 chihua, ca za izel anmotecpohui an-
 quibtozque tlen tlahcalmecayotl quipia-
 monahuac, nozo quen anquita aquin i-
 nahuac antlahtlacohque;) ihuan cuix
 ihquac ayacmo anmonamictiaya, nozo
 zatepan, inic teyolhuiticatzin quimo-
 machitiz cuix an cate namique, nozo
 amo, ihuan inic quiyectlaliz noch i-
 ch-taca quenami Dios quipalehuiz. Mo-
 nequi anyolhuitizque mo tlahtlacol, amo
 i tlahtlacol mocnihua quenami miec qui-
 chihua: ompa itech neyolhuutiliz quin-
 telhuiti i tatzin, i nantzi, i cone, i tlahui-
 cal, i zihua, i icni, i huampo: ica non
 quinequi miehque mochipahuazque i-
 huan amoquinmati ocachi mo catzahua;

ipampa icanon quitlapachoa i tlahtla-
 col, ihuan quixpantia i tlahtlacol in
 oczequintin: auh ipampa on anquimo-
 tilizque miehque quihtoa; yehuatl nech
 cocolia, ne amo; yehuatl nechpehual-
 tia; yehuatl nech huihuicaltia; yehuatl
 nech tenehua; auh ihcon anquimotiliz-
 que, ocachi quiyolhuitia tetlahtlacol,
 ihuan amo yehuan i tlahtlacol; ihuan
 ica non, ¿quen hueliz moyolhuitizque
 quali? Auh nochi non huala ipampa a-
 mo omoyolpehpenque quenami Dios
 motlanahuatia. ¿Ac quenin hueliz qui-
 cazizque itlahtlacol tla zan tlen quilna-
 miqui ihquac cate ixitlantzinco teyol-
 huiticatzin, za ye non quiyolhuitia? Tla
 amo moyolpehpena quenami itechpo-
 hui. ¿Tlen hueliz quilnamiquizque? i-
 pampa on anquimotilizque miec tocn-
 hua momoztla, nozo achica tlahuana,
 tlahuahuicaltia, ahuilnemi; ihuan ih-
 quac moyolhuitia quihtoa zan ohpa,
 nozo yexpa onicchi: non mochihua
 nozo ipampa amo moyolpehpena, no-
 zo ipampa quitlatia i tlahtlacol inic
 amo quincuepaz in teyolhuiticatzin;
 nozo ipampa amo quimati ihquac ze

moyolhuitia, ahuel tlahtoz quenami
 tlahtoa ihquac mocamanalhuia: ih-
 quac ze mocamanalhuia quihtoa no-
 ne tlatatl quipia ome, yei yolinme;
 quipia ome, yei tomin; quipia ome,
 yei zentli, inic tiquihtozque quipia
 miec: ac inic ze quali moyolhuitiz
 ahuel quihtoz non ome, yei; ca me-
 lahca yopan quihtoz quexquipa oquichi
 in tlahtlacol. Oczequin tocnihua oca-
 chi totoca moyolhuitia ihquinin: oni-
 tlahtlaco ica no ixtololo, ica no nacaz,
 ica no camac; ihuan amo quinyolhui-
 tia quexquipa omotemacahque, nozo
 huetzi hque ipan teneyehcoltiliztli: cuix
 temahuizoquixtihque ica icamac, nozo
 ocze tlahtlacol quenami nin; ihuan a-
 mo zan onitlahtlaco ica no tlachializ,
 no tlacaquiliz, ihuan no camac. No-
 chi huala ipampa amo moyolpehpena,
 ipampa amo moyolcocoa; ipampa zan-
 tlailihuiiz moyolhuitia: ac mehuan a-
 mo nocnitztizihua: mehuan anmoyol-
 pehpenazque quali, anmoyolcocoque
 noihqui: ipampatzinco Dios xicmochi-
 huilica: amo quichihuaz acmo oczepan
 anmoyolhuitizque. Maticmotilica ax-

can tlen yolcocoze monequi quipiaz-
 aquin quali moyolhuitiznequi. Anqui-
 momachitizque nocnitzitzihua cate o-
 me neyoltequipachol, ze itoca *contric-
 cion*, ihuan ocze itoca *atricion*: neyol-
 tequipachol *contricion* quihtoznequi; ih-
 quac ze moyolcocoa, amo ipampa qui-
 mahuilia in mihtlan, amo ipampa que-
 lehuia in Ilhuicac, amo ipampa oqui-
 polo in gracia; ca zan ixquich moyol-
 tequipachoa ipampa oquimoyolitlahtla-
 calhuili in Totecuyu Dios, zenca quali,
 zenca mahuiztic, zenca tetlazotlani:
 aquin quimopielia nin huei neyoltequi-
 pachol *contricion*, niman motlalia ipan
 tecualtiayatzin gracia, intla quipia i-
 tlanequiliz moyolhuitiz niman ihquac
 huelitiz; ihuan tla moyolhuitia ica
 nin neyoltequipachol, ocachi ihuan
 huel zenca ocachi quali quiza in ne-
 yolhuitiliz; ipampa aquin moyolhui-
 tia ica nin neyoltequipachol ye câ ipil-
 tzin in Dios, auh ihquacon in Sacra-
 mento neyolhuitiliz zan quitlehcoltia
 nin gracia: ica non nocnitzitzihua,
 namechyolehua huel miec inic anqui-
 piazque nin huei neyoltequipachol *con-*

tricion: xinentlamatica miec inic an
 cazizque: ximihtlanilican in Dios. ica
 miec an mo ixayotl. Neyoltequipa-
 chol *atricion* quihtoznequi: ihquac ze
 moyolcocoa ipampa quimahuilia in
 mihtlan, nozo ipampa quelehuia Il-
 huicac, nozo ipampa oquipolo in gra-
 cia: aquin quimopielia nin neyolte-
 quipachol, huelica monequi moyol-
 huitiz in tla câ ipan temihtiani tlah-
 tlacol: ipampa nin neyoltequipachol
atricion amo techcuepilia in gracia, i-
 zel, manel ticnequizque ticmoyolhui-
 tizque ihquac huelitiz, quenami quimo-
 chihuilia in huei neyoltequipachol *con-*
tricion; ca inin huelica monequi mo-
 zetiliz ica in neyolhuitiliztli inic tech-
 cuepiliz in gracia oticpolohca ica in
 temihtianitlahtlacol: auh ihquaquinon,
 ica nin yolcoco, ihuan ze quali ne-
 yolhuitiliztli, niman techcuepilia in
 Dios in gracia; ihuan in yolcoco *a-*
tricion mocueptzinoa yolcoco *contri-*
cion quenami quimitalhuitzinoa in
Santo Concilio de Trento. Monequi
 uelmiec nocnitztizihua, anquimoma-

chititzinozque unca ocze yolcoco a-
 tle ipati inic ticmoyolhuitizque, ito-
 ca tlalticpacyolcoco, quenami ih-
 quac ze moyolcocoa ipampa ica i-
 tlahtlacol oquipolo i mahuizotl, nozo
 i tomin, nozo i chicahualiz, nozo oc-
 ze tlamantli quenami nin: amo xi-
 motlapololtica ica nin yolcoco que-
 nami miectin motlapololtia; ca zemi-
 cac xicazicamatica, ca inic ticmo-
 yolhuitizque monequi ze neyoltequi-
 pachol quimotiliz nozo melahcayopan
 in Dios quenami in neyoltequipachol
contricion, nozo in tlen itechpohui in
 Yehuatzin quenami in gracia tlen i-
 ca quimotlaxtlahuilia aquin quimo-
 tlacamachitia; nozo in mihtlan, tlen
 ica quimotlatzacuiltia aquin amoqui-
 mopielia i tlanahualtitzitzihua; auh
 quexquipa to yolcoco quizaz nozo
 quitepoztozcas intlachihual i axca tlal-
 ticpac quenami ye oniquihto, atle, a-
 tle ipati inic ticmoyolhuitizque. Xi-
 moyolpehpenaca nocnitztitzihua cuix
 ica nin yolcoco anmoyolhuitinemia-
 ya, nozo tlen yolcoco anquipixque ih-
 quac anmoyolhuitihque ipan tlayohui.

lizcahuitl Santa Cuaresma, ihuan ih-
 quac anmoyolhuitihque quac anmoco-
 cohca, ihuan hueliz ancazizque atle ne-
 yoltequipachol anquipixque, auh ipam-
 pa on zaniman anquilcahque neyol-
 huitiliztli, ihuan oczepan anmocuep-
 tzinohque ipan tlahtlahtlacoli; quenami
 anquimotilia miecpa mochihua itech
 nin tlalticpac. ¿Quenin hueliz moyol-
 cocoz aquin axca moyolhuitia ihuan
 niman moztlatica oczepa tlahuana,
 tlahuihuicaltia, ahuilnemi nozo qui-
 chihua oczequi huei tlahtlacoli? Aquin
 amo quitlapopolhuia aquin oquitlatla-
 calhui, manel ica icamac quihtoa qui-
 tlapopolhuia, ompa itech i yolo zemi-
 cac quitlahuelita, ¿quenin hueliz mo-
 yolcoco? zanoihiqui aquin amoqui-
 nequi tecuepiliz non mahuizotl, nozo
 tomin, nozo ocze tlamantli tlen ote-
 quixtili, ¿quenin hueliz quitelchihuaz
 itlahtlacol? ¿Hueliz moyolcoco? aquin
 amo quicahua non cale campa achica
 yahui ahuilnemiti, tlahuanati, tema-
 huizoquixtiti, nozo quichihuati ocze
 tlahtlacol? Ze tlahtol, ¿hueliz moyol-

tequipachoz aquin amo quicuepa i amoquali nemiliz, ca zan ichtaca quicahua, nozo ipampa oazi in Cuaresma, nozo ipampa mococoa, nozo ipampa monamictiti; auh ipampa on zaniman ihquac panoa in Cuaresma, in cocoliztli, in nenamictiliztli, niman oczepa mocuepa ipan i amoquali nemiliz tlen achto quipiaya? Ne amo niquihtoa, aquin moyolhuitia, ihuan oczepa tlahtlacoa amo omoyolhuiti quali, amo, amo niquihtoa non: ipampa quali nicmati hueliz ze moyolhuitiz quali, ihuan niman oczepa tlahtlacoa quenami miecpa mochihua: aquema ni quihtoa, ihuan zemicac ni quihtoz, aquin amo huelneli moyolcocoa, ihuan amo quipia ze huelneli itlanequiliz inic ica Dios igraziatzin monemilizcuepaz, amo moyolhuitia quali; auh quenami ininque omoyolhuitihque za, izel ipampa oazi in Cuaresma, cocoliztli, nozo nenamictiliztli, hueliz tiquihtozque omoyolhuitihque, amo ica nochi itlanequiliz ca zan oquitequihuiltihque; quenin hueliz tiquihtozque omoyolcocoque? Hue-

liz quema: ipampa Dios amo aquin
 quitzacuilia inic quimochihuiliz tlen
 quimonequiltiz: ac non huehuehca tic-
 motilia. Zanoihqui câ melahuac Dios
 amoquimomaquilia igraciatzin aquin
 amo huelneli moyolcocoa, ihuan huel-
 neli quinequi monemilizcuezpaz. ¿I-
 huan tlen tiquihtozque itechcopa inon-
 que quintlatia tlahtlacol, ipampa pi-
 nahua, nozo ipampa momohtia? ¿hue-
 liz tiquihtozque moyolcocoa aquin ma-
 huiltia ica in Santo Sacramento ne-
 yolhuutiliztli, aquin quihuehuezquilia
 in Dios quenami quichihua ininque?
 Amo tiezquia ti tlaneltocanime in tla
 ihqui tiquihtozquia. Intla huel tote-
 chpohui timoyolpehpenazque, ihuan
 huelneli timoyolcocoque, inic quali
 ticmoyolhuitizque; zanoihqui totech-
 pohui ticpiazque ze huelneli tlane-
 quiliz inic tiazque ticchihuati niman
 in tlamazehualiz penitencia tlen otech-
 monahuatilitehua to Teyolhuiticatzin:
 nin tlamazehualiz penitencia motlah-
 coxelo itech nin ome: tlamazehua-
 liz pahtli, nozo penitencia medicinal,
 ihuan tlamazehualiz tlatecochihual, no-

zo penitencia Sacramental: tlamaze-
 hualiz pahtli, nozo penitencia medi-
 cinal quihtoznequi, non tlamazehualiz
 tlen quimonahuatilia in teyolhuiti-
 catzin inic quihuihuitlaz in tlahtlacol
 nozo inic quipahtiz i anima: quenami
 ihquac mitzmonahuatilia in Teyolhui-
 ticatzin, quexquipa oczepa titlahua-
 naz, timozahuaz, nozo timoilpiz ica
 zetepozmecatl itoca cilicio, nozo tic-
 temacaz ze limosna, ihuan zanoihqui
 ticchihuaz inon penitencia, nozo oc-
 ze, quexquipa oczepa tlahuilmemiz,
 nozo titlahuihuicaltiz, nozo tihuetziz
 oczepa itech non tlahtlacol ticchih-
 tinemi ahchica, inic hueliz quizaz i-
 non chihcolnemiliz: ihuan nehual an-
 mechtlahtolmaca axca, intla Teyol-
 huiticatzin quilcahua inin tlamazehua-
 liztli, auh ipampa on amo anmech-
 momaquilia; mehuantzitzin xicchihua-
 ca quenami anmotechpohui, inic an-
 quihuihuitlazque, nozo anquipolozque
 zazemi inon amoqualinemiliz. Tla-
 teochihual tlamazehualiztli, nozo pe-
 nitencia Sacramental, quihtoznequi,
 ihquac ica ye za izel quimonequiltia

teyolhuíticatzin antlaxtlahuazque mo
 tlahuacol: quenami ihquac amechmo-
 nahuatilia anquichihuazque ome, yei
 rosarios; nozo ancaquizque ome no-
 zo yei Misas; nozo anquichihuaz-
 que nin, nozo non ocze quali tlachi-
 hual tlen ica motlania intlapopolhuiliz
 intlamazehualiz, itoca indulgencias.
 Quemania anmechmozetilia in Teyol-
 huíticatzin in momextin tlamazehua-
 liz, in medicinal, ihuan in Sacramen-
 tal; auh ihquacon momextin anmo-
 techpohui quichihuazque. Zanoihqui
 itechcacopa nin tlamazehualiztli Sa-
 cramental, anmechtlahtolmaca, intla
 anquimotilia amo huei tlamazehualiz-
 tli anmechmomaquili Teyolhuíticatzin,
 ipampa ze huei tlahtlacol anquichih-
 que, mehuan xicchiuaca nochi tlen
 anhuelizque; ihuan manel amechmo-
 maquiliz huei tlamazehualiztli, zemi-
 cac amechyolehuaz, inic anquinchih-
 uazque quexquich an huelizque, inic
 anquiyolzehuizque Totecuyu Dios i-
 ca miec quali tlachihual, ihuan miec
 yolcoco, tlen ica anquitlaxtlahuiliz-
 que nican, ihuan amo anyazque tla-

tlahuiliti ompa tlechipahualoyan Pur-
 gatorio: ipampa manel Yehuatzin i-
 ca ze quali neyolbuitiliztli anmechmo-
 tlapôpolhuilia inmo tlahtlacol inic ac-
 mo anyazque mihtlan, intla acmo oc-
 zepa anquipoloa nin gracia; ac hueli-
 ca moneqni anquimotlaxtlahuilizque in
 Yehuatzin, nozo nican ica in tlamaze-
 hualiztli, nozo ica in tletl ompa Pur-
 gatorio. Ye anquimotilihque nocni-
 tiztizihua quenami ze quali moyolhui-
 tiz inic Dios quimocuepiliz non gra-
 cia oquipolohca ica i tlahtlacol. Mo-
 nequi moyolpehpenaz yolic ipan no-
 chi i tlanahuatiltzitzihuan in Dios, in
 Tonantzin Santa Iglesia, ihuan i ne-
 cuilitl, nozo i memel, nozo obligacion:
 aquin namic, quenami namic; aquin
 tequihua, quenami tequihua, aquin te-
 maxtiani, quenami temaxtiani; inic ze-
 zeahcan zezen mehuantin quitazque
 cuix oquitemiti i necuil nozo obliga-
 cion, nozo amo oquitemiti: ze tlahtol,
 nochi tlen anmechtelhuiz moyolo xi-
 quixpantilica moteyolhuiticatzin, ihuan
 ompa Yehuatzin quimomachitiz que-
 nin anmechyectlaliz. Noihuan an-

quimotilihque anmotechpohui huelneli
 anmoyolcocoque; nozo ica non neyol-
 tequipachol huei itoca *contricion*, no-
 zo ica non ocze itoca *atricion*; ihuan
 anquichihuazque niman ihquac hueliz
 non tlamazehualiz penitencia tlen an-
 mech monahuatilihque. Axcán nehual
 anmechtlatlauhtilia huelniec, quexqui-
 pan anyazque moyolhuititi, ximihtla-
 nilica achto in Dios imacopantzinco
 in María Santísima ze quali neyol-
 pehpeniliz, ze huei neyoltequipachol,
 ihuan miec gracia inic amo oczepan
 antlahtlacoque: auh ica non Yehua-
 tzin quimonequiltiz anquichihuazque
 ze quali neyolhuitiliztli, quenami itec-
 tzinco nimotemachia.

LECCION DUODECIMA

PARA LA TARDE DEL SEXTO DIA.

*Sobre la pasion de Nuestro Señor
 Jesucristo.*

Inic tepitzin hueliz anquicazicama-
 tizque quexquich omotlayohuiltitzino
 Totemaquixticatzin Jesucristo, mone-

qui anquitazque achto aquin inin Jesucristo; aquin ipampa omotlayohuilti, auh zatepan anquitazque quenin, ihuan quexquich omotlayohuiltitzino: matimopehualtica. ¿Aquin in Tote-
 maquixticatzin Jesucristo? Ca moyez-
 tica huelneli Teotl, ihuan huelneli
 oquitzintli; ihuan inic ocachi anqui-
 mocazicamatitzinozque, ximomachiti-
 tzinohca, Yehuatzin Totemaquixtica-
 tzin Jesucristo moyecchihua ica nin
 yei tlamantli, ica i animatzin, i naca-
 yotzin, ihuan ica i Teoyotzin, auh
 ipampa on Yehuatzin quimopielitzi-
 noa ome i Yelitzin, ze quenami Teotl,
 ihuan ocze quenami oquitzintli: za-
 noihqui quimopielitzinoa ome i ixtla-
 machilitzin, ze quenami Teotl, ihuan
 ocze quenami oquitzintli: noihuan
 quimopielitzinoa ome itlanequilitzin,
 ze quenami Teotl, ihuan ocze que-
 nami oquitzintli; ihuan amo ipampa
 on quiza nozo mochihua ome Per-
 sonas, ca zan ze Persona huelneli
 Teotl ihuan huelneli Oquitzintli: que-
 nami ze Teopix ca huelneli tlatatl i-
 huan huelneli Teopix, ihuan amo i-

pampa on quiza nozo mochihua ome
 Personas, ca zan ze Persona Tlaca-
 teopix, zanoihqui ihuan ocachi qua-
 li Totemaquixucatzin Jesucristo mo-
 yeztica ze Persona Teoquitzintli. ¡I-
 huan nin huel zenca Tezahuicac, chi-
 pahca Santísima Persona omotlayo-
 huilti, ihuan omomiquili? Quemacatzin
 nocnitztizihua, nin Santísimo Jesucris-
 to omotlayohuilti, ihuan omomiquili;
 amo quenami Teotl, ca quema que-
 nami Oquitzintli: ipampa Teotl ahuel
 ahuel tlayohuiltiz, ahuel miquiz, ahuel
 itla tecohcocayotl quimachiliz; amo
 yezquia Teotl quaquinon: ihuan inic
 tepitzin anquicazicamatizque anmech
 tlalilia nin ejemplo: quenami ihquac-
 ze Teopixcatzintli mococoa ihuan mo-
 miquilia; mococoa, ihuan momiquilia
 quenami tlatl, amo quenami Teopix:
 ipampa in Teopixcayotl aicqueman
 mococoa, ihuan aicqueman momiqui-
 lia manel yaz Teopix ompa mihtlan,
 nozo Ilhuicac, zanoihqui ihuan oca-
 chi quali Totemaquixticatzin Jesucris-
 to. Ne amo nicnequi nitlahtoz axca
 itechcacopa nochi non tecohcocayotl

tlen omopanoltitzino ipan i tlatatiliz-
 tzin, tlen omochi itech huei zecuiliz,
 ihuan ichan yolcame nozo campa tla-
 cua yehuan itoca pesebre, ihuan oc-
 zequin oquinmopahcayohuili ihquac
 mozcaltitzinotiatca, ipampa nimo-
 huehcahuitizquia miec, ihuan amo
 nech azizquia in cahuitl inic anmech
 ixpantilizquia tlen omopanoltitzino i-
 pan non huei tonal tictocayotia Viér-
 nes Santo tlen nicnequi namechix-
 pantiliz; zanoihqui ipampa on, amo
 tlen ni quihtoa itechcacopa nochi in
 ixquich in quexquich tequipachol quin-
 momaquilihque in altepeme ihquac Ye-
 huatzin oquinmixpantiliaya in San-
 to Evangelio: quexquich oquinmixtla-
 coaya; quexquich quinmotenehuilia-
 ya; quexquich tlahtlacol oquimemel-
 tihque; quexquich nexicoliz quipiaya
 in altepeme ica Yehuatzin, ipampa
 quitaya quenami miec motemacaya
 ica Yehuatzin: icnica ohuala nochi
 non, ipampa nin nexicolix oquichih-
 que judíos tlen oquichihque: quenami
 Yehuatzin quitelchihuaya nochi i ano-
 quali tlachihual; quenami quinmacaya

itech ixayac i xolopihcayol; quena-
mi amo quimochihuiliaya quenin ye-
huan: icanon in tlahuel, ihuan in nexi-
coliz oquinmotlalitzinobque ipan San-
tísima Cruz. ;Ihuan tlen ocze mota
itech nin tlalticpac? Tlahuel, ihuan
nexicoliz; ica nin ometlamantli tlanti-
cate tocnihua; ica nin ixpoloa tohuam-
pohuan: xicmotlahtlahutilica in Dios
huel miec macamo anmechmomacahui-
li anhuetzizque ipan nin tlahuel, ihuan
nin nexicoliz: ipampa ica yehuan an-
huetzizque ipan miec tlahtlacoli, ihuan
anquitlalizque Totemaquixticatzin i-
pan Santísima Cruz. Quema nocni-
titzihua; quexquipa ze tlahtlacoa qui-
motlatilia in Yehuatzin ipan Santísi-
ma Cruz, nozo quimoyancuitia i tla-
zozenquizca tlayohuiltzin: amo tla-
chihualtica; non zan zepa oquichihque
in judíos ipan Viérnes Santo quena-
mi axca techmolnamiquilia Santa I-
glesia zezen xihuitl; ac quema in tlah-
tlacoanime ica i tlanequiliz, quiyancui-
tia i tlazomahuiz tlayohuiltzin quex-
quipa tlahtlacoa. Zanoihqui amo tlen-
niquihtoa itechcacopa non tequipa-

chol quimopieliaya ica nochi non a-
 quin quinmochihuiliaya ixquich gra-
 cias: oquinmacaya itlachializ in ix-
 popohyome; in tlacaquiliz in nacaz-
 tapame; i ixihua in coxome; i chica-
 hualiz in cocoxquinme, iyoliliz in mi-
 mique: quinquixtiliaya in tlahuelilo o-
 quinpiaya itech inacayo, ihuan ocze-
 quin teoyotica tlachibual quenami nin;
 ihuan atle tlazocamatiliz, tlacamo ze,
 nozo ome matiquihtoca ihcon. ¡I-
 huan tlen niquihtoz itechcacopa inte-
 quipachol oquinmomaquilihque in San-
 tos Apóstoles; nin yancuique Teopix-
 catzitzintin Yehuatzin oquinmopehpe-
 nili, ihuan oquinmomaquili in yancuic
 Teopixcayol, inic achtotipa Yehua-
 tzin, ihuan zatepan Yehuantzitzin qui-
 teixpantizquia in Santo Evangelio que-
 nami oquimochihuilihque itech nochi
 tlalticpac? ¡Ihuan ininque oquinmo-
 maquilihque tequipachol? Quema noc-
 nitzitzihua; ininque oquinmomaquilih-
 que tequipachol: Júdas oquimonama-
 quilti ipan zempuale ihuan mahtlactle
 pesos: Señor San Pedro ica mahui-
 liztli oquihto; amo niquimixmachilia

aquin inon Jesucristo. ¡Amo tiquimixmachilia aquin inahuactzinco miecpa otimotlacualtitzino, otimonehnemititzino, omitzpehpenili, omitzmachti in Santo Evangelio, omitzmochihuili Itzonteco Santa Iglesia? ¡Inin amo ticmixmachilia? ¡Ah Señor San Pedro quexquich ixayotl oquizque itech mo ixtolotzitzihua ipampa nin tlahtlacol! In tla ihqui oquichihuani in Júdas, amo yezquia axca ompa mihtlan: in oczequitin Apóstoles oquimocahcahuilihque izel in Yehuatzin ihquac oquimoquizquilihque in judíos, ze ocholo nican, ocze ocholo nepan; amo aquin Yehuantzitzin oquimopalehuili, amo aquin ipampatzinco otlahito ¡ah Nomahuiztatzin Jesucristo, za izel tehuatzin timochititzinoa quenami ocatca mo mahuiz Yolotzi. Nezi ye niquita Júdas quenin quinyecana soldados yahui quimoquitzquiliti in Totemaquixticatzin; quenami omozepantlahtolcahque yehuatl ihuan tequihuahcahua ihqui oquichihuazquia ipampa non tomin oquinmomaquilihque, omo-tlahtolti ica yehuan, ihuan oquin-

milhui: aquin nehuatl nitenamiquiz
 Yehuatzin in Jesucristo, ximoquit-
 quilica. Yuhqui omochi: oazito Jú-
 das ica nochitin soldados campa
 quimochihuilihticatca ze huei netlah-
 tlauhtiliz i Imahuiztatzin Dios; ihuan
 oquimotlahpalhuili ihquin: ma Dios
 mitzmopielitzino Temaxtiani, ihuan
 oquimotenamiquili; auh Yehuatzin
 oquinanquili: notetlazotlaca tlen o-
 ticchihuaco? Quaquinon oahzihque in
 soldados ihuan oquimoilpihque; ihuan
 Señor San Pedro oquicotonili ina-
 caz ze tlaquehual itocaya Malco; ac
 Yehuatzin amo oquihuelita nin tla-
 chihual: ipampa on oquimitalhuitzino.
 ¿Tlen amo tiemati, tla nicmonequil-
 tizquia nicmotlahhtlauhtilizquia in no
 Mahuiztatzin; ihuan nechmomaquiliz-
 quia miec Angelozme quintlamizquia
 nochi nin soldados? Quaquinon ¿que-
 nin mochihuaz itlanequilitzin in Dios
 in yuhqui quimonequiltia? Quaquinon
 oquimoilpilhque in Totemaquixtica-
 tzin, ihuan oquimocuiquilihque ixpan
 ze Hueiteopix itocaya Cayfas, cam-
 pa ononechicohca oczequin Teo-

pixcatzitzintin ihuan teachcame, ihuan
 nochtin qui temoaya ze iztlacayol tlen
 ica quimopolhuilizquia in Yehuatzin;
 ac amo cazihque. Manel amo tlen
 tehuiquiliaya niquita ye moihcatzi-
 noa ichan Pilato gobernador inic ye-
 huatl quihtoz tlen mochiuaz ica Ye-
 huatzin. ¿Tlen tiquihtca Pilato? ¿tlen
 tlahtlacol tiquitilia nin Mahuiztic Tla-
 caltzintli? Atle, atle tlahtlacol niqui-
 tilia; amo tlen tehuiquilia inic hue-
 liz nitlanahuatiz maquimihtica. ¿Qua-
 quinon tleica amo ticmocahcahuilia?
 ¿Tleica amo tiquintlatzacuilia in a-
 quihque omitzqualiquilihque, ipampa
 ixtlacatihque? Ipampa nicmahuilia in
 altepetl; yehuatl tzâtzâtica ma miqui,
 ma miqui, ma motlali ipan Cruz, ma tla-
 mi nin tlapololtiani. ¿Ah Noteotzine,
 ihcon mitztocayotia nin altepetl? ¿tlen
 quimitalhuitzino momahuiz Yolotzi?
 Za izel Tehuatzin ticmomachitia. Oc-
 zepa nimiztlahtlanilia Pilato ¿tlen tic-
 chihua? ¿tleica amotimocahcahuilia
 tla tiquita amo tlen tehuiquilia? ¿Tlen
 ocachi ticmahuilia in altepetl ihuan

amo inin huelneli Tlahtocatzin, aquin
hueliz axca niman mitztitlaniz mihtlan?
Amo tlen quichihua, nezi nicaqui ne-
chnanquilia in Pilato: ocachi nicma-
huilia in altepetl: auh ma nitlanahuati
quihuitequizque, azo ihcon moyol-
cuepaz, ihuan yolzehuiz in altepetl.
¡Moyolcuepaz Totemaquixticatzin Je-
sucristo! ¿Tlen amoquali oquimochi-
huili inic hueliz moyolcuepaz? ¿amo
te ica mocamac otiquihto amo tlen
quimotehuiquilia, ihuan, axca ye ti-
quihtoa quihuitequizque inic moyol-
cuepaz? ¡Ah ixpohpoyotl! ¿tlen quali
neztica ye otlacuahua moyolo; ye o-
tixpolo; ye otictzac monacaz ica mo-
mextin momahua; acmo ticnequi tica-
quiz ixquich mitzilhuia mozihua inic
amo tlen ticchihuiliz nin Mahuiztic
Tlacaltzintli! ¿Tlen amo tiquixtica
ica mo ixtololohua quenin oquimo-
tlalilihque ica ixquich tlacol oquimo-
maquilihque ipampa mochiicol tlana-
huatil, ihuan quenin oquitzomonilih-
que nochí itlazozenquizca nacayotzin?
¿Tlen amo tiquita quenin oquitlalilih-
que ipan i mahuiz i Tzontecontzin non

corona oquichihque ica huitztli, tlen
 ica tzicuintica i tlazoenquizca yezot-
 ztin, ihuan motlalolhtica ipan i mahuiz
 i xayactzi? ;Tlen amo mitzyolcocoa
 quenin otlalilibque ipan i matzi ze a-
 catl quenami ze ichtacatlahtocatzin,
 ihuan ixquich oquihuehuetzquilihque
 ixpan nochi altepetl? Zanoihqui ;amo
 mitzyolcocoa ixquich oquimatlatzinih-
 que quenami yezquia ze piltontle? Ica
 nochi non ;amo timoyolzehuia, amo
 timocahuilia? ;Oc ticnequi ocachi qui-
 monoquiliz i tlazoenquizca yezotzi?
 ;ticquixtiliz ocachi i mahuizotzi, ;ticne-
 qui tietlaliz ipan Santísima Cruz, ihuan
 momiquiliz ipan ye? ;Ah Pilato! ze yol-
 catl tech yolcocoa ihquac itla tecoh-
 cocayol ipan tiquitilia. ;Ihuan amo mi-
 tzyolcocoa ixquich panohtica ze Teo-
 quitzintli? Manel amo yezquia Teotl
 quenami moyeztica, manel yezquia za
 izel tlacatl quenami tehuatl: motech-
 pohuiaya timoyolcocozaquia, ihuan o-
 cachi, ihuan huelzenca ocachi ipampa
 atle tehuiquia, quenami tehual oti-
 quihto ica mocamac. Ye nicmati tlei-

ca amo mitzyolcocoa nochi tlen tiquix-
tica mopanoltihtica nin Mahuiztic Tla-
caltzintli: ipampa ye otimoyolilacua-
hua: ye câ moyolo quenami ze tepoz-
tli, ihuan zanoihqui câ motlacuatla-
machiliz. ¡Ah nocnitzitzihua! macamo
Dios quimonequiltiz motlaquahuaz an-
moyolohua, nozo anmo tlamachiliz; i-
pampa anquichihuazque miec, miec
amoquali quenami oquichi nin Pilato;
ihuan amo tlami nican i tlahtlacol;
oc oquitemacac i tlanahuatil inic oqui-
mictizquia ¡Ah Pilato, quenin ticpia
yolo inic tictlahcuiloz nin tlanahuatil!
¡Tlen tehuiquilia inin Tezahuicac, ma-
huiztic, chipahuac Santísimo Jesus?
¡Tlen omitzchihui, ¡itech tlen omitz-
tlâtlacalhui, ¡tlen omitzquixtili? Amo
tlen nechhuiquilia, amo tlen onech-
chihui, amo tlen onechtlahtlacalhui,
atle onechquixtili; ca zan ipampa nie-
mahuilia miec in altepetl. ¡Ihuan mo
mahuiliz qui tlaxtlahuaz nin Santísimo
Jesus? ¡Ah Pilato, mo pampa, ye qui
memeltia in Santísima Cruz in Tote-
maquixticatzin ipan i mahuiz i ahcol;
ye quimonahuatequia, ihuan quimote-

namiquilia non tlateochihual quahuatl
 campa yahui momiquiliti mo pampa;
 ye moîcatzinoa ipan non xolal ica
 nochi soldados, ica nochi altepetl tla-
 mahuizoti, ihuan quitati quenin qui-
 mictizque: nezi niquita quimocuepilia
 i mahuiz ixayactzi, ihuan quimitalhui-
 tzinoa ica ze zenq izca chipahuac yo-
 lotzi: A Dios Teopixcatzitzintin: A Dios
 Altepetl: A Dios Apóstoles: A Dios
 Nomahuiznantzin: A Dios no zenquiz-
 ca Chipahcatatzin, ye oticmocahuili
 in mozenquizca conentzi izel, izel:
 acmo nicpia campa nimocuepiliz no
 ixtolotzitzihua: maquimochihuilica no
 nahuac tlen quinequizque: ma mochi-
 hua i tlanequilitzin in no Mahuiztatzin
 Dios: ma nicmozelili in miquiliz que-
 nami Yehuatzin quimonequiltia. Ye
 nezi ni quita oazito ompa Santo Cal-
 vario. Ye pehua quiquixtilia ima-
 huiz tlaquemil; ye quimozoihilia itech
 Santísima Cruz; ye qui coyonilia i
 mahuiz matzitzihua, ihuan ixtitzitzi-
 hua, ica in tepozhuitzle, nozo cla-
 vos; ye quimancocuilia; ye moyez-
 tica cruztitech; unca anquimoapielia

nocnitztītzihua in Totemaquixticatzin
 Jesucristo ;tlen quihtoa moyolohua;
 ;tlen anquimachilia itech anmo anima-
 tzi? Ye omomiquili topampa; ye ote-
 chmocoīli ica i miquilitzin, ica itlazo-
 zenquizca yezotzi: ye oquimotlaxtla-
 huili tlen tehuan ahuel otitlaxtlahuaz-
 quia: to tlahtlacol nocnitztītzihua; que-
 ma, to tlahtlacol oquimotlaxtlahuili-
 tzino ica i mahuiz miquilitzin: za ye
 non tech poloa tiquitazque; quenin o-
 quimotlaxtlahuili in to tlahtlacol inic
 anquicazicamatizque quenami câ nin
 gracia techmochihuili, ihuan ica non
 timotlazocamatilizque quenami totech-
 pobui. Quenami in tlahtlacol melah-
 çayopa quimotlahtlactalhuitzino To-
 tecuyu Dios, amo aquin hueliz qui-
 yolozehuiz in Yehuatzin manel qui-
 chihuaz tlen quichihuaz: manel ze qui-
 noquiz nochi i yezo ipampa Dios; ma-
 nel zemicac mozahuaz, mohuitequiz
 ihuan quichihuaz oczequin tlamaze-
 hualiz penitencia quenami nin: ma-
 nel hueliz quichihuazquia nochi inix-
 quich inquexquich tlamazehualiz tlen
 ye oquichihque nochtin Santohme ca-

te Ilhuicac, ihuan nochí tlen quichi-
 huazque aquihque ayacmo yahui ompa,
 ahuel, ahuel quiyolzehuizquia in
 Totecuyu Dios: ca inic yolzehuiz Yehuat-
 zin monequi ze Teotl quenami Yehuat-
 zin; auh quenami amo unca ocze Téotl.
 ¿Aquin hueliz quimocuepiliz inon mahuizotl
 tlen oquimoquixtilia in tlahtlacol? Aub
 ica non xicmotilica nocnitztizihua tlen oquimo-
 chihuili nin Tetlaocoliliztatzin: oquimital-
 huitzino Yehuatzin ompa itech i mahuiz
 yolotzi. Adan, non mahuiztic tla-
 catl aquin onicchi ica miec gracia,
 ye onechpolo no mahuizotzin, ihuan
 ica yehual nochí ipilhuan; in-tla
 ihqui ní quincahua, nochtin hueli-
 ca polihuizque: ipampa amo aquin ye-
 huantin hueliz nechyolzehuiz. ¿Ihuan
 tlen nicmochihuiliz inic amo polihuiz-
 que nochtin, ca zan ixquich polihuiz
 aquin quinequiz? Ma nicmotitlanili
 ompa tlalticpac Nomahuiz conentzi
 moyeztica Teotl quenami Nehuatzin,
 ihuan ma moquenti ica i tlalnacayo
 tlen ica hueliz tlayohuiltiz, ihuan mo-
 miquiliz ipampa nochtin; ihuan ica non

huel zeuca quali nimoyolzehuiz ipampa noch i inixquich inquexquich tlah-tlacol hueliz quichihuazque ipan nin tlah-tlacol peuhcayol i axca Adan; ihuan ica non aquin quinequiz momaquixtiz, ye hueliz quichihuaz, zan ica quimotepoztoquiliz quali nin no mahuiz conentzi Jesucristo; ihuan aquin amo quinequiz quimotepoztoquiliz, polihuiz, ac Nehuatzin ye onechylzehui nin Noma-huiz conentzin ipampa nochtin in tlah-tlacoanime. Nezi ni caqui nechtlah-tlanilia zequin anmehuantzitzin. ¿Ihuan tlen ticchihuazque inic quali tic-motepoztoquilizque in Totemaquixticatzin Jesucristo? Nin ome tlamantli; anquipahcayohuizque noch i inixquich inquexquich tocohcocayol Dios anmehmotitlaniliz ipampa Totecuyu Jesucristo; quenami Yehuatzin oquimopahcayohuili nochtin anmopampatica; ihuan anquicchihuazque itlanequilitzin in Dios, quenami Totemaquixticatzin oquimochihuilitzino. Quema nocnitzi-tzihua, nin tlanequiliz monequi anquiltapanazque: ipampa huel xolopihquicâ: zan in amoquali quelehui, za yehual

quinequi, za yehual quitepoztocha, za yehual quitemoa inic polihuiz in animatzi. Xiemomachtica itech Totemaquixticatzin. Yehuatzin quimopielitzino a ze huel zenca quali itlanequilitzin quenami oquitzintli ihuan ipampa on oquimochihuili itlanequilitzin, i Mahuiztatzin. Tehuan quenami huel zenca chihcoltica huel zenca amoquali toyolo, totlanequiliz; monequi tinentlamatizque miec inic ticmelahuazque. Ihuan inic nitlamiz nocnitzitzihua, nie-nequi anmechnahuatehuaz; inic amo anquipolozque nochi in tlen quali tlachihual anquichihuazque ica igraciatzin in Dios, xizetilica ica i mahuiz i tlachihual Totemaquixticatzin Jesucristo: ipampa totlachihual manel zenca quali yez, atle ipati ixpantzinco in Dios in tlacamo zetilitica yahui ica i mahuiz tlachihual Yehuatzin tictocayotia méritos i axcatzi Toteucyu Jesucristo. Ma Dios quimonequilti yuhqui mochi-huaz.

LECCION DÉCIMATERCIA

PARA LA MAÑANA DEL SEPTIMO DIA.

Sobre la parábola del hijo pródigo.

Zan ome ohtle catqui nocnitzitzihua inic hueliz anyazque Ilhuicac: nozo ica inon gracia anmechmomaquili Totecuyu Dios ihquac anmoquatequihque, intla zemicac oanquipixque, itoca inocencia; nozo ica tlamazehualiz, itoca penitencia, intla oanquicpolohque ica in temihtiani tlahtlacol; ihuan inic hueliz anquicazicamatizque, nicnequi anmechpoiliz ze parábola: parábola quih-toznequi ze ejemplo tlen techmopoîlia Santo Evangelio inic anquimomachitizque quenin anquimelahuazque mo qualitlachihual; quenami axca anquimotilizque ica nin parábola techmopoîlia Sr. S. Lucas. Quimitalhuitzinoa nin santo evangelista: ze tla-catl quipiaya ome ipilhuan, ihuan in ocachitepitzintzi oquilihui itatzin: notatzine, xinechmomaquili in tlen notechpohui; ihuan in Tetatzin oquinoxexelhuili in omextin in tlen quipia-

ya; aulh zatepan ihquac opanohque
zequi tonal, in ocachi tepitzintzi o-
quicololo nochi tlen i axca ihuan
oya ompa itech ocze altepetl huel
huehca ocatca; ihuan ompa oquitla-
mi nozo oquipolo nochi tlen quipia-
ya, ica in ahuilnemiliz; ihuan ihquac
ye amo tlen quipiaya, ohuala ze huei
apiz itech in altepetl, ihuan ope in
tecohcocayotl; ica non oquitemoto
tequitl tlen ica mopanoltizquia, ihuan
ocazi ompa ze tlatatl oquimonahuatili
quimocuitlahuilizquia zequi lechon-
me; aulh yehual ica in apiz quine-
quiaya mocualtizquia inon tlen quicua-
ya in lechonme, ihuan amo aquin qui-
macaya; ica non omoyolcuep, ihuan
oquihto. ¡Ah quexquich tlaquehuah-
que icha no Tatzin quipia miec pantzi
tlen quimocualtizque, ihuan nehuatl ni-
can niapizmiqui! Nimehuaz, ihuan
niaz nitemoti no Tatzin, ihuan niqui-
liz: Notatzin, onitlahtlaco ixpantzinco
Ilhuicac, ihuan ixpantzinco tehuatzin.
Acmo nocnopil inic tinechmotoca-
yotiz nimoconetzi: ma zan ixquich
xinechita quenami ze mo tlaquehual:

ica non omehua, ihuan oquimotilito i
 Tatzin ompa ichantzinco: auh ihquac
 oc huehca ocatca, oquimotili i Tatzin,
 ihuan omoyolcoco miec, auh ica non
 omotlalo in Tetatzin ihuan oquinami-
 quilito iconentzi, aquin ihquac oquimo-
 namiquili, oquimonahuatéquili, ihuan
 oquimotenamiquili; auh ihquacon ico-
 nentzi oquili. Notatzin: onitlahtlaco
 ixpantzinco Ilhuicac ihuan ixpantzin-
 co Tehuatzin: acmo nocnopil inie
 tinechtenehuaz nimoconentzi. In te-
 tatzin quaquinon oquinnahuati i tla-
 quehuahque: xiqualicaca in ocachi
 quali tlaquemiti ihuan xitlaquentica
 no conentzi; noihuan xitlalilica in
 anillo itech i mahpil, ihuan itecahtle
 itech ixihua: ihuan xicqualicaca ze
 quacuehqueconetl tomahuac, xicmic-
 tica, ihuan maticmoqualtiaca: ipampa
 nin no conetzi omiquihca, ihuan
 omozcali: opelihca, ihuan onez: i-
 huan opeh in tlacual. In ocze ico-
 nentzi teachca ocatca ompa ixtlahuac
 ihuan ihquac ye ohualaya, auh ye te-
 pitzin quipaloaya inie azizqua ichan,
 oquicac in tlatzotzonaliz, ihuan in pa-

quiliz: ihuan oquinotz ze tlaquehual,
 aquin oquitlahtlanili. ;Tlen inon? auh
 ye oquinanquili: ohuala mocnitzi, ihuan
 mo Tatzin otlanahuati qui mictizque
 ze quacuehqueconetl tomahuac: ipam-
 pa oquimaxili ica quali chicahualiz;
 ihuan nin teachca oqualan miec, ihuan
 amo quinequiaya calaquiz: ac i Tatzin
 oquiz ihuan oquimotlahtlauhtli mo
 calaquitzinozquia: ihuan ye oquimo-
 nanquilili i tatzin: ye miec xihuitl ni
 mitztequipanilhuilia, ihuan zemicac
 nimitztlacamachitia, auh aic queman
 otinechmomaquili ze chitontzi inic ni-
 mocualtizquia ica no tetlazotlaca: i-
 huan ye quin axca oazico moconen-
 tzi, aquin oquitlamito nochi tlen qui-
 piaya ica in ahuilnemiliz, ihuan niman
 otimotlanahuati quimictizque ze qua-
 cuehqueconetl tomahuac: auh in Te-
 tatzin oquihto: no conentzi, te zemi-
 cac ti unca nonahuac; nochi tlen no
 axca catqui mo axca: ac notechpohui
 nicchihuaz ze huei tlacual, ihuan
 ilhuil, ipampa nin mocnitzi omiquih-
 ca, ihuan ye omozcali; opoliheca, i-
 huan ye onez. Nican tlania nocnitzi-

tzihua in parábola i axcatzi Totema,
 quixticatzin Jesucristo tech mopoihlia
 Sr. S. Lúcas: axca ne notechpohui-
 nicchipahuaz quenami Dios nechpa-
 lehuiz inic mehuantzitzin hueliz an-
 cazicamatizque. Ma timopehualtica:
 nin Tetatzin, quihtoznequi Totecuyu
 Dios: inon ome ipilhuan ze quali ze-
 micac oquimotlacamachiti i Tatzin;
 quihtoznequi nochi non quahqualtinme
 tlaneltocanime zemicac quimotlacama-
 chitia in Dios: aicqueman oquipoloh-
 que inon gracia tlen Yehuatzin oquin-
 momaquili; aub ica non oquipixque
 non chipahualiztli itoca inocencia; aub
 inin câ non ze ohtle amechmocuiqui-
 lia ompa Ilhuicac, in tla zemicac oan-
 quipixque; ihuan in tla oanquicpoloh-
 que ica in temihtiani tlahtlacol, annech-
 momaquilia in Dios ocze ohtle itoca
 tlamazehualiz penitencia; pampa on
 quimotlalilia in parábola ocze iconen-
 tzi i axca nin Tetatzin; inic anquica-
 zicamatizque, nin conentzi nochi oqui-
 polo: quihtoznequi in tlahtlacoanime
 ihquac tlahtlacoa, nochi quipoloa, i-
 huan ihquac moyoleuepa nochi oc-

zepa cazi: ipampa on quimitalhuitzi-
 noa in parábola; oquicololo nochi tlen
 i axca, ihuan oya huehca oquitlamito
 nochi, ica in ahuilnemiliz, nozo ica in
 amoquali zihuame. ¿Tlen quihtoznequi
 nochi tlen i axca oquicololo? Quihtoz-
 nequi nochi inixquich inquexquich gra-
 cias Dios quinmochihuilia in tlahtla-
 coanime, quenami i yoliliz, i chicahua-
 liz, in ixtaca tlahtelzi itoca auxilios,
 aui oczequin quenami ininque; ihuan
 yehuan quintohtopehua, zan quenami
 yezquia tlazol; quenin oquichi in tel-
 poch techpoilia in parábola: nochi o-
 cuicahque in amoquali zihuame zan
 quenami amo tlen ipatizquia in tlen
 i Tatzin oquimomaquilihca. Ihuan
 non altepetl huehca ocatca campa o-
 ya, ¿tlen quihtoznequi? Quihtoznequi;
 huehca yahui in tlahtlacoaninme ih-
 quac quimolcahuilia in Dios ica in
 temihtiani tlahtlacol. Ihuan non oqui-
 mocuitlahuito in lechohme, ¿tlen quiht-
 toznequi? Quihtoznequi, ihquac tlah-
 tlacoanime tlahtlacoa, momihmiloa
 itech tlahtlacol, quenami in lechohndi
 itech zoquitl: aui ipampa on motlalia.

nican in lechohme quenami ipzitlayol
 nozo in semejanza i axca in tlahtlacol:
 auh ipampa on oquinequia quicuazquia
 tlen quicuaya in lechohme, ihuan amo
 aquin quimacaya: ipampa toyolo ahuel
 mo temitiz ica tlahtlacol; auh ica non
 manel ze tlahtlaco, ihuan tlahtla-
 coz, ihuan zemicac tlahtlaco, aic-
 queman mozehuia, ca zemicac mayan-
 tica. Za izel Totecuyu Dios quitemi-
 tia toyolo, ihuan timozehuia ica Ye-
 huatzin. ¡Ah nocnitzitzihua, amo un-
 ca tlahtol inic niquihtoz quexquich pa-
 quiliztli quimopielia aquin câ ica igra-
 ziatzin in Dios! atle quelehuia i axca
 nin tlalticpac palanqui, ixtlacatiani,
 tecahcayahuiani; nochí quita quenami
 tlazol, amo quenami nin telpoch que-
 lehuiaya in tlacual lechohme quenin
 quimitalhuitzino a in parábola, ihuan
 quenami amo aquin quimacaya, oquih-
 to: niaz niemotiliti no Tatzin, ihuan
 manel amo nechitaz quenami i conen-
 tzi, ma zanye quenami ze itlaquehual,
 auh ica non niez quali. Nochí non
 quih-toznequi, ihquac ze tlahtlacoani
 moyolcuepa: achtotipa mo ixmatia no-

zo ixtlapoa ihuan quita in amoquali
 tlen oquichi, zatepan mozemiznahua-
 tia, quicuepaz inon amoquali nemiliz
 ocuicaya, ihuan mocueptzinoz ina-
 huactzinco i mahuiz Tatzin Dios; za-
 tepania quimomaquila i tlahtol moyol-
 cuitiz niman ihquac hueñitiz, ihuan
 motlahtlatia quimochihuiliz in gracia
 mopoaz, amo itech ipilhuantzitzihua
 in Yehuatzin, ipampa ica i tlahtlacol
 ye oquipolo inon teoyoticatlahcalme-
 cayotl, mazanye mopoaz itech itlaque-
 huahque i āxcatzin in Dios: ihquacon
 niman yahui quichihuati nochí nín tlen
 ica in gracia oçazicamat: quenami in
 telpochtle quimitalhuitzinoa in pará-
 bola; niman ihquac oquimachili in a-
 piz, ihuan oquilnamic tlen oquichi,
 omeh ihuan oya quimotilito i Ta-
 tzin; omoyolcoco, ihuan oquiyolhuitili
 i tlahtlacol ihquac oquihto: Notatziné,
 onitlahtlaco ixpantzinco in Ilhuicac,
 ihuan ixpantzinco Tehuatzin: amo
 nocnohpil inic tinechtenehuiliz ni
 unca mo conetzi; ca zan ixquich xi
 nechpôa itech motlaquehuahque. ¡Auh

tlenquihtoznequi in Tetatzin oquimonamiquilito i conetzi ihquac oc huehca catca? Non quihtoznequi, in Dios quimonamiquilia ze tlahtlacoani ica i-graziatzin inic hueliz moyolcuepaz: ipampa tehuan to zel atle tihueli. Inon ocachi quali tlaquemitl tlen oquitlahlihue: quihtoznequi inon huei, ihuan huelzenca huei gracia tlen ica timocahua teoyoticachipahque; auh ipampa on motocayotitzino a nin gracia tecualtiayatzin santificante: ihuan inic ocachi ancazicamatizque tlen niquihtoa, xicmomachitica nocnitzitzihua, cate yei Santos matiquihtoca ihcon: aquin cate Ilhuicac; aquin cate tlechipahualoyan Purgatorio; ihuan aquin cate itech nin tlalicipac ica nin huei gracia itoca santificante: noihuan monequi anquimomachititzinozque, inon cate Ilhuicac, ihuan itech tlechipahualoyan Purgatorio quali quimomachititzino a cate ica nin huei gracia santificante, ihuan ahuel quipolozque: ac non cate nican, amo aquin yebuantzitzin quimomachitia cuix quipia nin gracia, nozo amo; ihuan manel qui-

piaz hueliz quipoloz, quenami miec
 quipoloa nin huei gracia Dios oquin-
 momaquilihca itech i necuatequiliztli
 Santo Bautismo. ¿Ihuan in anillo o-
 quitlalilibque itech i mahpil tlen quih-
 toznequi? Non quih-toznequi in ipzi-
 tlayotzin nozo imágen i axcatzin in
 Dios, ihuan inmachiotl i axcatzi in
 Espíritu Santo tlen quipoloa ze ica in
 temihtiani tlahtlacol, ihuan ihquac mo-
 yolcuepa in tlahtlacoani ica ze quali
 neyoltequipachol, ica ze quali noyol-
 huitiliztli, noihuan Dios quicuepilia
 ipzitlayotzin nozo imágen, ihuan ima-
 huiz i machiotl tlen ica quimixmachilia
 quenami i conentzi: ipampa ica nin
 quali neyolhuitiliztli quilcahua Yehua-
 tzin nochi inixquich inquexquich tlah-
 tlaicoli oquichihuaya: quenami inon Te-
 tatzin techpoihlia Santo Evangelio
 oquimochihuili ica i conetzi ihquac
 nin oquiyolhuitili i tlahtlacol, quac o-
 quihto: Notatziné, onitlahtlaco ixpan-
 tzinco Ilhuicac, ihuan ixpantzinco Te-
 huantzin; ihuan in Tetatzin oquimix-
 machili quenami i conetzi, ihuan o-

quitlalili in anillo itech imahpil; manel
 ye moyolopachihuiaya zan ica mo-
 poazquia itech itlaquehuahque quena-
 mi oquimihtlanilihca: ac in Tetatzin
 amo quimopoihli itech itlaquehuahque;
 ea quimopoihli itech ipilhuan; auh i-
 pampa on oquili in ocze i conetzi te-
 achca ihquac oqualan: nipaqui, ipam-
 pa nin mocnitzi omiquihca, ihuan o-
 mozcali; opoliherca ihuan onicazi. I-
 non quacuehqueconetl tomahuac o-
 quimocualhtihque, quihtoznequi i tla-
 zozenquizca nacayotzin Totemaquix-
 ticatzin Jesucristo quimocualtia aquin
 tlazelia yectiliztica: ipampa on oquimo-
 cualhtihque ihquac in Tetatzin ye o-
 quimotlapopolhuiliherca in tlahtlacol i
 conetzin, quenami axca quichihua in
 tlahtlacoanime: achto moyolhuitia qua-
 li, ihuan zatepan tlazelia. Auh non
 paquiliztli oquipix in Tetatzin ihquac
 ohuala i conetzi, nozo quenami Ye-
 huatzin oquimitalhuitzino: omiquihca
 no conetzi, ihuan omozcali; opoliherca
 ihuan onicazi, ¿tlen quihtoznequi? I-
 non quihtoznequi non paquiliztli quin-
 mopieltizino in Angelosme, in Santoh-

me ihuan nochi Ilhuicachaneque ih-
 quac moyolcuepa ze tlahtlacoani; huei
 paquiliztli unca ompa Ilhuicac ihquac
 ze tlahtlacoani monemilizcuepa, ih-
 quac quitelchihua nochi i tlahtlacol,
 ihuan ica zentel i yolo quimotemoihlia
 in Dios. Yeonamechixpantili in pa-
 rábola, ihuan ye oniquihto tlen qui-
 toznequi nozo tlen quimonequiltia in
 Totecuyu Dios ticazicamatizque ica
 ye, quenami quimitalhuitzinoa Sr. S.
 Agustin, Sr. S. Ambrosio, Sr. S. Ge-
 rónimo, ihuan Sr. S. Pedro Crisolo-
 go: axca nicnequi mehuan nican an
 cate ximoixcomacaca ica nin parábola
 ihuan xiquitaca cuix amechnamiquia,
 nozo amo. ¿Tlen quihtoa moyolohua
 nocnitzitzihua? ¿Anquicololohque tlen
 amo axca, ihuan anquitlamihque ica
 in ahuilnemiliz quenami oquichi nin
 telpochtle techmopoihlia Santo Evan-
 gelio? ¿Campa cate nochi inixquich
 inquexquich gracias Dios anmechmo-
 maquili? ¿Tlen anquichihque ica an-
 mochicahualiz, ica anmoqualiyoliliz,
 ica non quahquali xihuitl Yebuatzin
 annechmomaquili? ¿Anquimoyecte-

quipanilhuihque ica nochi nin quena-
 mi amotechpobuiaya? ;Campa cate ix-
 quich neyolhuutilizuli, ixquich tlazeliliz
 ye anquichihque; ixquich teotlahtol
 anquimocaquititzinohque? ;Campa un-
 ca, campa unca nōcnitzitzihua nochi
 nin? Nezi ni caqui zequin anmehuan-
 tztzin (ihuan aquin quimati cuix no-
 chtin) nech nanquilia ompa itec i yolo:
 nochi otictopehque, quenami tlazol;
 nochi oticnamaquilihque in tlhuelilo
 zan quenami amo tlen ipatizquia: to
 chichahualiz, to quali xihuitl, otin-
 quinmacahque in zihuame, in tla-
 huanaliz, in paqniltzli, ihuan oze-
 quin miec tlahtlacol quenami nin:
 miec tonal, miec xihuitl ye oticpo-
 lohque ica in tlahtlacol: nin tonaca-
 yo palanqui, otechhuilan, ihuan otech
 mihmilo ipan nin zoquitla: ac ica
 Dios igraziatzin, ye otixtlapohque
 nican: ye ticmachilia in apiz: ye
 techmoltia to tlahtlacol: ye tonehua
 toyolo ica to tequipachol, ica to yol-
 cocoz: ye ti quelehui tiazque ticmoti-
 liti to mahuiz Tatzin in Dios inic tic-
 yolhuutilizque in to tlahtlacol, ihuan

Yehuatzin techmotlapopolhuilitzinoz:
 amo ipampatica tehuan quimochihui-
 litzinoz; ca quimochihuitzinoz ipam-
 patica i tlazoenquizca yezotzi To-
 temaquixticatzin Jesucristo. Nipa-
 qui huel miec nocnitztizihua, intla yuh-
 qui panohlica nochi non moyoloihtic:
 ipampa nezi niquita in ye Tomahuitz-
 tatzin Dios motlanahuatilia ma quali-
 caca in ocachi quali tlaquemtl (in gra-
 cia, nocnitztizihua, in gracia) ihuan
 ma amechquentilica: ye noihuan nezi
 niemotilia motlanahuatitzinoz ma a-
 mechtlalilica in anillo, quenami niquih-
 tozquia, inmachioltl i axcatzin in Dios
 Espíritu Santo ~~ten~~ ica amechmixma-
 chilia ancate ipilhuantzitzihua: ihuan
 ye nezi quimitalhuitzinoz, ma quiyec-
 tlalica in tlacual inic anquimomaze-
 lizque. ¿Catle ye nin tlacual? Itlazo-
 zenquizca nacayotzin, itlazoenquizca
 yezotzin anquimozelilizque moztla. Ye
 nezi ni caqui mopehualtia in tlatzo-
 tzonaliz ompa Ilhuicac: ye pehua tla-
 cuica in Angelo me, Santohme ihuan
 nochtin in Ilhuicachanehque; ipam-
 pa nin nocnitztizihua omiquihca, ihuan

ye omozcalihque: opolihca, ihuan ye
 onezihque: ye omoyolcuepahque: ye
 oquitelchihque nochi inixquich inquex-
 quich tlahtlacol oquichihque: ye oqui-
 chipahque i yolohua ica i ixayotl: ye
 timozepan pahpaquiltia ica nochtin ll-
 huicachanehque: ye timozepan na-
 huatequia, ihuan timozepan tenami-
 quia: ye timozepan tlazocamatilia in
 Dios nin huei, ihuan huelzenca huei
 gracia otechmochihuili in Yehuatzin.
 Noteotzine: amo ticpia tlen ica timitz-
 tlazocamatilizque nin gracia: ipampa
 amo tlen tohueli, amo tlen topati, amo
 tlen ticpia; ihuan ipan nochi non, ix-
 quich tlahtlacol tlen ica otimitztlahtla-
 calhuilihque: ac unca ticmopielitzinoa
 motlazozenquizca nantzin; Yehuatzin
 topampa mitzmotlazocamatiliz ixquich
 gracias otitechmochihuili; noihuan to-
 pampa motlahtoltzinoz, inic Tehua-
 tzin timotlamitiz, in tlen axca otimo-
 pehualtitzino, inic amo oczepa titlah-
 tlaquizque, quenami timitzmotlahtlauh-
 tilia.

LECCION DECIMACUARTA

PARA LA TARDE DEL SEPTIMO DIA.

*Sobre las disposiciones para la
comunion.*

Inic titlazelizque tlen ticchihuaz-
que? Nezahualiztica ihuan neyolhui-
tiliztica tiazizque. Ome nezahualiz
quimonequiltia Tonantzin Santa Igle-
sia ticpiazque inic quali titlazelizque,
ze itechpohui in tlalnacayo, ihuan
ocze itechpohui in yolia. Inic tie-
piazque quali inon nezahualiz tlen i-
techpohui in to tlalnacayo monequi,
atle, atle titlacuazque, atle ticoniz-
que manel huelzenca tepitzitzin yez,
ihuan manel yez pahtli: nin amo tlah-
toa ica in cocoxquime tlanticate: nin-
que tlazelia ompa ichan, ma yohua-
tzinco, ma teotlac, ma yohuac, ma ne-
zahualiztica, ma amo nezahualiztica
yezque, quenami achica anquimotilia:
ipampa ininque quimonequiltia in San-
ta Iglesia yuhqui tlazelizque tla ihcon
monequi inic amo mochihuaz miquiz-

que ihuan amo tlazelizque auh ica non, amo nicnequi ni tlahtoz axca ica yehuantzitzin, ca nicnequi ni tlahtoz ica namehuantzitzin nozo ocachi quali; ica nochtin in aquihque tlazelia itech Teopantzintle, ininque itechpohui quipiazque nin huei nezahualiz; ipampa aquin hueliz yaz tlazeliti Teopantzinco, amo huel mococoa, ihuan aquin amo huel mococa monequi nezahualiztica tlazeliz. Nin nezahualiz mopehualtia tlahcoyoac, ihuan molta mitia niman ihquac ye otlazelihque; ihuan amo ipampa niman tlamia, niman tlaquazque ihuan conizque; ca monequi mochiazque tepitzin, inic mopielizque imahuizotzi in Totemaquixticatzin Jesucristo quimopielitzino a i yoloihc. Zanoihqui xinentlamatica huel miec, inic aziz chipahualiztica monacayo, ihuan motlaquemitl: amo ipampa nin chipahualiz huel monequi aquin ahuel quichihua; ca quema ipampa anquimopielizque imahuizotzi inin huelneli Teotl, ihuan huelneli oquitzintli aquin anyahui, quimozeliliti: za noyuhqui monequi mozahuaz amo

animatzin. ¿Ihuan quenin mozahuaz
 in to yolia? Ica amo tlen tlahtlacol
 quipiaz: quenami in tlaalnacayo mo-
 zahua ihquac atle quicua; zanoihqui
 in yolia mozahua tlateoyotica, ih-
 quac atle temihtiani tlahtlacol quichi-
 hua: auh yuhqui quimonequiltia in
 Dios, atle temihtiani tlahtlacol anqui-
 piazque inic antlazelizque: ca anmo-
 yebyecozque cuix chipahuac an cate
 nozo amo, quenami quimitalhuitzinoa
 Sr. S. Pablo; ihuan quenami ica ze
 quali neyolhuitiliztli anmochipahua,
 manel miec, miec yez anmotlahtlacol;
 ipampa on quimitalhuitzinoa in Teo-
 tlahtol anazizque nezahualiztica, ihuan
 neyolhuitiliztica, in tla itla temihtiani-
 tlahtlacol anquipia, in tla amo tlen
 temihtiani tlahtlacolli anquipia, amo
 monequi anmoyolhuitizque: ac ne-
 hual anmechtlahtolmaca, anmechy-
 lehua, ihuan anmechmotlahtlauhtilia
 huel miec: ihquac itla anquimachiliz-
 que itech anmoyolo, manel amo yez
 temihtiani tlahtlacol, ximozencahua-
 ca, ipampa nin ome tlamanli: ze ipam-
 pa manel ixpan mehuan inon tlen an-

mech telhuaia moyolo hueliz yez tepit-
 zitzin, aquin quimati cuix ixpantzin-
 co Dios câ huei: ihuan ocze tlen ipam-
 pa anmechyolehua anmozencahuaz-
 que, câ inin: ipampa tla ancate ica gra-
 cia, ica in neyolhuutiliztli tlecoa nin
 gracia, ihuan ica non ocachi anmoyec-
 tlalia inic antlazelizque. ¿Ihuan tlen
 ocachi quali anquimonequiltia nocni-
 tiztzihua? ¿Amo ica non anquimixpan-
 tilia in Dios quenami anquelehui huel
 miec anazizquia quenami ze ángel, in-
 tla anhuelizquia? ¿Amo melahuac ih-
 quac itla paquiliztli anquipia, anmoyec-
 tlalia inic anquixpantizque ninpaquiliz-
 tli nozo ilhuil? ¿Ihuan tlen ocachi
 quali yezque mocnihua aquin quinequi
 anquimacazque paquiliztli ica anmo
 chipahualiz, ica anmoquali tlaquemitl;
 ihuan amo in Totecuyu Dios aquin
 anmotechpohui anquimomaquilizque
 nochi inixquich inquexquich paquiliztli
 tlen hueliz quimomaquilizque? Noc-
 nitzitzihua; xictelchihuaca nochi inix-
 quich inquexquich paquiliztli unca, in-
 tla amo moicnictia ica nin paquiliztli
 ten anquihuiquilia in Dios quenami

iteco anmoyolohua: quema nocnitzi-
 tzihua; amo aca ocze iteco quimopie-
 lia moyolohua. Ihuan tla Yehuatzin
 itech tlazeliliz anmechmomaquilia no-
 chi imahuizyolotzi; quen mehuan amo
 anquimomaquilizque nochi anmoyolo
 quenami Yehuatzin anmechpalehuiz?
 Auh ipampa nochi nin, ihuan tlen za-
 tepan tiquitazque ica Dios ihuelitzi,
 namechyolehua inic anmozencahuaz-
 que ihquac itla anquimachilizque itech
 anmoyolo, manel yez tzitzi tlahtlacol
 nozo pecado venial; amo ipampa nin
 tlahtlacol tepiton nozo pecado venial
 anmechtzacuilia inic tlazelilizque, ca
 ipampa ica ocachi chipahualiztli ana-
 zizque inic antlazelilizque i tlazoen-
 quizca chipahca Nacayotzin, ihuan i-
 chipahca yezotzi Totemaquixticatzin
 Jesucristo. Inic ocachi ancazicama-
 tizque tlen anmechmotlaohcolilia in
 Yehuatzin ihquac antlazelilia, ihuan ica
 non anquichihuazque nochi tlen hueliz
 inic yectiliztica anazizque, maticmoti-
 lica nin yei tlamantli: aquin hualmoih-
 catzinoa itectzinco in Santísimo Sa-
 cramento? Yehuatzin in huelneli Teotl.

ihuan huelneli Oquitzintli, zan quenami iheatzintli moyeztica ompa in Ilhuicac: aquin amo aqui itech Ilhuicac ihuan itech tlalticpac: aquin quimotlacamachitia in Angelosme, Santohme ihuan nochtin in Ilhuicachanehque: aquin ixpantzinco nochi Ilhuicac, tlalticpac ihuan mihtlan qui cuelpachoa i tlancua: aquin zan ica ze i tlanequilitzi oquimochihuili in Ilhuicac, ihuan tlalticpac, auh ica ocze hueliz qui poloz nochi: aquin amo tlen quimohtia, ihuan atle quelehuia: ipampa nochi tlen quimonequiltia quimopielitzinoa itectzinco. ¡Ah nocnitztizihua: amo nicmati quenami zequi tlaneltocanime quipia i yolo inic tlazelizque temihtianitlahtlacolpan: amo quimati aquin hualmoihcatzinoa itectzinco in Santísimo Sacramento; ihuan tla quimati, auh ica nochi non ihcon tlazelia, temoliti quexquich tlehcoa inin huei tlahtlacol itoca sacrilegio: ipampa mahuiltia ica Yehuatzin zan quenami yezquia ocze quenami yehuatl: amo nicmati quen amo motlapoa in tlale ihuan quintoloa inin

chihcoltlazeliani sacrilegos amo nic-
 mati quenin quinpahcayohuia Yehua-
 tzin, ihuan amo niman quintitlania
 mihltan, ihuan amo nezizque oczepa
 itech nin tlalticpac. Nocnitzitzihua;
 xicmahuilica huel miec inin huei te-
 mihtiani tlahtlacol itoca sacrilegio;
 nochi in temihtiani tlahtlacol anmo-
 techpohui huel miec anquimahuiliz-
 que; ac ocachi, ihuan huel zenca ocachi
 inin chihcoltlazeliliz itoca sacrilegio;
 ipampa ica nin melahcayopa motlah-
 tlacalhuilia inin tezahuicac, mahuiz-
 tic chipahca Persona Totemaquixtica-
 tzin: ihuan ipampa inin tlahtlacol câ
 quenami imachiotl i axca in tlahueli-
 lo: nochi in temihtiani tlahtlacol câ
 imachiotl: ac ocachi inin. ¿Ihuan quen
 amo nocnitzitzihua? Tla ica nin tlah-
 tlacol momati intlahtlacoanime: auh
 ipampa on miec yehuan tlazelia ze-
 zen xihuitl zan ipampa quintequihuil-
 tia, zan ipampa amo tlen qnihtozque
 ihuampohua, zan ipampa quitlapa-
 chozque ixolopitcayotl: auh pampa
 en anquimotilia miehque: tlazelia,
 ihuan niman moztlatica ye oyahque

tlahuanato, abuilnemito, nozo ocze
 tlahtlacol quenami nin. Amo quihui-
 huitla i tlahtlacol; ca zan quinactia o-
 me, yei tonal inic amo quintlalzacuil-
 tizque tlacamo tlazelia. Amo quita nin
 ixpopoyome ica non quichihua ze
 chihcolneyolhuutiliz, ihuan ze chih-
 coltlazeliliz, nozo ome sacrilegios. A-
 quin moyolhuitia quali, non quema
 manel quipiaz noch i inixquich inquex-
 quich tlahtlacol unca itech talticpac,
 hueliz tlazeliz ica mahuizotl: ipampa
 ica ze huelneli quali neyolhuutilizthi
 anmechmotlapopolhuilia in Dios za-
 zemi, ihuan atle tlahtlacol anmechmo-
 cahuilia: ihuan aquin amoquali moyol-
 huitia, manel za ixquich ze tlahtlacol
 quipiaz amo quitlapopolhuilia in Ye-
 huatzin; câ quicahuilia, manel miecpa
 moyolhuitiz: ihuan tla ihqui zemicae
 quichihua quaquinon quexquipa moyol-
 huitiz, quichihua ocze yancuic chih-
 colneyolhuutiliz nozo sacrilegio. Ma-
 ticmotilica ye, campâ hualmoihcatzi-
 noa Yehuatzin. Itech toyolo, miecpa
 oquimotlahtlacalhuili; itech ninyolo o-
 momaquilihca achto inahuac tlahuelilo

ica in temihtiani tlahtlacol; ¿quen amo
 anpinahuazque huel miec? ¿Quen amo
 anchipahuazque achto ica anmo ixayotl,
 ica ze quali neyolhuutiliztli, ica ze huei
 neyoltequipachol? ¿Quen amo antlax-
 tocazque, antlachpanazque, antlayec-
 tlalizque ihuan antlachichihuahazque i-
 tech anmo yolo inic anquimochializque
 Totemaquixticatzin Jesucristo? Ne ni-
 quita ihquac ze monamictia, motlaxto-
 ca, motlachpana, motlayectlalia, motla-
 chichihua, motocpehua xochil ichan
 yancuicnamique, inic quinmochializ-
 que, inic ihquac azizque nochi yecti-
 liztica yez ¿ihuan amo anquichihuahaz-
 que ihcon inic anquimochializque inin
 zenca chipahca Jesus? ¿Tlen ocachi
 amechyoltlanazque anmocnibua, i-
 huan amo inin tetlazotlani Dios? ¿Oca-
 chi annentlamatizque inic anquimacaz-
 que paquiliztli in mohuampohua, amo
 inin zenquizca Tatzin, Teyocoxcatzin,
 Temaquixticatzin? Tla namehuantzi-
 tzin nechmotlahtlanilia, quenin hueliz
 titlaxtocazque, titlachpanazque, tic-
 layectlalizque, ihuan tictlachichihuahaz-

que itech to yolo; nannechmonanqui-
 liliz ihquinin: antlaxtocazque quihtoz-
 nequi, anquiquixtizque in talzol tlen
 unca itech cali; zanoihqui, antlaxtocaz-
 que itech anmoyolo quihtoznequi, an-
 quiquixtizque nochi inixquich inquex-
 quich tlahtlacol unca itech anmoani-
 matzin, ica ze huelneli neyolhuutiliztli.
 Antlachipahazque quihtoznequi, anqui-
 polihuizque nochi in catzahualiz: an-
 moyolchipahuazque quihtoznequi, atle
 temictiani tlahtlacol anquimocahuiliz-
 que anmoyolotzi; quenami quichihua
 zihuame ihquac tlapaca; nochi in ca-
 tzahualiz tlen quipiaya in tlaquemil,
 nochi quinpoloa ica in atl campa aic-
 queman oczepa motaz: zanoihqui an-
 quichihuazque ica non catzahualiz o-
 huetz itech anmoyolo ica in tlahtlacol:
 anquichipahuazque ica anmoixayotl,
 ihuan anquitlaxilizque huehca campa
 aicqueman oczepa motaz: ipampa huel
 chipahuac monequi yez anmoyolo inic
 anquimochializque in Totemaquixtica-
 tzin Jesucristo. Ma quimotilica nochi
 nin aquihque ica ze iyolo catzaqui, pa-
 lanqui ica miec tlahtlacol, quimozelilia

itlazozenquizea chipahca Nacayotzin
 Totemaquixticatzin Jesucristo. ¿Tlen
 amo quimati, i elpan ze tlaneltocani câ
 quenami ze Teopan, ze Teocale, ze
 Ilhuicac conel campa moyeyantitzinoa
 Yehuatzin ihquac ze tlazelia? ¿amo
 quimati, ihqui monequi quichipahuaz-
 que iyolo, inic ica mahuizol quimo-
 chializque in Totemaquixticatzin? ¿Ah
 ixpopoyome, amo nanquita moyolo
 câ quenami ichan in lechohme, ihuan
 atle tequipachol amechmaca; ihqui
 anquicalaquia in Yehuatzin: ompa
 mihtlan anquitazque tlen nican amo an-
 quinequi anquimotilizque; manel miec-
 pa amechtatzilia in Tenquixticatzin;
 manel miecpa anmechtelhuia moyolo:
 ye anquitzaque anmo ixtololohua: ye
 anquitzaque anmo nacazhua: ye amo-
 yotlacuahuilique: ompa anquitazque
 ixpantzinco in Dios. Yehuatzin miec-
 pa mohuehcahuitia, ac aiequeman
 quilcahua tien quichihuilia in tlahtla-
 coanime. ¿Ihuan quenin annoyec-
 tlalizque inic antlazelizque quali? I-
 ea nin ome; tlamantli tla amo quali câ

anmoyolo ixpantzinco in Dios, ihuan
 ixpan anmohuampohuan, momex in
 anquimomaquilizque in tlen anmotech-
 pohui; in Dios, tlen i axca Yehuatzin,
 ihuan in anmohuampohua, tlen i axca
 yehuan ¿Dios oanquipolihuihque ima-
 huizotzi ica in tlahtlacol? quema: qua-
 quinon i mahuizotzi anquimocuepi-
 lizque ica ze huelneli neyoltequipachol,
 ica ze quali neyoluitilizth, ica ze
 huelneli tlamazehualiztli anquichihuaz-
 que niman ihquac huelitiz, ihuan ica no-
 chi inixquich inquexquich quali tlachi-
 hual hueliz anquichihuazque inic anqui-
 cuepilizque imahuizotzi quenami oan-
 quiquixtilihque ica in tlahtlacol. ¿An-
 mohuampohuan oanquinqixtilihque i-
 mahuizo; ipampa oanquinmemeltihque
 tlahtlacol, nozo oanquiquichtequilih-
 que tlen i axca? Monequi nochi nin a-
 moquali, anquiyectlahzque inic anqui-
 cuepilizque anmohuampohuan tlen i-
 axca: cuix anquincuepilizque achto,
 nozo hueliz antlazelizque ihuan anmo-
 zemiznahuatizque inic niman, niman
 ihquac huelitiz anquichihuazque; inon
 anmoteyolhuiticatzin quimitalhuitzinoz

quenami anquiyectlalizque nochi, inie-
 hueliz antlazelizque quali. ¿Ihuan que-
 nin antlachichihuazque itech anmoyo-
 lo inic anquimochializque in Yehua-
 tzin? Quenami motlachichihua itech
 ze Teopantzintli ihquac unca ze ilhuitl.
 ¿Amo anquimotilia quenami nochi mo-
 tlatzetzelo, nochi mopaca, nochi mo-
 tlalia campa itechpohui: motlaquentia
 ica quahquali tlaquemitl: nochi Teo-
 pantzintli tlaneztica ica ixquich can-
 dela xotlaticate, ihuan ahuiac ica ix-
 quich xochitl oquitlalihque? Ca za-
 noihqui, ihuan ocachi quali antlachi-
 chihuazque itech anmoyolo, inic mo-
 chihuaz nin huel huei ilhuitl ompa ih-
 quac antlazelizque. Mopahpaquiltia
 Dios Tetatzin, ipampa quimotilia an-
 quimomaquilia mahuizotl i mahuiz Ico-
 netzi: mopahpaquiltia in Dios Ipiltzin,
 ipampa anmechmomaquilia itlazozen-
 quizca Nacayotzin: mopahpaquiltia
 Dios Espíritu Santo, ipampa quimoti-
 lia chipahuac câ anmoanimatzi ica i-
 graziatzin: nochi in Santísima Trini-
 dad hualmoihecatzino a quimochihuilh-
 qui inin huei, ihuan huelzenca huei il-

huitl. ¿Quen amo antlachichihuazque
 itech nin Teopanyolo, matiquitoca
 ohconon? ¿Quen amo anquitzetzeloz-
 que nochi inixquich inquexquich tepi-
 ton tlabtlacol, intla anquipia? ¿Quen
 amo anquipahpacazque animoanimatzi
 ica animoixayotl? ¿Quen animo animo-
 tlaquentizque ica Tequaltiayatzin gra-
 cia; ica nin chipahuac tlaquemitl iax-
 catzi anmoyolia? ¿Quen amo xotlaz
 nochi animo animatzin ica in huei ihuan
 mahuiztic tlahuil nelioquiliztli santísi-
 ma fé, tlen ica anquimotilia quenami
 hualmoihcatzinoa in huelneli Teotl i-
 huan huelneli Oquitzintli: amo in ipzi-
 tlayotzin: ca aquin huelneli moyeztica
 ompa in Ilhuicac? ¿Quen amo ahuiaz
 annoyolo; amo ica xochitl quenami in
 Teopan; ca ica miec quali tlachi-
 hual oanquimotequipanilhuitihque ach-
 to? Necnitzitzihua: Dios ni calhuilia
 nochi tlen nechpoloa itechcacopa nin
 huel huei Sacramento, inic mehuantzi-
 tzin huelizquia tlazelizque quenami
 Yehuatzin quimonequiltia. Ma nitla-
 mi ica non tlen techpoloa tiquitazque.
 ¿Catle in ye? In tlen ipampa hualmih-

eatzinoa Yehuatzin itech anmoyolo.
 Ipampa quimonequiltia mozetiliz an-
 monahuac, ihuan melhuan anmozeti-
 lizque ica Yehuatzin, inic aic oczepa
 anquimocahuilizque: auh ipampa on
 anmechmomaquila nochi tlen quimo-
 pielitzinoa quenami Teotl; nochi tlen
 quimopielitzinoa quenami Oquitzintli;
 ihuan nochi tlen quimopielitzinoa ze-
 tilihlica quenami Teotl ihuan quenami
 oquitzintli. ¿Tlen ocachi hueliz an-
 mechmomaquiliz Yehuatzin? Anmech-
 momaquilia tlen quimopielitzinoa que-
 nami Teotl; igraciatzin: ipampa gra-
 cia quihtoznequi, ze iyelitzin in Dios,
 tlen ica anmochihua ipilhuantzitzihua.
 Noihuan anmechmomaquilitzinoa tlen
 quimopielia quenami Oquitzintli: ipam-
 pa anmechmomaquila i tlazozenquiza-
 ca Nacayotzi, i tlazozenquizca yezo-
 tzin, ihuan i tlazozenquizca ianima-
 tzin. Za noyuhqui anmechmomaqui-
 lia nochi tlen zetilihtica quimopielitzi-
 noa quenami Teotl ihuan quenami O-
 quitzintli: ipampa amechmotlaocolilia
 nochi imahuiz itlachihual itoca méri-
 tos, tlen ica hueliz anmoteixpantizque

inahuactzinco in Dios, ihuan Yehuat-
 tzin moyolzehuiz, manel miec yez an-
 mo tlahtlacol, in tla ye nochtin oanqui-
 chipahque ica ze huelneli neyolhuiti-
 liztli. Nocrnitztizihua: oczepa nanmech-
 tlahtlanilia ;tlen ocachi hueliz anmech-
 momaquiliz nin to huei Tatzin ihquac
 yectiliztica anquimozelilia i tlazoen-
 quizca nacayotzin? Axca mehuan xic-
 motlazocamatilica huel miec nin gra-
 cia, ihuan amo zan niman xicmolca-
 huilica quenami miec quichihua ihquac
 ye otlazelihque; ca yolic xicquilnami-
 quica aquin Yehuatzin anquimozelilih-
 que: campa oanquimocalaquitzinoh-
 que, cuix chipahualiztica oanquimo-
 chialitzinohque itech anmoyolohua, i-
 huan tlen oquimochihuilitzinohco ipan
 anmo animatzin quenami ye otimoti-
 lihque.

LECCION DECIMAQUINTA

PARA LA MAÑANA DEL OCTAVO DIA.
Sobre la Gloria.

Nocrnitztizihua: manel amo nicmati
 quenami moyeztica in ilhuicac; ica

Dios i palehuilocatzin, ihuan tlen ica Yehuatzin techmolhuilitzino a ipan teoyotica amatzintli itoca Santa Escritura, namechmolhuiliz tlen tepitzin nicazicamati, tlen ica hueliz namech-yolehuaz, inic ocachi, ihuan huelzen-ca ocachi anquitelchihuazque anmo tlahtlacol, anquicuepazque non amo-quali nemiliz ancuicaya; ocachi an-mozemixnahuatizque inic amo oczepa antlahtlacoque, ihuan ocachi anque-lehuizque anyazque ompa campa ze-micac mozehuitizque, mopahpaquil-tizque, moicnictizque ica nochtin in il-huicachanehque.

Xicmotilica yolic ica anmoanima-tzin nin ilhuicatlahtocayol, inic an-cazicamatizque campa amechmochia-lihtica Totecuyu Dios inic amech-tlahtlahuiliz nochi anmoqualtlachihual tlen ica oanquimoyectequipanilhuili-hue ipan nin tlalticpac, ihuan tlen ica mehuan oanquitlanihque nin Ilhuicac: intla yectiliztica anmomiquilia.

Xicmomachtitzinolca nocnitztzi-hua catle ye nin Ilhuicac, ixquich án-quelehuia momoztla, ihuan alchica. Il-

huicac, quihtoznequi ze mahuiztīc, chipahuac, tezahuiaē ichantzīnco Tote-
 cuyu Dios campa anquimotilitzinoz-
 que in Yehuatzin zan quenami moyez-
 tica; amo zan ipzitlayotzin quenami
 axcan anquimotilia ica in neltoquiliz-
 tli santa fé; ca ompa anquimotilizque
 quenami axca anmozepanquita anmo-
 xayac: ompa acmo aquin mayana, a-
 miqui, zecui, mococoa: amo aquin mo-
 tlacatia, mozcaltia, nozo momiquilia:
 amo aquin tequipanoa: ye otlanqui a-
 quin amechnahuatiz, aquin amech-
 tlatzacuiltiz, aquin itla tequipachol
 hueliz amechmomaquiliz: amo aquin
 mohuehuetia, amo aquin mozialhuitia:
 amo aquin tlacoa, tlanamaca, nozo
 quitemoa tlen ica mopanoliz: nochtin
 in ilhuicachanehque metzticate ipan i
 mahuiz yeyantzin, tlen itechpohui i-
 pampatica non mahuiztlachihual tlen
 nican oquimoyectequipanilhuihque in
 Yehuatzin: ipampa on quimitalhuitzi-
 noa Totemaquixicatzin Jesucristo i-
 pan Santo Evangelio: ichantzīnco no
 Mahuiztatzin cate miec yeyantli: *in*
domo Patris mei, mansiones multae, sunt.

Tomahuiznantzin Santa Iglesia quin-
moxelhuilia ihquin. In Totlazozen-
quizcanantzin María Santísima qui-
moyecanilia nochtin in Ilhuicachaneh-
que ipampa on quimopielia Yebuatzin
ze huei ihuan huelzenca huei tezahui-
cac mahuizticzeyantzi ompa Ilhuicac
quizenpanahuia nochtin, ihuan mo-
yeztica Zoatlahtocatzin nozo Reina
iaxcatzi nochtin Ilhuicachanehque:
zatepania moyeyantitzino a zezeahcan
non chiquinahui coros iaxcatzi in An-
gelosme. Ze iaxcatzi in Angeles, quib-
toznequi aquihque Dios quimmomaqui-
lia amo in huei tequitl quenami i-
non techmocutlahuizque: ocze ocachi
huei iaxcatzi in Arcángeles, quenami
non oquimomaquili in Sr. S. Miguel
quintohtocazquia in tlahuelilohque
ompa mihtlan, ihuan moyeztica que-
nami ichicahuacmatzi iaxcatzi in To-
tecuyu Dios: in Sr. S. Gabriel, oqui-
motlahpalhuilizquia in María Santísi-
ma inie ixilantzinco moquixnacayoti-
tzinozquia in Dios Ipiltzin: auh in Sr.
S. Rafael quixpahtizquia in Santo
Tobias, ihuan quinamictizquia Ipiltzin

Tobias conetl: ocze coro iaxcatzi in *Principados*; quihtoznequi aquihque Dios quinmomaquila in tequitl qui cuitlahuizque in altepenme, in Tlahtocayotl: ocze i axcatzi in *Potestades*; quihtoznequi inon Angelosme aquihque Dios quinmomaquila chicahualiz inic quintzacuilizque in tlahuelilohque inic amo tlen amoquali techchihuilizque: *Virtudes* quihtoznequi oczequin Angelosme aquihque Dios quinmomaquila huei teoyotica chicahualiz inic quimochihuilizque miec tezahuicatlachihual *obras admirables*: oczequin in Angelosme motocayotitzinoa *Dominationes*: ipampa quinpia miec huelitiliztli ipan tlacame, ihuan ipan oczequin Angelosme metzticate ocachi tlatzintla: ocze coro motocayotitzinoa *Tronos*, non Angelosme metzticate quenami campa quimotlalilia Totecuyu Dios imahuiz ixitzitzihua: in ocze coro motocayotitzinoa, *Querubines*; inique metzticate quenami in Temachtianinme in oczequintin: ihuan ocze tlen ica motlamitia, ihuan quinpanahua nochtin, motocayotitzinoa

Serafines: ipampa huel ocachi quin-
 motlazotilia in Totecuyu Dios: nin
 huelzenca huei teotetlazotlaliz quin
 zetilia ocachi ica Yehuatzin. Nocni-
 tzitzihua, ¿quen amo yez zenca quali,
 zenca mahuiztic, zenca chipahuac,
 zenca tezahuicac nin pahpaquiliztli
 Gloria, campa Dios techmoixpantilia
 i mahuiz i xayacatzin? ¿campa nochtin
 *Ilhuicachanehque mozepantlazohtilia,
 mozepan mahuiztililia, mozépan yequi-
 ta? ¿campa nochtin mozepanzehtilia?
 ¿campa atle tequipachol quimopieliz-
 que; ihuan amo, ome, yei xihuitl qui-
 mopielizque nin paquiliztli, ca zemicac,
 zemicac ompa mopahpaquiltiezque, mo
 zehuitiezqui, moteochantizque? ¿Quen
 amo yez zenca mahuiztic inin pahpa-
 quiliztli Gloria, campa zemicac mo-
 tlazotilia in Dios, ihuan aicqueman
 oczepa motlahtlactalhuilia in Yehua-
 tzin? Nin quema, nocnitztitzihua, huel-
 zenca quitlehcoltia in Ilhuicac; nin
 quimochihuilia ocachi mahuiztic, oca-
 chi chipahuac, ocachi tezahuicac.
 Hueliz anquihtozque: ye otimotilh-
 que i mahuiz yeyantzi in María San-

tisima ihuan i axcatzi in Angelosme,
 ihuan tehuan campa timoyeyantizque,
 timozehuitzinozque? Ompa nio, noc-
 nitzitzihua, inon neehpoloa inic anmo-
 yolehuazque, ammayolalizque, anque
 lehuizque, anquitemozque nin Tezahui-
 cac Ilhuicac. Tla ye oanquimotilihque
 campa, ihuan quenin moyeyantitzino
 in Angelosme ompa Ilhuicac, axcan
 anquimotilizque ica Dios igraciatzin
 campa ihuan quenin mozehuitiezque,
 mopahpaquiltizque, moteochantizque
 in tlacame. Ompa Ilhuicac unca ye-
 yantli campa mozehuitiezque, mopah-
 paquiltiezque in *Patriarcas: Patriarcas*
 quihtoznequi i cohcoltitzihua Tote-
 maquixticatzin Jesucristo quenami o-
 quitzintli, ixquich quimochialibhticatea,
 ixquich quimotlahtlauhtiliaya in Dios
 quimotitlanilitzinozquia inin Tema-
 quixticatzin Jesus, nochtin quelehuia-
 ya itectzinco motlecatitzinozquia Ye-
 huatzin. Oeze yeyantzi campa moze-
 huitzino in Huehcatlachianime nozo
Profetas: Huehcatlachiani nozo Pro-
feta quihtoznequi, aquin quimotilia tlen
 ayamo mochihua, quenami tla ze quih-

tozquia ienica ze xihuitl tlamiz in tlat-
 tiepac, ihuan ihqui mochihuazquia,
 yezquia Huehcatlachiani nozo Profe-
 ta. Ocze yeyantzi i axcatzi Tlama-
 chtiltzitzihua nozo *Apóstoles*: ipam-
 pa ixquich oquimoyectequipanilhuilih-
 que inic techmocalhuilizquia in Santo
 Evangelio: ocze yeyantzi i axcatzi in
Mártires; quih-toznequi nochtin aquih-
 que oquimonoquilihque, ihuan quimo-
 noquilia i yezo ipampa Totemaquix-
 ticatzin Jesucristo motocayotitzinoa
Mártires: ocze yeyantzi campa mo-
 zehuitia in yectlaneltocanime motoca-
 yotitzinoa *Confesores*: ocze campa
 mopahpaquiltiezque in ichpocatzitzi-
 hua, mozentenetzinoa *Virgenes*: quih-
 toznequi, aquihque alcqueman oquimo-
 tlahtlacalhuilihque in Dios ipan in a-
 huilnemiliz tlahtlacol ica itlahtol, i tla-
 chihual, ihuan i tlamachiliz: ihuan ma-
 yez zihuatl, mayez Tlacatl, tla amo-
 mocatzahque ica nin tlahtlacol, moto-
 cayotitzinoa virgen: ihuan ocze huel-
 zenca huci, huelzenca coyahuac, huel-
 zenca patlahuac campa moyeyantitzi-
 nozque, mozehuitiezque, mopahpa-

quiltizque nochtin qualtinme tlanel-
 tocanime yectiliztica omomiquilihque:
 quenami aquin axca moyolhuitia, ihuan
 tlazelia ahchica; ahchica quimochihui-
 lia netlahhtlauhtiliz, quimotemaquila li-
 mosna, quipalehuia ihuampohuan ih-
 quac itla tecohcocayotl quinpia: aquih-
 que ocalaquihque nican iteēh santos
 ejercicios i axcatzi Sr. S. Ignacio, i-
 huan ica Dios igraicatzin, ica Yehua-
 tzin ipalehuilocatzin quali omoyolhui-
 ti, quali otlazeli, oquitelchi intlahtla-
 col, omonemilizcūep, omozemizna-
 huati acmo, acmo oczepan quimotlah-
 tlacalhuil tzinoz in Totecuyu Dios.
 Xicmotilica, nocnitztizihua, campa a-
 mechmochialihtica in Totecuyu Dios:
 qūen amo moyolalizque, moyolehuaz-
 que ica nin Ilhuicac, pahpaquiliztli
 Gloria. Ye oanquimotilihque nin Te-
 zahuicac, mahuitzie ichantzincō To-
 tecuyu Dios, campa, ihuan quenin mo-
 zehuitiezque zezeahca nochtin in Il-
 huicachanehque; axca nechpoloa na-
 mechmolhuiliz: quenin mopahpaquil-
 tiz i animatztizihua, ihuan i nacayo-
 tzin in Ilhuicachanehque: ipampa mo-

mextintzitzin, i anima ihuan i nacayo
 quimopielizque nin zencuiltonoliztli,
 nin Ilhuicac: maticmotilica yolic. In
 anima moyechihua ica nin yei tlaman-
 tli, i tlamachiliz, i quilnamiquiliz, ihuan
 i tlanequiliz; nochtin nin yei huelitiliz-
 tli, nozo potencias mopahpaquiltizque
 ompa Ilhuicac. In ixtlamachiliz: ipam-
 pa ilhuicachanehque zemicac cazica-
 matizque ihuan quimotilizque nin Dios
 aquin nican zan quimoneltoquitiaya:
 acmo metzinohctiezt ichtaca quenami
 nica metzinohtica; ca quimotilizque
 chipahualiztica, melahcayopan quena-
 mi moyeztica. Iquilnamiquiliz, zemi-
 cac mopahpaquiltiz: ipampa zemicac
 quilnamictiez aquin nin Totecuyu Dios
 ixquich oquimoyectequipanilhuili ipan
 nin tlalticpac, ica huel oquimopieli i
 tlanahuatiltzitzihua. Ompa cazicama-
 tiz, ihuan quilnamiquiz ahuel moixco-
 macazque noch, inixquich tecohcoca-
 yotl tlen nican omopanolti ipampa
 Yehuatzin; ihuan quexquich, quex-
 quich quipanahuia nin teoyoticatlax-
 tlahualiz non tequiltzintli oquimochi-

huili nican tlen ipampa oquinctlanili
 nin Ilhuicac: ompa quilnamiquiz ihuan
 quimotiliz quenami Totecuyu Dios qui-
 motlaxtlahuilia ze quali tlachihual ica
 macuitlpoal tlaxtlahualiz: ze tlahtol,
 ompa cazicamatiz, quilnamiquiz, ihuan
 quimotiliz miec quahqualtzitlachihual
 tlen ne ahuel niquihtoz ipampa amo
 nicmati tlen nin Ilhuicac. Ac tlen
 ocachi mopahpaquiltiz, ihuan ocachi
 quimachiliz nin huei pahpaquiliztli
 Gloria, nin huei Zencuitoniliztli, in
 tlanequiliz, in tetlazotlaliztli: ipampa
 ye quimopielia itectzinco aquin ix-
 quich oquimotlazotili nican, aquin ix-
 quich oquimotemoiliaya ica i qualine-
 miliz, ixquich oquelehui mozetilizquia
 inahuactzinco: ye zazemi omoyolze-
 hui: ye mozepan nahuatequihque, mo-
 zepan teotenamiquihque aquin moze-
 pantlazotlahque, mozepan quelehuil-
 que. Nocnitzitzihua amo nicmati tlen
 niquihtoz itechcacopa nin Pahpaqui-
 liztli Gloria; ocachi quali ma nimoten-
 piqui, ihuan ma nicahuili in Dios tlen
 ahuel niquihtoz, aui Yehuatzin an-
 mechmolhuiliz anmoyoloihtic tlen a-

mo caxilia no tlahtol, ihuan maticmotilica tlen paquiliz quimopieliz i tlalnacayo ze ilhuicachane. I tlalnacayo ze tlalticpactlacal moyecchihua ica macuitl machiliztli nozo sentidos; i tlachializ, ze; i tlacaquiliz, ome; i quihnecuiliz, yei; i camapaquiliz, nahui; ihuan i tlamatoquiliz macuitl quenami ye otimotilihque ocze tonal. Ica i tlachializ quimotiliz noch i tlen unca ompa Ilhuicac; zemicac tlamahuizotiez ihuan aicqueman moziahuitiz; quenami nican tlalticpac moziahuitia ze, ihquac miecpa itla quimotilia. I tlacaquiliz zemicac quimocaquititzinoz ze yancuic teoyoticatlatzotzonaliz, noihuan aicqueman moziahuitiz. Iquihnecuiliz, no quipiaz i pahpaquiliztli ica ze yancuic teoahuializ. I camacpaquiliz quimopieliz ze yancuic teoyotica tlacualtzintli tlen ica zemicac teoixhuiz, ihuan aicqueman apizmiquiz. I tlamatoquiliz, quenami quinamiqui noch i tlacayotzi, hueliz niquihtoz huel oacchi mopahpaquiltiz itech nin matoquiliztli nozo sentido, ihuan huelzenca

ocachi, ipampa Dios quimomaquiliz,
 nozo quiquentiz i tlacayotzi ze il-
 huicachane ica nahui tlamantli itoca
 dotes: ze tlen ica acmo tlen tecohco-
 cayol quimachiliz i tlacayotzi, quena-
 mi cocoliztli, apiztli, miquilitzin, auh
 ipampa on manel calaquiz itech tleil,
 amo tlatlaz, manel calaquiz itech atl,
 amo paltiz; itech in zoquitl, amo mo
 catzahuaz, auh ihcon ipan nochí tla-
 mantli ihuan amo tlen quimihiyohui-
 tiz; ihuan nin gracia itoca *impasibili-*
dad: noihuan i tlacayotzi ze ilhuica-
 chane, moicaz campa quimonequiltiz,
 zan axca, totoca, iczica, ihuan amo
 mohuehcahuitiz, nozo moziahuitiz: nin
 itoca, *agilidad*: zanoihque yez zenca
 mahuiztic, zenca chipahuac, tlaneztiez
 quenami tonal, ihuan huelzenca oca-
 chi: nin gracia itoca, *claridad*; ihuan
 inic nauhtetl gracia itoca, *sutileza*;
 quihtoznequi: i tlacayotzi ze ilhuica-
 chane amo tlen quitzacuiliz, inic mo-
 calaquititzinoz, ihuan moquixtitzinoz
 ic campa quimonequiltiz: quenami ax-
 ca ica anmotlamachiliz anquiza, i-
 huan ancalaqui campa anquinequi i-

huan atle telpiloyan, atle tepantle an-
 mechtzacuilia; ihcon mocueptzinoz i
 tlacayotzi in ilhuicachanebque, quena-
 mi ze ixtlamachiliz. Xicmotilica noc-
 nitzitzihua nin Ilhuicac campa anya-
 hui; ye anmopehualtihque in ohtle, xi-
 motlamitica, nocnitzitzihua: zan tepi-
 tzin anmechpoloa: amo ximonactica;
 ximotlaloca, xipatlanica inic anaziz-
 que ompa Ilhuicac: amo xicahuaca in
 neyolhuutiliztli caxtoltica, nozo metz-
 tletica; zanoihqui in tlazeliliz. Momoz-
 tla in netlahltlauhtiliz quenami Dios
 anmechpalehuiz: ahchica ximoilnami-
 quica tlen nican oanquimocaquitihque,
 auh ica non hueliz anquimopielizque
 tlen nican anmozemiznahuatihque, i-
 huan ocachi totoca ancazizque non Il-
 huicactlahtocayotl, campa niquelehuia
 huelmiec timozepanquitazque, quena-
 mi itectzinco Dios nimotemachia mo-
 chihuaz.

LECCION ULTIMA

Sobre la perseverancia final.

Amo nochi aquin mopehualtia quali, ihqui motlamitia; ca in aquin quimocuitlahuia i gracia inic ica ye momiquiliz ihuan ihqui momiquilia, inin quema motlamitia quali; inon otitemoco nican nocnitztizihua, timotlamitizque quali; ihuan inon tiquelehui ticmatizque; quenin hueliz ticuitlahuizque non gracia **D**ios otechmomaquili, inic acmo oczepa ticpolozque, auh ica ye timomiquilizque: noihuan inon nicnequi anmechixpantiliz axca ica **D**ios igraziatzin. Xicmomachitica achto nocnitztizihua: miec mopehualtia quali, ihuan motlamitia amoquali: ihuan miec omopehualtiique amoquali, ihuan omotlamitihque quali, quenami Sr. S. Agustin, Sta. María Magdalena, S. Dimas, Sta. Margarita de Cortona ihuan oczequi santos tlahtlacoanime quenami ninque: ipampa manel oquinmotlahtlactalhuiliique in **D**ios; niman ih-

quac oixtlapohtzinohque, omoyolcuep-
 tzinohque, oquitelchihque i tlahtlacol,
 omoyolcocolhque melahcayopan, tlen
 ica ocazihque gracia ixpantzinco in
 Dios ihuan nin gracia zemiac oqui-
 pixque, auh ipampa on axca metztica-
 te Ilhuicac: za noyuhqui hueliz mochi-
 huaz anmonahuac: aquin quimati cuix
 miec omopehualtihque quali: ohualah-
 que rica ica noch i tlanequiliz, ica
 miec paquiliztli, ihuan moztla, nozo
 huiptla quilcahuazque noch tlen o-
 quimocaquititzinohque: quilcahuazque
 non tlahtol tlen oquinmomaquiliha in
 Dios inic acmo ozepea quimotlahtla-
 calhuilizquia: quilcahuazque noch non
 tequipachol oquinmomaquiliha i tlah-
 tlacol: quilcahuazque noch non quali
 ejemplo oquiquitilihque i icnitztizihua
 nican: ma zazemi niquihto: quilcahuaz-
 que noch inixquich inquexquich gra-
 cias Dios oquinmochihuili nican inic
 momaquixtizquia: quexquich tomin o-
 poli ipampa yehuan; quexquich tocnit-
 zitzihua otequipanohque ipampatica
 yehuantin: quexquich teopixcatzitzin-
 tin oquicahque ichan, ihuan itequi,

inic hualmoiheatzinozquia, nozo quichihuilibco in sermon, nozo quin yohuitico, nozo tlapalehuico ica ocze tlamantli: nochi non ihuan ocachi gracias oquinmochihuili itech nin tlateochihual caltzintli; jhuan oczepa nehne-mizque ipan nochi in amoquali quenami achto? tlen pinahualiztli nin, nocnitztizihua: mopinahtica miec nin tlateochihual calztintli, nozo *santa casa de ejercicios*, mopinahtia miec niquih-toa, amo in tetl, nozo in tepamitl tlen ica moyecchihua; ca nitlahtoa ica nochi non quimocuitlahuibtcate, nin calztintli i axcatzi in Dios, ihuan tlapalehuia ica i tomin, ica i tequitl, ica i tlah-tol, inic mochihuaz nin santos ejercicios, jhuan oczepa nentininemizque ipan ixolopihecayol aquin oquimazehuih-que in santos ejercicios? Mo pinahtia ica non, motequipachohtzinoa, tlayocoya ipampa zaniman oczepa oquilcabua in Toteccuyu Dios. Quenami miec mopahpaquiltitzinoa nin tlateochihual calztintli ihquac mopehualtia santos ejercicios, tla quimotilia quali mopehualtia aquin huala mazehuiqui inin huelzenca

quali tlachihual; ihuan ihqui quitepoz-
 tocazque zemicae: zanoihqui tlayo-
 coya huel miec ihquac quimotilia ni-
 man quileahua nochi nin quali nemiliz.
 Nocnitzitzihua ipampatzinco in Dios
 amo xicmomaquilica Yehuatzin nin
 buel hueli tequipachol: xicnetlamatica
 huel miec inic anquicuitlahuizque nin
 gracia Dios amechmochihuili: ye anmo-
 yolhuitihque quali quenami itectzinco
 Dios nimotemachia: ye oantlazelihque:
 ye ancuca anmoyoloitit in Ilhui-
 cactlahtocatzin: ye amechtlahpaloco:
 quimonequiltia mochantitzinoz itech
 anmoanimatzi: amo xicmotolitoquili-
 tzinohea: amo xicmomaquilitzinohea
 ohtle inic moihecatzinoz campa quimo-
 nequiltitzinoz; ipampa mehuan acmo
 anquinequi moyeztiez an monahuac
 macamo ihqui mochiuaz nocnitzitzi-
 hua. Aquin quimati cuix zequin ame-
 luantzitzin omopehualtihque amo qua-
 li: ipampa amo oanhualâque nican ica
 anmotlanequiliz; amo ica paquiliztli,
 ca ica tlahuel; ipampa amechtequi-
 huilitihque, nozo anmocihuame, nozo
 anmotahua, nozo anmotecohua nozo

ocze; auh ipampa on amo anquinequia-
ya, ihuan antzinquizaya, ica niepia te-
quitl, nimococoa, amo niepia tlen ni-
cahuiliz nopilhuan tlen ica mopanol-
tizque, ihuan oczequin tlahtol quenami
nin amechtlaliliaya tlahuelilo ipan
anmotzonteco, inic anquicahuazquia
in santos ejercicios: ac Totecuyu Dios
ipampa i huel huei teicnoitalitzin o-
mechqualiquili nican inic anmoyol-
cuetzinozque: auh ica non, manel a-
mo quali, oanmopehualtihque, ica igra-
ciatzin in Dios anmotlamitizque quali,
quenami itectzinco Yehuatzin ni mo-
temachia: ipampa nicneltoca, Totema-
quixticatzin Jesucristo, amo quimo-
temoihlico in quahqualtinme, ca qui-
motemoihlico in tlahtlacoanime: zaix-
quich polihui, inin tlahtlacoanime amo
quali omopehualtihque, ihuan aquih-
que ye Dios oquinmomaquilitzino i-
graciatzin ipampa i mahuiz teicnoitali-
tzin, ma quicuitlahuica huel miec; auh
ica non manel amoquali omopehual-
tihque, motlamitizque quali, ihuan a-
mo polihuiz itlazozenquizca yezotzin
oquinmonoquili ipampa nochtin in tlah-

tlacoanime; ica non ximoyolehuaca
 nocnitztizihua, xicmoyelehuaca; ipam-
 pa in tlahtlacoanime ohualmoiheatzi-
 no Totemaquixticatzin Jesucristo; i-
 pampa yehuantzitzin omotlayohuil-
 titzino, ipampatica omomiquilitzino.
 ¿Tlen amechmohtia inic amo an qui-
 tepoztocazque zemicac nin gracia, nin
 tetlazotlalitzli i axcatzi Dios Espiritu
 Santo in tla ye oanquimozelilihque ni-
 can, manel amo anbualahque ica no-
 chi amotlanequiliz: ipampa Dios ica
 imahuiz teicnoitalitzin ye oamechcuet-
 tzino an moyolohua, ihuan amechmo-
 maquili i graciatzin? ¿Tlen amechmoht-
 ia oczepa namechtlahtlanilia? ¿In tlen
 quihtozque namocnihua ihquac ame-
 chitazque acmo nancate quenami ach-
 to, ihuan ica non amechtenehuiliz-
 que Santos ihuan amechhuehuetz-
 quilizque? Ma quihtoca nin, ihuan
 nochitlen ocachi quinequizque amo
 ximohmotica: yehuan ziahuizque, i-
 huan mehuantzitzin anmomaquixtiz-
 que, auli zatepan mehuantzitzin anqui
 huehuetzquilizque in yehuan: ¿Tlen a-
 mechmohtia in tecohcocayotl tlen quih

mopanoltia in nochtin aquin quimote-
 poztoquilia in Dios? Ximoilnamiqui-
 lica quexquich omopanoltitzino Ye-
 huatzin quenami oquitzintli achto to-
 pampatica. ¿Aquin hueliz amechtza-
 cuiliz nin quali nemiliz nican oanqui-
 pehualti que, intla mehuantztzin amo
 anquicahua ican anmotlanequiliz? ¿A-
 mechmochtia in tlahuelilo, in an moc-
 nihua, in amonacayo, nin yei toyao-
 hua nozo enemigos anquipia ihuan
 zemicac quinequi amehztacuilizque i-
 nic amo anquimoyectequipanilhuiliz-
 que in to mahuiz Tatzin Dios? Xi-
 moilnamiquilica quexquich Santos i-
 ca nin nacayo tlen anquipia, omopale-
 huil que huelmiec, ihuan amo omote-
 macahque inahuac, ca zemicac oquin-
 tlechi que, oquincocoli que, oquintla-
 nili que; auh ica non axca mopahpa-
 quilticate ompa ilhuicac. Ica non gra-
 cia tlen ica Yehuatzitzin omopalehui-
 que, ica non noi huan hueliz anmopa-
 lehuizque mebuan: ipampa mebuan an-
 mozel atle anhueli; atle anpati, ihuan
 atle anquipia: quenami quimitalhuitzi-
 noa Sr. S. Pablo: ipampa i graciatzin

in Dios niunca aquin niunca. Inic oc-
 tepitzin ancazicamatizque in tlen niqui-
 toa nicnequi namechixpantiliz quena-
 mi nin Santa Iglesia manel zanze mo-
 yeztica, moyeixeloa: ze itoca militante,
 ocze itoca triunfante, ihuan ocze itoca
 paciente. Santa Iglesia quihtoznequi
 nochtin yectlaneltocanime, ma tlatla-
 ca, ma zihuatl, ma teopix, ma camo
 teopix, ihuan quimoyecanilia achtotipa
 tomahuiztatzin Jesucristo, auh zatepa-
 nia ze huei Teopixcatlahtoani itoca
 Smo. Padre, auh ic unca oczequintin
 Teopixcatzintin. Itoca militante,
 ipampa ticate nican tlalticpac ica ze
 huei mictiliztli nozo guerra ica nin
 yei toyaohuan, nozo enemigos; ze in-
 tlalticpac, quihtoznequi, nochtin toc-
 nitzitzihua, nochtin toluampohua, ma
 tlatcatl, ma zihual; inon quihtoznequi
 tlalticpac nozo mundo: ihuan quena-
 mi itech nin mundo nelohticate in
 qualtin, ihuan in amoqualtin, ic unca
 huala nin mictiliztli nozo guerra: i-
 pampa in amoqualtin huelica qui e-
 qui quintepeixihuizque ipan tlahtlacoli
 in quahqualtinme, ma ica i tlahtol, ma

ica i amoquali tlachihual, ma quenamí
 in tlahuelilo quin tlahtolmaca: ac in
 quahqualtinme, huelzenca quali mo-
 palehuia ica Totemaquixticatzin Jesu-
 cristo, ihuan amo moyoltemaca inah-
 huac nin mundo manel yehuatl qui-
 chihua tlen quinequi. Ocze enemi-
 go aquin inahuac momictihcate itoca
 tlahuelilo: inin moxicoani noihuan hue-
 lica quinequi quintlapololtiz ipilhuan-
 tiztzihuan in Dios, quenami quintla-
 pololtia ipilhuan ye; (in amoqualtin
 cate ipilhuan tlahuelilo) ac ipilhuan-
 tiztzihuan in Dios, nozo in qualtinme,
 amo moyoltemaca inahuac nin moxi-
 coani nozo tlahuelilo; ca zemicac mo-
 mictihcate ica ye; aul ipampa on;
 Dios quimomachitia quexquich tequitl
 quinmaca, inic amo huetzizque ipan
 ixquich teneyeyehcoltiliztli nozo tenta-
 ciones quin tlalitinemi inic quintepe-
 xihuiz. Ocze enemigo tlen unca ihuan
 aquin inahuac noihuan ticmomictiti-
 cate, itoca nacayo: quema nocnitzitzi-
 hua; ica nin nacayo ticpia ze hui
 mictiliztli nozo guerra; yehuatl hueli-
 ca quinequi tlen amo quali; huelica

quinequi quitepexihuiz i animatzi ipan tlahtlacol, ihuan in anima zemicac quinequi quimacaz paquiliz ipan nochi tlen amoquali ye quelehuia, ac in animatzitzin in quahqualtinme amo quimaca nin amoquali paquiliz; ca quitlatzacuiltia ica nezahualiz, neyolhuutiliz, izelilocatzin i nacayotzi. Totemaquixticatzin Jesucristo, nozo ocze tlama-zehualiz quenami nin, tlen ica quicaxanilia i chicahualiz, ihuan ihcon mochihua in mictiliztli nozo guerra tlen zemicac quipia in nacayo ica in yolia: auh ipampa nochi nin guerra quipia ica in mundo, ica in tlahuelilo, ihuan ica in nacayo: ipampa on itoca Iglesia *militante*. Iglesia *triumfante* mochiutzinoltica ica nochintzitzin Ilhuicachanehque ipampa ye oquitlanihque nin guerra nican tlalticpac: auh non quihtoznequi triunfo: titlanilizque aquin inahuac timomictia: auh quenami ompa Ilhuicac acmo cate nin toyahuan, amo aquin momictiz ica ocze; ca zemicac mozepan tlazotlazque, no ihuan zemicac yez Iglesia *triumfante*. ¿Ihuan in ocze Iglesia tlen itoca? Ito-

ca Iglesia *paciente*. ¿Ihuan inon cam-
 pa moyeztica? Ompa Tlechipahualo-
 yan Purgatorio: itoca *paciente*, ipam-
 pa ompa quihyohuihticate inon tletl
 tlen ica mochipahticate: ipampa nican
 amo oquichihque nochí in tlamazehua-
 liz, tlen itechpohuiaya i tlahtlacol. No-
 chí nin oniquihto nocnitztizihua, inic
 anquimotilizque quexquich tecohcoca-
 yol amechmochialia ica nin mundo,
 ica nin tlahuelilo, ihuan ica nin naca-
 yo: auh quenami achto hueliz amo an-
 quimachilihque nin guerra ipampa an-
 micticateca ica anno tlahtlacol; axca i-
 ca Dios igraciatzin quenin ye oanmoz-
 calihque, huelica quinequizque nin yei
 enemigos oczepan amechmictizque:
 ac mehuantzitzin amo ximocahuaca:
 xictelchihuaca, xicmomictica inahuac:
 xicmoilnamiquilica achica nin tlahtol-
 tzi iaxcatzi Sr. S. Pablo: tla Totecu-
 yu Dios moyeztica to pampa ¿aquin
 hueliz itla techchihuiliz? ihuan nin
 ocze: ¿aquin hueliz techquixtiliz in
 tetlazotlaliztli i axcatzi Totemaquixti-
 catzin Jesucristo? ¿In tecohcocayol,
 in tlayocoyaliz, in apiz, in tepoztli no-

zo *cuchillo*, ihuan oczequin tecohco-
cayol quinnotehuilia Yehuatzin? Za-
noihqui quimitalhuitzinoa Sr. S. Pablo:
ahuel techquixtiliz nin teotetlazotla-
liztli itoca caridad, nozo tecualtiaya-
tzin gracia; ahuel techquixtiliz oczepa
niquihtoa in miquliz, in yoliliz, in An-
gelosme: amo aquin, amo aquin, noc-
nitzitzihua, hueliz techquixtiliz in gra-
cia, intla tehuan ica totlanequiliz amo
ticahua: ihuan amo xinechilica amo an-
quicahua ica anmotlanequiliz: ipampa
manel antlahtlacoa quenami tlacame;
ac quenami tlaneltocanime zemicac
anquelehuia, zemicac anquitlazôtlâ nin
gracia: ipampa namechnanquiliz; zan
ixtlacayopan anquelehuia, ihuan anqui-
tlazôhtla; ihuan melahcayopan anqui-
telchihua, ihuan anquicocolia: ipam-
pa quenami ihquac ica nochî anmo
tlanequiliz anquicahua in temihtiani
tlahtlacol, annoyolhuitia ihuan an-
moyolcocoa, niman anmechcuepilia in
Dios non gracia tlen anquipolohca ica
in tlahtlacol; zanoyuhqui, ihquac ica
anmo tlanequiliz anquichihua in temih-

tiani tlahtlacol oczepan anmechquixt-
 lia in teotetlazotlaliztli. Amo ximocah-
 cayahuaca, nocnitzitzihua, ica nin ix-
 tlacayol, ihuan oczequin tlen tlahueli-
 lo, mundo, nozo anmonacayo anmech-
 tlaliliz ipan anmotzonteco inic anqui-
 cahuazque nin quali nemiliz ye oanqui-
 mopehualtihque: xicmoyolchicahuaca
 huel miec inic amo anquicahuazque
 nin quali ohtle ye oanmopehualtihque:
 xictlapoca quali anmoixtololohua, i-
 huan amo oczepa xitzacuaca ica in te-
 mihtiani tlahtlacol: ipampa ;anquimati
 cuix oczepa amechcuepiliz Dios nin
 gracia: ;anquimati cuix oczepa ancala-
 quizque itech santos ejercicios? ;anqui-
 mati cuix miec, nozo zantepitzi amech-
 poloa inic anmiquizque? Xicmahuilica
 huel miec nin tlahtoltzi i axcatzin San-
 to Evangelio: amo ocachi xitlahtlaco,
 amomochihuaz itla ocachi huel amo-
 quali mopan huetziz. Tla ye oanmoz-
 calique ica i graziatzin in Totemaquix-
 ticatzin Jesucristo, acmo xictemoca
 tlen câ ipan tlalticpac; ca xicmote-
 moilica tlen ca ompa tlacpac, ompa
 llhuicac: ompa amechmochualihtica


Yehuatzin, ompa quimonequiltia anyazque; za izel polihui quali anmotlamitizque. Ihuan tla quali oanmopehualtihque ica Dios igraciatzin: ipampa manel amo anhualahque ica nochi anmotlanequiliz; ac Yehuatzin ye amechmoyoleueptzino: ¿tlen anquichihuazque inic acmo oczepa antlahtlacozque, auh ihcon anmotlamitizque quali? Tlen Totecuyu Jesucristo quimitalhuitzinoa: tla ticnequi timomaquixtiz, ximopieli i tlanahuatiltzitzihua: quema nocnitztizihua: zan ica anquimopielizque i tlanahualtltzitzihua in Dios, in Santa Iglesia, ihuan tlen zezeahcan anmotechpohui, auh ihcon amechaziz Yehuatzin ipan momiquiliztempan, melahcayopan anyazque Ilhuicac; ihcon quimitalhuitzinoa in Santo Evangelio: aquin momiquilia ipan igraciatzin in Dios inon momaquixtia: ipampa on quimitalhuitzinoa in teotlahtol: ¿aquin metztica ocachi huei, ihuan ocachi quali ixpantzinco in Dios? Aquin ocachi quimotlazohtilia Ihuan oczepa tetlahtlania. ¿Ihuan aquin ocachi


quimotlazohtilia in Dios: ihuan tlanau-
 quilia. Aquin ocachiquali quimopielia
 i tlanahualtitzitzihua. Za izel nechpo-
 loa namech molhuiliz, quenin anquimo-
 pielizque nin tlanahuatiltzitzihua, i-
 huan quenin acmo oczepa antlahtla-
 cozque: ica zemicac anquilnamiquiz-
 que in miquiliz, in tlapoal nozo cuenta
 anquimomaquilizque in Yehuatzin, in
 Ilhuicac, ihuan in mihtlan: ica zemicac
 anquilnamiquitinemizque nin nahui tla-
 mantli aicquemantlahtlacozque, que-
 nami quimitalhuitzinoa in Dios Espí-
 ritu Santo, noihuan quimitalhuitzinoa
 Yehuatzin: inic ze amo huetziz ipan
 teneyêcoltiliztli, ma quimotlahlauhtili
 zemicac in Dios ica nochi i yolo ma-
 camo quimocahuiliz huetziz: tla ihqui
 anquichihuâzque, anmomiquilizque i-
 pan igraciatzin in Dios: tlen ica nochi
 noyolo nimotlahtlautilia in Yehuatzin
 ihqui mochiuaz.

LAUS DEO.

INDICE.

<i>Preparacion para los ejercicios.</i>	pág. 9.
<i>Sobre el fin del hombre.....</i>	20.
<i>Sobre el castigo del pecado de Adan.</i>	31.
<i>Sobre el castigo de los ángeles....</i>	41.
<i>Sobre la gravedad del pecado mortal.....</i>	51.
<i>Sobre la muerte de los pecadores..</i>	59.
<i>Sobre la muerte de los justos.....</i>	72.
<i>Sobre el juicio particular.....</i>	84.
<i>Sobre el juicio universal.....</i>	95.
<i>Sobre el infierno.....</i>	109.
<i>Sobre la buena confesion en lugar de la del pecado venial.....</i>	122.
<i>Sobre la pasion de N. Sr. Jesu- cristo.....</i>	137.
<i>Sobre el hijo prodigo.....</i>	154.
<i>Sobre la preparacion para la comu- nion.....</i>	169.
<i>Sobre la gloria.....</i>	184.
<i>Sobre la perseverancia final.....</i>	198.





GPL
RBR


497

6494

1841

2.2.

6239911
13 14 16



✱

7

